


NGANO MAN NGA DILI KITA USA KA DENOMINASYON?

 Pribilihiyo gayud nga makabalik dinhi sa pulpito pag-usab, human sa halos, sa hunahuna ko, halos tulo pud ka bulan nga wala ako dinhi. Kon nagkalisud ang mga squirrel, mao man usab ako. Oh, nakapahulay gyud ako, bisan pa man, karon, ug mao nga mabati mo na nga gusto na nimong makabalik sa buluhaton pag-usab. Ug bueno nagalaum kita nga masugdan na sa niining moabot nga semana, sa niining moabot na nga Miyerkules sa gabii, ang usa—usa ka rebaybal dinhi mismo sa tabernakulo. Ug kon itugot sa Dios, medyo aduna ko’y . . . Gisaaran ako sa Dios og usa ka lahi ug bag-o nga matang sa ministerio. Ug kung buut Niya nga buhaton na kana, nagalaum ako nga sugdan na kana—kanang bag-o nga matang sa buluhaton sa niining moabot nga semana, dinhi sa tabernakulo, sa unang higayon.

² Ug bueno, wala man ko’y nakatakda nga mga panagtigum, gawas lang nianang sa Australia ug sa New Zealand, sa niining umaabot nga Enero. Ug usab gitawgan ko ni Igsoong Osborn para sa usa ka hiniusa nga panagtigum nga medyo nakasaad ako kaniya usa ka higayon kaniadto, sa Tulsa, apan medyo dugay-dugay pa man, mao nga dili pa gyud kami sigurado bahin niana.

³ Pagkaanindot gayud, Igsoong Jeffreys, nga malamano ka mismo dinhi, ug usab ang madungog ang imong anak nga lalaki nga giawit kana nga awit, ug ikaw pud ang nagtugtog. Ganahan gyud ko og ingon niana, amahan ug anak. Gusto ba ninyo kana? “Padaku-a ang bata diha sa dalan nga iyang pagalaktan.” Husto kana, Mr. Guenther, kamo—kabalo mo nga husto kana, kamong duha. “Padaku-a ang bata diha sa dalan nga iyang pagalaktan, ug kung siya matigulang na siya dili mobiya niana.” Ug tinuod kana. Tingali’g dunay mga higayon nga mobiya siya gikan niana, apan dili gyud kana mobiya gikan kaniya. Kita n’yo? Kini’y—kini’y sa kanunay magpabilin na kaniya. Kanang sayo nga pagbansay kaniya ug kung unsa man ang gikatudlo kaniya nga angay niyang pagabuhaton, kana’y—magpabilin gyud kana kaniya. Karon, kini’y . . .

⁴ Nahimamat ko si Igsoong Jeffreys kaganina dinha, ug ingon ko, “Igsoong Jeffreys . . .” Sa hunahuna ko, abi ninyo, kanunay gyud kong malipay nga makita ang si kinsa man sa mga kaigsoonan nga nagabisita, sama niining gabhiona nga nakabisita gyud kining usa ka igsoon! Kini man gud ang gabii nga halos ang regular lang nga mga kaigsoonan ang makaanhi sa

tabernakulo, sa wala pa kini nga rebaybal. Mao kini ang gabii . . . Buut natong hisgotan karong gabhiona, ug ugma sa buntag, ug ugma sa gabii, ang mahitungod sa atong ginatoohan dinhi sa tabernakulo, og nga—nga hisgotan kini pag-usab. Aduna kita’y mga pagtoo nga lahi gayud, talagsaon kaayo, apan bisan pa man makita mismo nato sa niini nga Biblia. Anaa kining tanan dinha.

⁵ Ug karon, kung duna ma’y usa ka igsoong lalaki o igsoong babaye nga bag-o han ra, nga miyembro sa usa ka denominasyon, o—o kaha wala-nagauyon, nga mitambong lang sila karong gabhiona, buut namong mahibaloan ninyo nga bug-os gyud namo kamong ginaabi-abi. Kita n’yo, malipayon gayud kamong ginaabi-abi. Apan karon nagalaum ko . . . Ug kon medyo mabagison man ang atong paghisgot dinhi. Ug kung pananglitan dili man kamo mouyon niini, bueno, karon, buhata na lang ninyo ang sama sa akong ginabuhat pag nagakaon ako og cherry pie. Ug pag nagakaon man gud ko og cherry pie, nga akong paborito, pirmi kong, sa diha nga akong . . . Pag nagakaon ako og pie, kung nakausap man ko og liso, dili man nako iluwa ang pie. Ako—iluwa ko lang ang liso ug padayon ko lang nga ginakaon ang maong pie. Ug, o sama ra usab pag nagakaon ’ta og manok. Bueno, kamong tanan ganahan man gyud og manok, kita n’yo. Ug pag makausap mo og bukog, dili man mo moundang og kaon, kondili ginalikayan n’yo na lang nga kaonon ang bukog ug padayon nga ginakaon ang manok. Bueno, buhata sab ninyo ang ingon niana karong gabhiona, bahin sa kung unsay akong ginasulti dinhi, basta inyo lang . . . pag aduna kamo’y madungog, og moingon mo, “Karon, ako—dili ko gayud . . . mitambong lang baya ko dinhi, ila ra man nang diyutay’ng mga Doktrina sa iglesia nga igapahayag, sa niining mosunod nga tulo ka panagtigum. Medyo ginahisgotan lang man nila pag-usab ang bahin sa kung unsay ilang—sa kung unsay ilang ginatoohan, ug ginabalikan lang nila kini.”

⁶ Ug ang bugtong paagi nga mapatoo mo Niini ang usa ka tawo, mao ang paghatag gayud og punto niini hangtud nga masayran gyud nila nga mao Kana ang butang nga tinuod. Mao lang kana ang paagi nga maipatuho mo kini. Sama lang sa usa ka higala nako, nga si Mr. Wood nga dugay ko nang nakauban; kung katunga lang ang pagpadulot mo sa lansang, ug wala nakatapat og ayo ang tabla, nan paliron ra kana sa hangin sa dili madugay. Mao nga kinahanglan nimong ilansang kana og ayo, para motapat gyud kana. Busa karon kung medyo mabagison ako mahitungod sa pipila ka mga bahin niini, ug sa inyo nga mga bisita nga ania karon, dili ko—dili ko tuyo nga pasakitan kamo. Ang tuyo ko lang nga maipasabot gayud sa niining iglesia ang among ginatoohan. Ang tanan nga nakasabot gayud, moingon, “Amen.” [Nagaingon ang kongregasyon, “Amen.”—Ed.] Maayo. Kana’y—kana’y maayo gayud. Ug karon tangtangan ko na kini nga kahangawa. Ug bueno—bueno ang . . . Ginarekord man

nila kini, ug mga ingon niana, aron nga pagkahuman, kung gusto sa mga tawo nga masayran kung unsa gayud ang among ginabarugan, ug kung unsa ang mga basihanan sa among ginabarugan, nan kini nga mga rekording ang magasulti. Ug mao nga kanunay namo kining ginabuhay, tungod aduna ma'y mga bag-ohan nga nagatambong ug—ug mao nga nagapadayon ra kami. Ug karon dili man nato mahimong balikan ang tanang mga Doktrina sa iglesia, kondili ang pipila lamang niini nga buut nato nga—nga pagahisgotan. Ug bueno, sa Miyerkules sa gabii, diay, pagasugdan . . .

⁷ Bueno, sa Lunes ug Martes, molakaw ako, aron makaampo, og makapagandam para sa panerbisyo sa pagpang-ayo. Ug puede ra kamong motawag sa telepono, o kung unsa ma'y paagi nga gusto ninyo, ug pagdala sab mo og si bisan kinsa nga gusto ninyo, para sa umaabot nga rebaybal. Ug sultihi n'yo sila nga dili sila puede motambong nga gadali, dili sila puede moanhi, og moingon, “Bueno, modalikyat ra ko didto aron maiampo, karong gabhiona. Ug ugma sa gabii, igo na lang. . .” Ayaw kana buhata. Kondili panambong mo ug maminaw usa, tungod kay gusto namo nga mogahin mismo og oras ug ipahayag ang Pulong sa ingon ka tataw gayud aron ang yawa dili na magkaaduna pa og bisan diyutay'ng tipik lang nga espasyo para makalihok. Ug dayon kon tugotan n'yo lang ang inyong pagtoo nga makalahutay hangtud sa pagtapos, hangtud nga hinay-hinay na kamong motoo, ug tugotan nga mamuhat ang inyong ilalum-panimuut, nan ang pagtoo nga iya sa Dios pagapamatud-an kana. Dayon dire-diretso na kamong makapadayon. Kita n'yo?

Tungod kay, kon inyo lang pagtoo dili kini makapamuhay og sobra. Ang inyong ilalum-nga-panimuut kinahanglan nga mopaingon mismo sa direksyon nga ginapadulngan sa inyong pagtoo, ug pagkahuman ang pagtoo nga iya sa Dios mao na'y mamuhay ug bug-os kana nga panghimatud-an. Kita n'yo? Tungod, bisan pa nga nagaingon ang inyong pagtoo, “Oh, oo, naangkon ko na kini mismo karon!” Ug ang inyong ilalum-nga-panimuut usab, nagaatras, og nagaingon, “Magpulos kaha kini kanako?” Wala gayud kana'y kahimoan, kung ingon niana. Kita n'yo? Busa ginatinguha nato nga mamahimo kining usa ka bug-os nga panerbisyo sa pagpang-ayo. Ug sa dili ko pa pasudlon ang si kinsa man diha sa mga lawak, ug uban pa, para sa pagpang-ayo, o sa niining bag-ong mga buluhaton, gusto ko una nga masabtan nila kung unsa gyud ang ilang ginasudlan dinha. Busa timan-i n'yo, panambong kamo ug duawa kami, ug malipay gyud kami nga makauban kamo dinhi.

⁸ Karon hinumdumi n'yo, ha, nga ugma sa buntag, padayonon nato ang paghisgot mahitungod sa Doktrina sa iglesia. Ug mao sab gihapon ugma sa gabii. Bueno ginadapit kamo nga motambong, ug ang si bisan kinsa puede gyud nga motambong. Malipay gayud kami nga mahimamat ang si kinsa man. Apan

karong, gabhiona, nakapahinugod kini sa mga tawo mismo dinhi sa tabernakulo, nga—nga mga dugay na sa niini nga Doktrina. Kay, dinha sa natad sa pagpangmisyon, sa natad sa pang-ebanghelyo, ang ginahisgotan lang namo mao ang tinuod og pundamental, pang-ebanghelyo nga mga Doktrina sa mga Kasulatan. Apan dinhi sa tabernakulo, aduna man kami og kaugalingon namong mga panghunahuna ug kaugalingong mga tinoohan, ingon nga usa—ingon nga usa—ingon nga usa ka iglesia, ug mao kana ang atong pagahisgotan, karong gabhiona.

⁹ Ug sa dili pa nato ablihan ang Iyang mapanalanginong Pulong, mahimo ba nga iduko ùsa nato ang atong mga ulo sa makadiyut alang sa pag-ampo?

¹⁰ Makagagahum—sa—tanang ug gamhanan nga Dios, Nga, sa wala pa misugod sa pagtuyok ang kalibutan diha sa pinakauna nga atom, Dios na Ikaw. Wala gyud Ikaw nausab bisa'g gamay. Ug sa diha nga wala na'y mga atom nga mokuopot niini, ug wala na'y kalibutan nga pagakuptan, Ikaw sa gihapon mao ang Dios. Wala Ka'y katapusan, ug naggikan sa walay katapusan. Ikaw mao ang Dios. Wala Ka gayu'y sinugdanan sa mga adlaw, ni katapusan man sa kinabuhi. Buhi Ka sa kanunay. Ug, Amahan, sa Imong pagkawalay—kinutoban, ug kami ingon nga mga may—kinutoban, nan nagapangamuyo kami alang sa Imong Balaang kalooy, Dios, ingon nga hingsayran namo nga kining among espiritu moipon kini ngadto sa Eternidad, gikan sa niining mga elemento sa panahon, paingon sa Eternidad. Busa, Ginoo, ania kami aron susihon ang among kaluwasan, aron among masayran kung unsa ba ang among kahimtang diha sa atubangan sa Imong Pulong, ug aron among makita kung unsa na ang among nahimutangan basi sa among mga kasinatian. Nagakinabuhi ba kaha kami nga nakapahimuot Kanimo? Ang among espiritu nagapamatuod ba kaha nga uyon sa Imong Espiritu? Ug ang among pagpanudlo nagapamatuod ba kaha nga uyon sa niining Biblia? Ug, Amahan, hinaut nga among pareho nga masusi kana, og ayo, sa niining mosunod nga tulo ka umaabot nga mga buluhaton. Itugot kini, Ginoo.

¹¹ Panalangini ang maong pastor dinhi, ang mga diyakono, ang mga tinugyanan, ug ang tanang yanong mga miyembro niining iglesia, ang mga tawo usab nga nagatambong dinhi. Sukad niadtong una kong mga adlaw dinhi, Ginoo, daghan, daghan gayud ang wala nako hiilhi ang mga ngalan, o kon taga asa man sila, apan sigurado ko nga nasayran Mo ang tanan—tanang mahitungod kanila. Ug ania kami para nianang usa ka katuyoan, karong gabhiona, Ginoo, ang makapag—fellowship palibot sa sinulat nga Pulong. Ug ihatag kanamo ang Balaang Espiritu sa among mga kinabuhi, aron manglingkod kami nga mahilumon gayud, ug maugdang, ug nga may kahadlok sa Dios, ug masusi namo ang among mga kinabuhi pinaagi sa Iyang Pulong. Itugot kini, Ginoo.

¹² Ug dinhi niini nga bilding, karong gabhiona, Ginoo, ania ang akong mga kaigsoonan gikan sa nagkadaiya nga mga pundok sa—sa iglesia. Ug, Ginoo, mapasalamaton gayud ako nga ania sila karon para magpakig-fellowship. Tingali'g dili man kami magkauyon bahin sa diyutay'ng mga prinsipyo sa mga Doktrina. Apan diha nianang usa ka halangdon og pinakamahinungdanon nga prinsipyo, nagabarug kami ingon nahiusa nga mga kaigsoonan diha sa unahan sa panggubatan. Tungod niana, Oh Dios, hinaut nga mapalig-on niana ang among—among mga pagpakig-fellowship, ug ang among... ug hinaut nga maanaa kanamo ang mga pagkahiusa diha sa grasya ug gugma sa Dios nga madagayaon gayud. Karon, ingon nga hingsayran namo, Ginoo, nga malisud kaayo kini nga buluhaton para usa ka tawo, tungod kay ania kami karon nga ginahunahuna mismo, karong gabhiona, ang kapaingnan sa mga kalag nga paingon sa Eternidad. Busa ginaampo namo nga ang Balaang Espiritu mosulod mismo sa Pulong, ug ipahayag Kini ug hatagan Kini og katin-awan sa Kaugalingon Niya nga pamaagi, para kanamo, ang mga butang nga buut Niya nga masayran namo. Itugot kini, Ginoo. Ug sa dihang ang tulo... pag matapos na ang mga oras sa buluhaton, hinaut nga managpanguli kami ingon nga usa ka napalig-on gayud nga iglesia, ingon nga nagkahiusa, aron mahiusa namo ang among mga kasingkasing ug mga tumong, kauban ang among mga isig ka lungsoranon sa Ginghamian sa Dios, ug managpadayon kami nga wala pa namo sukad nabuhat kaniadto.

¹³ Gusto ko nga magpasalamat Kanimo, Ginoo, dinhi sa atubangan sa iglesia ug—ug sa mga tawo nga ania karon, tungod sa Imong gihatag kanako nga pipila ka semana nga maanindot nga pahulay. Maanindot gayud ang akong gibati karong gabhiona tungod sa Imong Presensiya ug sa Imong panalangin. Oh Dios, ginaampo namo ang among igsoong lalaki dinhi, ang among igsoon nga moadto sa ubang-nasud, didto sa mangitngit, mahugaw'ng mga nasud, kon diin ang iya mismong kinabuhi mahimong mapahimutang sa peligro. Oh Ginoo, panalangini ang among Igsoong Jeffreys sa iyang pagpang-misyon, ug ang iyang anak, ug ang iyang asawa, ug hatagi siya sa labing kadagaya. Hinaut nga makahimo siya og mga lungag diha sa kangitngit hangtud nga modan-ag ang Kahayag sa Ebanghelyo ngadto sa tanang dapit. Dunga kami, Amahan, kay amo kining ginapangamuyo sa Ngalan ni Ginoong Jesus, nga Imong Anak. Amen.

¹⁴ Karon, niining gabhiona, mobasa ko sa akong gamay'ng Biblia. Bag-o lang ako milagpas sa edad nga baynte-singko anyos, bag-ohay pa lang. Ug makabasa man gihapon ko niini, apan medyo nagakahalap na lagi. Busa nagasul-ob ako og usa ka pares sa antipara nga pangbasa pag nagatuon ako, ug tan-awon ko kung magsilbi ba kini karong gabhiona, sa unang higayon.

Karon aduna ko'y mga hilisgotanan, nga ingon niini, nga, "Kinahanglan ba ang Iglesia. . ." Oh, daghan pa nga mga butang, kung mahimo unta natong mahisgotan ang mga niini. Ang usa niini, "Nganong ginatawag man kita nga Iglesia? Ngano man nga dili kita usa ka denominasyon? Ngano—nganong nagatoo man kita sa Eternal nga kasiguradohan sa kalag sa magtotoo? Ngano man nga ginakondena nato ang mga babaye nga magwawali? Nganong nagabautismo man kita pinaagi og pagtuslob? Ug ang Iglesia moagi ba sa Kasakitan?" Ug daghang ingon niini nga mga hilisgotanan dinhi, siguro aduna ko'y kinse o dise-otso niini, para sa mosunod nga mga pipila ka gabii.

¹⁵ Ug nahunahuna ko, karong gabhiona, nga magsugod, nga sugdan ang, daw sa gipahimutang man gud sa Ginoo sa akong kasingkasing kining hilisgotanan, nga. . . *Ngano Man Nga Dili Kita Usa Ka Denominasyon?* Ang hinungdan nga. . . Bueno, wala kita'y unsa man nga batok sa ubang mga tawo nga miyembro sa denominasyon. Wala gyud kita'y unsa man nga batok kanila, apan gusto ko lang hatagan og katin-awan kon ngano man nga dili kita nahilambigit sa bisan unsa nga denominasyon. Hinoon naordenahan ako sa usa ka gamay'ng iglesia nga Baptist, sumala sa inyong nasayran. Ug ang Baptist dili pa man usa ka denominasyon kaniadto, dili pa, gawas lang sa karon, ug karon kini'y ingon na gayud ka denominasyon sama sa tanang uban pa. Apan, ang hinungdan kon nganong wala kita nahimong usa ka denominasyon. . .

¹⁶ Bueno, usa man kita ka organisasyon. Usa kita ka organisasyon, nga nalista dinhi sa—sa korte, isip usa ka organisasyon, usa ka grupo sa mga tawo nga giorganisa alang sa pagsimba kang Cristo, apan dili kita kabahin sa usa ka denominasyon. Walay si kinsa man ang puedeng modominar kanato, nakita n'yo. Tungod dili kini denominasyon. Kini'y—kini'y usa lamang ka organisasyon, usa ka pagpakig-fellowship sa mga Cristohanong magtotoo. Nagatambong ang mga tawo dinhi sa iglesia. Ug mamahimo na sab nila kini nga kaugalingong simbahan kung gusto nila nga motambong dinhi, samtang buhi pa sila.

¹⁷ Ug mahimo ra sila nga motambong dinhi ug dili-mouyon sa tanan nga atong ginawali. Okey lang kana. Kamo sa gihapon, basta Cristohanon kamo, aduna gyud kamo'y pagpakig-fellowship dinhi, ug ug mga kamot nga andam mokab-ot sama sa tanang uban pa. Kita n'yo? Kung moingon man ko nga nagatoo ako sa pagbautismo pinaagi og pagtuslob sa tubig, ug kamo usab nagatoo sa pagwisik-wisik, ug nagapabilin mo niana, nan mao ra sa gihapon ang pagtagdanay nato ingon nga mora lang kita og managkauyon. Tingali'g dili kita managkauyon, nga pareho gayud. Apan basta usa ikaw ka Cristohanong igsoong lalaki o igsoong babaye, bug-os gyud kamong ginaabi-abi, kita n'yo, ang tanang tawo.

18 Busa wala kita'y bisan unsa nga denominasyon, tungod kay sa hunahuna ko ginapahimulag man gud sa denominasyon ang pagkamanagsoon. Moingon ang uban kanila, "Bueno, wala kami og unsa man nga kahilambigitan niana nga rebaybal. Tungod rebaybal man kana nga iya sa mga Methodist." "Bueno, iya kana sa mga Baptist. Wala kami'y. . . Mga Methodist kami. Wala kami og unsa man nga kahilambigitan niana." Igsoon, kung anaa man si Cristo diha niana, nan kinahanglan—kinahanglan hinoon nga aduna kita'y kahilambigitan niana. Kinahanglan nato nga ipadaplin ang atong. . . Ang—ang Lawas man gud ni Cristo ang—ang nagaantus tungod niana. Ug makita ko nga ingon na ka daghan ang ingon niana sa tibuok kayutaan karong panahona, kung unsa nga kita. . . Bueno, si Cristo wala baya nagbuhat sukad-sukad, sa unsa mang panahon, nga nag-organisa og bisan unsa nga denominasyonghong iglesia. Karon, makasigurado kamo niana.

19 Karon, bueno, pangutan-on ko kamo ugma sa gabii, kung duna ba'y bisan unsa niining mga butanga ang gusto n'yong mahibaloan, sama sa pipila ka kasaysayan nga akong ginakutlo, o mora'g ingon niana. Wala man gud ko'y igong panahon aron hisgotan ang tanan niini, kay basin dili ako makadangat sa ubang hilisgotanan, tungod mogahin man gud ka og pipila ka semana mahitungod nianang mao ra mismo nga hilisgotanan. Apan kung duna ma'y bahin nga gusto n'yong mahibaloan, o unsa man, pangutan-a lang ko ninyo, ug ibutang ra ang inyong pangutana dinhi ibabaw sa—sa pulpito, ug tubagon ko kana para kaninyo.

20 Bueno, ang pinaka-karaang denominasyon, ug ang unang denominasyong iglesia nga aduna kita, mao ang iglesiang Katoliko. Ug naorganisa kini tulo ka gatus kapin ka tuig human sa pagkamatay sa kaulahiang apostoles. Ug husto kana. Makita n'yo kana diha sa unang mga Nicene Fathers, ug makita n'yo usab kana diha sa mga sulat ni Josephus, ug, oh, sa daghan pa nga—nga mga bantugang magsasaysay. Kita n'yo? Ug sumala sa—sa. . . unsa man nga mga kapanahonan sa iglesia, hangtud ngadto sa pagkamatay sa kaulahiang apostoles, ug tulo ka gatus ka tuig diha sa pikas bahin mahitungod sa mga apostoles, wala gayu'y mga iglesiang denominasyon. Ug ang Katoliko mao ang unang denominasyon nga iglesia.

21 Ug ang mga iglesiang Protestante mao ang mga denominasyon nga migawas ra pud gikan sa usa ka denominasyon. Ngani ang unang repormasyon nga miabot, mao kadtong kang Luther; human ni Luther miabot si Zwingli, human ni Zwingli miabot si Calvin, ug uban pa. Ug hangtud sa Wesleyan nga Rebaybal, ug hangtud kang Alexander Campbell, kang John Smith, ug uban pa, kita n'yo, hangtud sa uban pa. Ug ang kaulahiang mga kalihokan nga aduna kita sa karon

mao na ang nagkalainlaing mga hugna sa Pentecostal nga kapanahonan.

²² Ug nagatoo ako nga ang Dios nagapakighilambigit gayud sa matag kapanahonan. Apan namatikdan ba ninyo, sa matag higayon nga nagakapukan ang usa ka iglesia, ug sa diha nga maghimo na sila og denominasyon dinha mismo sila hinay-hinay nga mapukan? Ug pag mapukan na sila, dili na gyud pagabangonon sa Dios kana nga iglesia pag-usab. Diretso na kana nga mopaingon sa pagkatun-as. Karon inyo lang. . . Kung gusto n'yong masayran ang kasaysayan mahitungod niana, atong—mapahayag man nato, nga—nga walay iglesia, wala gyud sukad-sukad sumala sa kasaysayan sa mga iglesia, wala gayu'y unsa mang denominasyon nga napukan ang nakabangon pa pag-usab. Ang Baptist man, Methodist, Presbyterian, Lutheran, og unsa man kana, sa diha nga napukan sila, nan wala na gyud sila. Bueno, husto kana. Karon, kini, ako—gisultihan ko na man kamo, nga isul-ob n'yo ang inyong mga jacket, tungod kay ipatuhop gyud nato kini. Kita n'yo? Wala pa sukad-sukad, ni usa ka higayon. Pero sa diha nga mogawla na ang tawo ingon nga usa ka indibiduwal ug mag-organisa og iglesia, nan dinha na magsugod.

²³ Nagapakighilambigit ang Dios sa tagsa-tagsa, dili sa denominasyon. Sa bisan unsa nga kapanahonan ang Dios wala gayud nagpakighilambigit sa usa ka denominasyon. Kondili kanunay Siya nga nagapakighilambigit sa usa ka indibiduwal. Sa Daang Tugon, nagpakighilambigit Siya sa tagsa-tagsa. Sa Bag-ong Tugon, nagpakighilambigit usab Siya sa tagsa-tagsa. Sa bisan unsa nga kapanahonan, kanunay gyud Siyang nagapakighilambigit sa tagsa-tagsa, ug dili sa mga denominasyon. Ug, busa, kung ang Dios wala diay diha sa denominasyon, nan unsa ma'y kapuslanan nga magkaaduna pa ako og unsa man nga kahilambigitan sa usa ka denominasyon? Karon, wala baya ko nagahisgot sa mga tawo nga anaa dinha sa denominasyon, kondili nagahisgot ako sa denominasyon mismo, tungod kay ang mga katawohan sa Dios anaa pa man sa tanan nianang mga denominasyon.

²⁴ Bueno, dili gyud ginatugot sa Dios nga mahitabo ang unsa mang butang kung dili ùna Siya nagahatag og pasidaan mahitungod niini. Wala ko nagatoo nga dunay bisan unsang butang nga. . .

²⁵ Karon, sama ra nga aduna kita'y kontrobersiyang mga hilisgotanan nga nagagikan, sa mga kaiglesiahan, sama niadtong nahisgotan nato bag-ohay pa lang mahitungod sa dugo ug lana, ug uban pa. Ug kabalo na man mo sa maong sulat nga “Minahal nga Igsoong Branham”, ug uban pa. Apan ang hinungdan nga mibarug ako batok niana, tungod kay wala man kana sa Pulong. Ug mao kana'y hinungdan nga batok ako sa denominasyon, tungod kay wala man usab kana sa Pulong. Ug

gikinahanglan nga aduna gyu'y butang nga pagabasihan nato sa atong pagtoo. Ug kung dili nato puedeng ibasi kini sa kung unsa nga denominasyon, nan kinahanglan nato kining ibasi sa Pulong sa Dios. Kay mao lang Kana ang bugtong basihan, ang Pulong sa Dios.

²⁶ Ug busa kung ang Pulong sa Dios wala nagasulti nga uyon sa denominasyon, kondili nagasulti nga batok sa denominasyon, kung ingon niana kinahanglan natong isulti ang sumala sa Pulong. Bisan unsa pa ang ginasulti sa obispo, kung unsay ginasulti ni kinsa man, kung unsay ginahunahuna ni kinsa man, kung unsa ma'y ginasulti sa usa ka maayong tawo, og bisan kinsa pa siya, kung dili kana sumala sa Pulong sa Dios, nan sayup kana. Kita n'yo? Kinahanglan nga, ang Pulong gayud ang angay'ng panghinapos nga pulong. Ang Pulong gyud sa Dios ang kinahanglang panghinapos nga amen.

²⁷ Karon hinumdumi n'yo, wala ako nagaingon nga dili-Cristohanon ang si bisan kinsa (nasabtan n'yo man kana) nga anaa diha sa mga denominasyon. Aduna gyu'y napulo ka mga linibo nga bililhong mga kalag ang anaa sa tanan nianang mga denominasyon, nga mga anak sab sa Dios. Apan ang ipanglain sila ug ibulag-bulag sila, batok na ako niana. Ug ang Pulong sa Dios batok gyud niana.

²⁸ Ug nagatoo ako nga walay ni usa ka ismo sa nasud karong panahona, walay ni usa ka ismo nga anaa sa yuta sukad pa kaniadto, nga ang pagtungha niini wala gikasulti-nang-daan, sa Pulong sa Dios. Nagatoo ako nga nagahatag gyud ang Pulong sa Dios sa tanan-tanan nga atong gikinahanglan, dinhi mismo sa Pulong. Gikan sa . . . ang atong sinugdanan hangtud sa katapusan, mahikaplagan pud mismo diha sa Pulong sa Dios. Ug busa ako—nagatoo ako nga kung anaa man kana diha sa Pulong sa Dios, nan angay gayud kitang . . . ginasulti-nang-daan Niini. Ug ang Pulong sa Dios usa mismo ka pasidaan.

²⁹ Bueno, dili man ninyo ginabasa ang Pulong sa Dios nga mora'g nagabasa lang kamo og mantalaan. Ginabasa ninyo ang Pulong sa Dios pinaagi sa Balaang Espiritu, kita n'yo, tungod kay ang Balaang Espiritu Mismo nagapanulti man pinaagi ni Cristo. Ngani gipasalamatan ni Cristo ang Dios tungod sa paglilong Niya niining mga butanga sa mga mata sa mga makinaadmanon ug mga masinabuton, ug gipadayag kini ngadto sa gagmay'ng mga bata ingon sa gusto makakat-on. Busa, nakita n'yo na, dili gyud paagi ang pagkahimong edukado, dili usab paagi ang paghimo og denominasyon. Kondili aduna lamang og usa ka paagi aron mamahimong husto, kana mao'y, ang mapangunahan sa Espiritu sa Dios. Ug ang inyong kasinatian kinahanglan nga nahiuyon usab sa niining Pulong. Kita n'yo? Dayon masabtan n'yo na kini. Kita n'yo?

³⁰ Sama ra sa atong pagpadayon dinhi sa pipila ka minuto karon, magapakighilambigit man kita sa mga tawo nga—nga. . . Ang uban kanila mga radikal nga Calvinista, ang uban pud kanila mga radikal nga Arminian, ug—ug nagkalainlain ang mga tinooan. Bueno, sa kanunay, bisan unsa pa kanipis ang imong paghiwa, aduna gyu’y duha ka bahin pirmi. Husto gayud. Ug mao nga kanang duha aduna usab og mga punto nga ginalantugian. Apan, ang pinaka-punto, hain ba napahimutang ang Kamatuoran niini? Dinha kita paingon karon, ingon nga nagatoo kami, nga pinaagi sa grasya sa Dios, among maipakita kaninyo ang Kamatuoran mahitungod niini. Karon kuhaon lang nato. . . ug dinhi man nako gisulat ang pipila sa niining mga doktrina sa iglesia.

³¹ Karon ablihi n’yo ang inyong mga Biblia, sa makadiyut lang, kamong tanan. Ug moabli kita dinha sa Pinadayag, sa ika-1 nga kapitulo; o sa Pinadayag, sa ika-17 nga kapitulo, dinha ’ta magsugod. Ug sugdan nato sa pagbasa ug hibaloan karon kon diin ba nagsugod kining mga kaiglesiahan, ug kung unsa—kung unsa man ang nagpasugod niini. Bueno, ang Biblia daan na mang nagpasidaan bahin sa tanang butang. Nagpasidaan na Kini bahin sa mga adlaw nga atong—atong gikinabuhian. Ug karon, sa Pinadayag, sa ika-17 nga kapitulo, kung mahimo. Ika-13 diay ang akong nasulti, wala ko kana gituyo, mahitungod man gud kana sa. . .Hinoon mahisgotan man nato kana usab, pagkataudtaud, mao kana ang propesiya mahitungod sa Estados Unidos. Apan paminaw mo og ayo karon.

Ug miabot ngari kanako ang usa sa pito ka mga manulonda nga may pito ka mga panaksan, ug nakigsulti kanako, nga nagaingon. . . Umari ka; ug ipakita ko. . .kanimo ang hukom ngadto sa bantugang dautan nga babaye nga nagalingkod sa ibabaw sa daghang mga tubig:

³² Karon timan-i n’yo, daw sa misteryoso gyud kini. Bueno kining mahugaw’g-dungog nga babaye, karon, kung atong itudlo kini, nan kinahanglan n’yo una nga mahibaloan kung unsa ba ang buut ipasabot niini nga mga simbolo. Karon, ang usa ka *babaye*, diha sa Biblia, nagarepresentar sa “iglesia.” Pila man ang nasayod niini, nga kita mao ang Pangasaw-onon? Ang Iglesia mao ang Pangasaw-onon.

³³ “Umari ka ug ipakita ko kanimo ang paghukom.” Bueno, magkaaduna og paghukom nga gipahayag nganha sa bantugang dautan nga babaye, sa mahugaw’ng babaye nga nagalingkod ibabaw sa daghang mga tubig. Karon, ang *babaye* nagasimbolo sa “iglesia,” ug ang *tubig* nagasimbolo usab sa “mga tawo.” Karon, kung inyong mamatikdan, usab, tan-awa n’yo, ang ika-15 nga bersekulo samtang anaa na kamo dinha, ika-15 nga bersekulo, sa mao ra nga kapitulo.

Ug miingon siya kanako, Ang mga tubig nga hingkitan mo, nga ginalingkoran sa dautang babaye, mao ang mga katawohan, . . . mga panon sa katawohan, . . . mga nasud, ug pinulongan. (Kita n'yo?)

³⁴ Karon, kining bantugang iglesia, nga bantugang babaye, karon timan-i n'yo nga usa siya ka mahugaw'g-dungog nga babaye. Ug kung ginarepresentar sa babaye ang iglesia, (ug ang Iglesia ni Cristo usa ka Pangasaw-onon, usa ka balaang Pangasaw-onon), nan anaa diay usa ka dautang babaye. Kung ingon niana siguradong usa gyud kana ka dautan, og nagpakaaron-ingnon lang, nga pangasaw-onon. Kita n'yo? Karon, ug unsa ma'y ginabuhat sa maong babaye? "Nagalingkod siya ibabaw sa," o ang maanaa sa *ibabaw*, nagakahulogan nga, "magahari ibabaw sa daghang mga tubig." Sa laing pagkasulti, aduna diay siya'y kagahum diha sa tanang kanasuran ug sa mga pinulongan ug sa mga katawohan. Usa man siya ka bantugang tawo, kining maong babaye.

Bueno, nga kaniya nagpakighilawas ang mga hari sa yuta, . . .

³⁵ "Kay nagpakighilawas ang mga hari sa yuta," ang mga dato, ang mga kadagkuan. Nan sa unsa mang paagi nga makahimo ka, sa unsa mang paagi nga ang usa ka hari, makapakighilawas sa usa ka iglesia? Pinaagi sa espirituhanong pagpanapaw. Espirituhanon! Unsa ba ang pagpanapaw? Kini'y, bueno, sama ra sa usa ka babaye nga nagkinabuhing dili-matinuuron sa iyang bana. Nagapakigpuyo na siya sa ubang lalaki samtang aduna pa siya'y bana. Ug kining iglesia, kung ingon-ana, kini—kini'y nagapakaaron-ingnon lang nga Pangasaw-onon ni Cristo, samtang nagapakighilawas siya sa mga hari sa kalibutan, pinaagi sa iyang mahugaw nga pagkinabuhi, og mahugaw nga pagpamahayag. Oh, halawum Kini ug madagayaon Kini. Gusto ko gayud ang Pulong. Karon himatikdi.

. . . nga kaniya nagpakighilawas ang mga hari sa yuta, ug ang mga nagapuyo sa yuta nangahubog sa vino sa iyang pagpakighilawas.

³⁶ Ang "bino" niya mao kana'y iyang ginahatag, ingon nga iyang pangpadasig, "Kami mao ang Iglesia! Kami mismo ang mga nakaangkon niini." Kita n'yo? Bueno, handurawa lang ninyo kana sa inyong hunahuna karon. Sige. "Ug iyang gida- . . ."

³⁷ Bueno, miingon ang manulonda kang Juan, "Ipakita ko kanimo ang hukom nga umalabot alang sa niini nga iglesia." Karon matikdi n'yo.

Ug iya akong gidala diha sa espiritu ngadto sa kamingawan: ug nakita ko ang usa ka babaye nga nagasakay sa usa ka mapulang mapintas nga mananap, . . .

³⁸ Ang *pula*, diha sa Biblia, nagarepresentar sa “pagkaharianon.” Ang kolor nga *pula* nagakahulogan og “pagkamapula.” Ug ang *mananap* usab nagarepresentar og “gahum.”

Inyo bang nahimatikdan, ang mapintas nga mananap nga migimaw sa dagat, nga anaa sa Pinadayag, sa ika-13. Ug sa diha nga makita na ninyo ang mapintas nga mananap nga nagagimaw sa dagat, ang buut ipasabot niana mao ang gahum niini magatungha sa taliwala sa mga tawo.

Apan diha sa Pinadayag 13, sa dihang migimaw ang cordero, migimaw siya gikan sa yuta, dili sa taliwala sa mga tawo, sa Estados Unidos. Ug pagkahuman, niana, nagkaaduna siya’y duha ka gagmay’ng mga sungay, sibil ug pang-simbahan nga mga gahum. Ug pagkahuman nakadawat siya og gahum, ug nanulti nga sama sa dragon nga nag-una kaniya. Busa isulat n’yo lang kini, tungod paingon na kita mahitungod sa pang-relihiyon nga pagpanglutos nga sama sa mao gihapong mga butang nga gibuhat sa mga tawo kaniadto sa paganong Roma daghan nang mga tuig ang milabay, kay kini man ang MAO KINI ANG GINAINGON SA GINOO.

Karon matikdi n’yo kini. “Nagasakay sa usa ka mapintas nga mananap, usa ka gahum.”

³⁹ Inyo bang namatikdan si Rebekah? Kaniadtong nakaplagan siya ni Eliezer, panahon kadto sa kagabhion, ug iyang gipainom ang kamelyo. Tungod, miingon na man si Eliezer, “Ang dalaga nga moabot ug magpainom niining kamelyo, siya na ang mamahimong. . . ug magpainom kanako, siya na mao ang Imong pinili, Ginoo, aron mamahimo nga pangasaw-onon sa Imong alagad, nga si Isaac.” Ug samtang nagaampo pa si Eliezer, miabot si Rebekah ug nagkalos og tubig ug gipainom siya, ug gipainom sab ang kamelyo. Himatikdi, nga ang kamelyo usa ka mananap. Ug kadtong mao ra nga mananap nga iyang gipainom, mao sab mismo ang nagdala kaniya ngadto sa iyang pamanhonon, nga si Isaac.

⁴⁰ Ug, sa karon, ang gahum sa Espiritu Santo, nga ginabisbisan ug ginasimba sa Iglesia, mao usab ang Butang nga magadala Niini gikan niining yutaa, aron tagboon ang Pangasaw-onon. Oo, atua si Isaac sa umahan niadtong, gabhiona. Dili man nato tagboon ang Ginoo diha sa Himaya. Ang Mga Taga-Efeso, sa ika-5 nga kapitulo, nagaingon nga pagatagboon nato Siya diha sa kawanangan. Oh, nagapahimo gayud kana sa mga Methodist nga makasinggit. Palandunga n’yo kana! Kita n’yo? Ang Ginoo. . .

Mibiya kaniadto si Isaac gikan sa balay sa iyang amahan, ug miadto sa umahan sa dihang nakita niya si Rebekah nga nagaabot na nga sakay sa kamelyo. Ug nahigugma na gyud kaniya ang maong dalaga, sa una pa lang nila nga pagkitaay, ug milukso gikan sa kamelyo ug midalagan aron tagboon si Isaac. Husto kana. Ingon niana sab natong tagboon ang Ginoo. Ug

ang mismong kamelyo nga gipainom ni Rebekah, mao sab ang nagdala kaniya ngadto sa iyang bana.

Ug ang mismong Gahum nga ginasimba sa Iglesia, nga ginatawag og panatisismo sa kalibutan, og nga ginasimba sa Iglesia, mamahimong mao ra usab nga Gahum ang magalalin sa Iglesia diha sa kawanangan, “Aron tagboon ang Ginoo diha sa kawanangan.” Ang Balaang Espiritu! Kita n’yo? Adunay. . .

Ug, matikdi n’yo, nga si Rebekah kaniadto usa ka ulay.

⁴¹ Apan kining maong babaye nga atong ginahisgotan karon, usa man ka bigaon. Karon, nasabtan na ba ninyo kung unsa ang gahum? Ang—ang gahum, ang buut ipasabot, niana, mao ang mapintas nga mananap. Ang maong babaye anaa ibabaw sa usa ka mapula. Bueno, unsa man kana nga matang sa mapintas nga mananap? *Mapula*, mamahimo kanang usa ka “madagayaon” sa gahum. Mamahimong unsa man nga matang siya nga iglesia karon? Usa siya ka dato nga iglesia, ug bantugan siya nga iglesia, ug gamhanan sab siya nga iglesia, ug ang iyang impluwensiya nagakaylap sa mga panon sa katawohan ug sa mga tawo. Ug ang mga hari sa yuta nakapakighilawas kaniya, kana mao ang mga bantugan sa yuta. Karon atong hibaloong kung kinsa gyud ang maong babaye, sa dili madugay, ug hibaloong usab ang mahitungod sa niining mga denominasyon.

Ug ang babaye nagbisti’g purpura (ingon nga hari), . . . nagbisti’g purpura ug pula nga mga kolor, . . . nadayan-dayanan sa bulawan ug mga batong hamili. . . mga mutya, may copa nga bulawan sa iyang kamot nga puno sa kangil-ad ug sa kahugawan sa iyang pagpakighilawas:

⁴² Unsa ang anaa sa iyang kamot? Ang iyang doktrina, nga iyang ginatanyag ngadto sa mga tawo, “Kami mao ang Iglesia. Kami’y *ingon-niini*.” Ug iyang gipanghubog ang mga hari sa yuta uban kaniya, nga sama niana. “Kami’y *ingon-niini*. Kami ang may dakung kagahum! Nagakaylap kami sa matag nasud. Kami mao ang pinakabantugan nga iglesia. Umari kamo, uminom kamo sa among. . . Ania, pag-ipsis og diyutay’ng bahin niini. Inoma n’yo kini. Inoma n’yo kini.” Mao kana, kita n’yo. Ug may usa ka copa diha sa iyang kamot. Ania.

Ug ang babaye nagbisti’g purpura ug pula nga mga kolor, . . . nadayan-dayanan sa bulawan ug mga batong hamili ug mga mutya, may copa nga bulawan sa iyang kamot nga puno sa kangil-ad ug sa kahugawan sa iyang pagpakighilawas:

⁴³ Karon, mga higala, wala kita nagabasa lang og pang-adlaw-adlaw nga mantalaan. Kondili Eternal ug mapanalanginong Pulong sa Dios ang atong ginabasa. Ang tibuok kalangitan ug yuta mangahanaw, apan magapabilin gayud ang Pulong. Husto kana.

Ug diha sa iyang ulo nahisulat ang usa ka ngalan, nahisulat ang ngalan, diay, TINAGO, BABILONIA NGA BANTUGAN, ANG INAHAN SA MGA BIGAON, ANG KANGIL-ARAN SA YUTA.

⁴⁴ Bueno, dinhi usa ka higayon kaniadto, sa hunahuna ko mora'g dili man dinhi sa simbahan, apan nagwali na ako mahitungod sa usa ka hilisgotanan nga, *Sinulat-sa-kamot Diha Sa Bungbong*, ug gipahayag ko ang makasaysayan nga kahintang sa Babilonia. Bueno, ang matag ismo nga mitungha, ang matag relihiyon ug matag ismo sa kalibutan karong panahona, nagsugod kini sa Genesis. Karon, kung inyong basahon ang libro ni Hislop nga *Two Babylons*, kung gusto n'yong susihon kini diha sa kasaysayan, o diha sa pipila nianang maayo nga mga basahon, masayran n'yo gayud ang matag ismo nga gusto n'yong masayran. Dalhon ko kamo'g balik dinha sa pipila ka minuto, mahitungod sa mga babayeng magwawali, kita n'yo, ug ipakita kaninyo kung asa gayud kana unang nagsugod, kita n'yo, sa Genesis kaniadto. Ug kining nagkalainlaing mga butang usab, kung sa unsang paagi nagsugod ang mga niini sa Genesis. Ang *Genesis* nagakahulogan man og "ang sinugdanan." Pila man ang nasayod nga husto kana? Ang Genesis mao ang sinugdanan. Busa, ang tanan-tanan nga mitungha, kinahanglang aduna gyu'y sinugdanan.

⁴⁵ Pag nagatan-aw ako sa usa ka kahoy. . . Didto man ako sa kalasangan sulod sa duha, tulo, o mga duha ka bulan. Nakakita ko og kahoy, pagkatahum niadto. Nakita ko kadto, matumba man kadto; pero may usa na usab nga motubo sa puwesto niini, ingon nga padayon ra ang kinabuhi. Ug nakapamalandong ako bahin niana. Apan ang kahoy aduna gyu'y sinugdanan sa kon asa man. Siguradong aduna gayud kana'y sinugdanan. Ug ang bugtong paagi nga matawag kana ingon nga usa ka kahoy, o kaha usa ka encina, o usa ka beech, o usa ka poplar, o usa ka palmera, o kung unsa man, kinahanglan aduna gayu'y may labing-hataas nga Kaalam sa luyo niana. O kung aduna lang ma'y usa, ingnon ta nga usa ka kahoy'ng encina, nan ang tanang butang sa kalibutan puro lang siguro kahoy'ng encina. Apan Aduna gayu'y, gamhanan, nga may labing-hataas nga Kaalam, ang naghan-ay niana.

Dalaygon ang Iyang Balaan nga Ngalan! Siya man Mao Ang nagpahimutang sa bulan ug sa mga bitoon diha sa solar system. Gipahimutang Niya ang tanang butang diha sa kahan-ayan. Ug ipahimutang Niya usab ang Iyang Iglesia diha sa kahan-ayan. Motuyok lang Kini sa kon asa Niya gusto nga motuyok Kini; sa sidlakan man, sa kasadpan, sa amihanan, o sa habagatan, o kung unsa ma'y gusto Niya. Kon maisalikway lang unta nato kining denominasyonhong mga ideya sa atong hunahuna ug bug-os nga itugyan ang atong kaugalingon ngadto sa Kalbaryo. Pagahan-ayon gyud Niya kini, kung mamahimo lang unta kitang ingon

ka masinugtanon sama sa mga kahoy ug sa uban pa nga Iyang binuhat. Wala n'yo sukad nakita ang bulan nga nagaingon, "Dili ko mohatag og kahayag karong gabhiona. Kamong mga bitoon lang ang magadan-ag nga puli kanako." Apan kita, oh, lahi gayud kita, nakita n'yo.

⁴⁶ Karon, ang Babilonia, matikdi n'yo kung sa unsa nga paagi mitungha ang Babilonia. Mitungha kini sa unang bahin sa Biblia. Mitungha kini sa tunga-tunga sa Biblia. Ug mitungha sab kini sa ulahing bahin sa Biblia. Karon, dunay sa kung unsang butang niini. Bueno, misugod kini kang Nimrod. Gitukod ni Nimrod ang Babilonia didto sa Walog sa Shinar, nga haduol mismo tali sa Suba sa Tigris ug sa Eufrates. Ug diha nagaagi ang dagayday sa Eufrates. Ug—ug daw sa unsa nga ang matag dalan, sa tibuok nasud, diretso mismo paingon sa Babilonia. Ug ang matag usa sa mga ganghaan didto halos duha ka gatus ka piye ang kalapdon, ginama gikan sa tumbaga ang maong mga ganghaan. Ug pag mosulod ka sa siyudad sa Babilonia, ang matag dalan niadto diretso mismo paingon sa trono.

⁴⁷ Bueno, pag moadto pud mo sa Roma, sa karon, ug ang matag dalan didto nagapadulong mismo paingon sa Roma. Ug aduna didto'y gagmay'ng estatwa sa birheng Maria nga nagakugos sa bata nga Cristo, sa matag kanto, sa kada pagliko sa dalan, nga ginatudlo ang dalan paingon sa Roma. Kita n'yo? Mitungha kini sa unang bahin sa Biblia; mitungha kini sa tunga-tunga sa Biblia; ug ania kini sa ulahing bahin sa Biblia.

Karon gusto ko lang padayonon ang pagbasa, sa pipila ka minuto, aron nga inyong masabtan ang basihanan niini. Kita n'yo? Sige. "Ug nakita ko ang babaye," karon matikdi, "ang iglesia." Pag makabasa gani mo og *babaye*, hunahunaa dayon ninyo ang "iglesia." Kita n'yo?

. . . nakita ko ang babaye nga nahubog sa dugo sa mga balaan, . . .

⁴⁸ Karon, asa ba gikan ang pulong nga *balaan*? Ang pulong nga *balaan* nagagikan sa "usa ka balaan," o "usa ka gipabalaan," balaan. Bueno.

. . . nakita ko siya nga nahubog sa dugo sa mga balaan, . . .

⁴⁹ Karon, kung kining maong babaye ang iglesia, nan gilutos niya diay ang mga balaan. Ug siya mao ang pinakabantugan nga iglesia. Aduna sab siya'y kagahum sa tibuok kalibutan. Anaa siya ibabaw sa daghang mga tubig. Ug siya'y. . . Nagpakighilawas kaniya ang mga hari sa yuta. Bueno, si kinsa ba siya? Medyo misteryoso gyud kini. Karon ang Espiritu maga. . . Kabalo na mo, nga adunay siyam ka espirituhanon nga mga gasa sa iglesia; para sa kaalam, ug may usa para sa panabot, ug may usa para sa pagpang-ayo, ug may usa para sa *uban pa*.

...ug sa dugo sa mga gipamatay nga mga saksi ni Jesus:...

⁵⁰ Daw sa wala gayud sila'y pagpanumbaling sa kung unsay gisulti ni Jesus. Kondili sa kung unsa hinoo'y gisulti sa iglesia. Husto kana. Ug tinuod kana, usab.

...ug sa nakita ko siya, nahibulong ako'g daku.

⁵¹ “Nahibulong ako. Ako...May usa—usa—usa ka kahibulongang butang kaniya, nga nahibulong gayud ako sa kung unsa nga siya...” Karon ipahimutang ko lang ang akong kaugalingon sa kahimtang ni Juan ug paningkamotan kong hinay-hinay nga ipakita kana, kita n'yo. Miingon si Juan, “Nagalingkod siya dinha. Nagapakaaron-ingnon siya nga usa ka Cristohanong iglesia. Mahimo niyang gamiton ang tanang salapi sa kalibutan. Ang mga hari sa yuta anaa sa iyang tiilan. Usa siya ka dato ug magarbohon, ug giunsa man niya pagkahubog sa dugo sa mga gipamatay nga mga saksi ni Jesus? Giunsa man niya nga nahimo niyang lutuson ang mga balaan? Giunsa man niya nga nahimo niya ang pagpatay sa mga saksi ni Cristo? Ug unya nagapamahayag siya nga usa ka Cristohanon, mismo, usa kono ka Cristohanong iglesia.” Karon matikdi.

Ug ang manulonda miingon kanako, Nganong nahibulong ka man? Itug-an ko kanimo ang tinago sa babaye, ug sa mapintas nga mananap nga nagdala kaniya, ug nga may...pito ka mga ulo ug napulo ka mga sungay.

⁵² Karon, kini'y ordinaryo lamang nga pagbasa dinhi. Sabta ninyo kini. Masayon ra man kini.

Ang mapintas nga mananap nga imong nakita mao ang sa kaniadto, ug dili ang sa karon; ug mao ang mogimaw sa...molugwa gikan sa bung-aw sa kahiladman nga walay kinutoban, ug mopadulong sa pagkalaglag: ug ang mga nanagpuyo sa yuta manghibulong sila, kinsang mga ngalan wala mahisulat sa basahon sa kinabuhi sukad sa pagkatukod sa kalibutan, sa pagkakita nila...sa pagkakita nila—sa pagkakita nila sa mapintas nga mananap nga mao ang sa kaniadto, dili mao ang sa karon, ug mao ang sa umalabot.

⁵³ Karon, siguradong mokusi gayud kini, ug ania. Ingon niya, karon matikdi n'yo, nga, “Sa dihang ang tanan,” dili nga pipila lamang, kondili, “ang tanan nga nanagpuyo sa yuta mangahibulong.” Mangahibulong silang tanan. Mahibulong gayud ang tibuok kalibutan mahitungod niining maong babaye. Pero dunay usa lamang ka grupo ang dili mahibulong niini, ug mao kana sila kinsang mga ngalan nahisulat na diha sa Basahon sa Kinabuhi nga iya sa Cordero.

⁵⁴ Karon, mas maayo nga ilakip ko na lang kini mismo dinhi, tungod maghisgot man gihapon ta niini sa pipila ka minuto. Kita n'yo? Kanus-a man nahisulat ang ilang mga ngalan diha sa Basahon sa Kinabuhi nga iya sa Cordero? Sukad ba (Kanus-a man?) niadtong ulahing rebaybal nga ilang gitambongan? niadtong gabii ba nga miduol sila sa altar? niadtong gabii ba nga nagpamiyembro sila sa iglesia? Dili ko gayud tinguha nga pasakitan kamo. Apan, sultihan ko kamo, nga ang Biblia miingon, "Ang ilang mga ngalan nahisulat na sa Basahon sa Kinabuhi nga iya sa Cordero sukad pa sa pagkatukod sa kalibutan." Eksakto gayud! Kaniadtong nakita na sa Dios, sa sinugdanan, nga igapadala Niya ang Iyang Anak, ug ang Anak mao ang mopuli sa makasasala, og kaniadtong giula ang Dugo sa Anak sa Dios. Ang Biblia miingon nga giula na ang Iyang Dugo sa wala pa ang pagkatukod sa kalibutan. Pila man ang nasayod nga misulti niana ang Biblia, nga, "Ang Dugo ni Cristo giula na sa wala pa ang pagkatukod sa kalibutan"? Kaniadtong giula ang maong Dugo, ang mga ngalan sa matag miyembro sa Lawas, nahisulat na pinaagi niana nga Dugo, diha sa Basahon sa Kinabuhi nga iya sa Cordero, sukad pa sa pagkatukod sa kalibutan. Nan unsa ma'y inyong gikahadlok? Oh, igsoon! Giablihan na niana ang mga pultahan, dili ba?

⁵⁵ Bueno, karon basahon lang nato kini mismo dinhi, ug atong tan-awon kung husto ba kining gikaingon. Kita n'yo? "Ug ang manulonda miingon kanako, 'Ngano man . . .'" Nagatoo ko nga sa ika-8 nga bersekulo kana, "Ug ang mapintas nga mananap nga imong nakita . . ." Bueno. Mao kana.

Ang mapintas nga mananap nga imong nakita mao ang sa kaniadto, ug dili ang sa karon; ug mao ang molugwa gikan sa bung-aw sa kahiladman nga walay kinutoban, . . .

Bueno, balikan ra nato kana, apan gusto ko ùna nga maipasabot kining usa pa, tungod kay hisgotan na nato kini.

. . .ug mopadulong sa pagkalaglag: ug ang mga nanagpuyo sa yuta manghibulong sila, kinsang mga ngalan wala mahisulat sa basahon sa kinabuhi sukad sa pagkatukod sa kalibutan, . . .

⁵⁶ "Adunay usa ka pundok sa yuta," sa laing pagkasulti, "nga mga malimbongan," tungod kay nalimbongan man niya sila. Ug aduna usab og usa lamang ka grupo nga dili malimbongan, ug mao kanang ang ilang ngalan nahisulat na sa Basahon sa Kinabuhi sukad sa pagkatukod sa kalibutan. Hisgotan pa nato kana pagkataudtaud.

⁵⁷ Karon matikdi n'yo ang babaye, ang iglesia, siya mao ang "Tinago, Babilonia." Nakita nato nga mitungha siya pinaagi ni Nimrod. Unsa ma'y katuyoan ni Nimrod? Nagtukod si Nimrod og usa ka siyudad ug gipabayad niya og buhis ang tanang

uban pa nga mga siyudad ngadto niining siyudara. Makita ba nato ang ingon nianang butang sa karong panahon? Aduna ba'y ingon niana nga dapit karong panahona? Aduna ba'y iglesia nga may pagkontrolar sa matag nasud sa kalibutan? Aduna gayud. Aduna ba'y usa ka dapit karong panahona diin ang matag nasud ginapabayad og amot ngadto niini? Aduna ba'y ingon niana nga lugar?

Atong padayonon ug basahon ang uban pa niini, nga inanay lang, aron masabtan gyud ninyo ang tibuok hulagway bahin niini. Okey.

. . . nga sa pagkakita *sa mapintas nga mananap* nga *mao ang sa kaniadto*, . . . *dili mao ang sa karon, ug mao ang sa umalabot.*

Ug ania ang salabutan nga may kaalam.

⁵⁸ Karon, pila man ang nasayod nga ang kaalam mao'y usa sa mga gasa sa Espiritu? Bueno, unsa ba nga matang sa grupo ang Iyang ginahisgotan, kung ingon niana? Siguradong Iyang ginahisgotan ang usa ka grupo sa mga tawo nga dunay—dunay mga gasa sa Espiritu nga nagapamuhat sulod sa Iglesia.

. . . *ania ang para sa salabutan nga may kaalam.*

⁵⁹ Karon, hunong ùsa mo dinha, susiha n'yo kana dinhi sa kinatibuk-an niining mga kapanahonan sa iglesia. Nagapahayag, nagasulti ang Balaang Espiritu, sa kung unsang paagi magapamuhat ang maong mga gasa diha sa kaulahiang adlaw. Karon, aduna kita'y mga gasa sa pagpang-ayo nga nagapamuhat. Oh, kini'y—maayo kaayo. Bueno, igsoon, aduna pa ma'y ubang mga gasa. Kana'y usa lamang sa mga gasa. Usa lang kana ka diyutay og gamay'ng butang. Bueno, ania mismo ang usa ka labi pa ka dakung gasa dinhi. Nga mao ang pinakamaayo, ang gasa sa kaalam sa Espiritu Santo, nga makapatakdo sa Pulong sa Dios ug aron maipakita sa Iglesia kon asa na gyud kita, nga labi pa kaysa sa mamaayo ang usa ka tawo? Hinoon gusto man natong tanan nga mamahimong himsog. Apan mas gustohon ko pa gihapon nga ang akong kalag ang himsog, kaysa sa akong lawas, sa unsa mang orasa. Oh, my!

Paminawa n'yo ang Espiritu Santo nga nagpakigsulti pinaagi ni Juan, didto sa Patmos, og miingon, “Ania ang para sa may kaalam. Papaminawa siya Niini.” Karon hapit na natong maihulagway ang kinatibuk-an dinhi. “Ania ang . . .”

Ug ania ang salabutan nga may kaalam. Ang pito ka ulo mao ang pito ka mga bungtod, nga niini nagalingkod ang babaye.

⁶⁰ Adunay usa lamang ka siyudad, nga akong hingsayran, sa kalibutan. . . Adunay duha ka siyudad, nga akong hingsayran, nga may pito o sobra pa nga mga bukid diha niini. Usa niana ang Cincinnati, nga gitoohan nga may hinimo-himo lang

nga sugilanon mahitungod sa Cincinnati. Ang mahitungod sa inahang lobo, kabalo na mo, nga . . . ingon niana. Apan aduna kana’y sobra pa niana. Pero walay ni usa ka iglesia nga nagadominar sa Cincinnati.

Adunay usa lamang ka dapit sa tibuok kalibutan, nga may iglesia nga napahimutang ibabaw sa pito ka bungtod, nga mao’y nagadominar sa tibuok kalibutan. Bueno, bag-o lang kong migikan didto. Tanan na nianang mga butanga.

Ug nakita ko didto ang gikaingon nga, “Ug ania ang para sa may kaalam.” Pinadayag 13. “Kaniya nga may kaalam ipakuwenta ang numero sa mapintas nga mananap, kay kini mao’y numero sa tawo.” Dili nga usa ka pundok sa mga tawo, usa ka grupo sa mga tawo, kondili “usa” ra ka tawo. “Ug ang iyang numero unom ka gatus ug kan-uman ug unom.”

⁶¹ Pirmi kong madungog kaniadto, nga, didto kono sa trono sa papa sa Roma, dunay nakasulat nga, “VICARIVS FILII DEI.” Sige pud kong gahunahuna kung tinuod ba kaha kana. Mag-drawing ka og usa ka linya, ug isulat kana nga naka-numero, sa mga numerong Romano, ug tan-awa kung tinuod ba kana. Tinuod gyud diay kana. Nakatindog na ko nga *ingon-niana* ka duol ngadto sa tulo ka korona sa papa, nga anaa sulod sa espeho, “Gahum sa impierno, sa langit, ug sa purgatoryo.” Kita n’yo? Busa, sa ingon nianang mga butanga, bag-o lang kong migikan didto, bag-o lang kong migikan sa Roma ug akong nasayran nga tinuod gyud diay kana. Karon hingsayran na nato nga mao kana ang paghulagway niana.

Ug ania ang pito ka mga hari: ang lima kanila nangapukan na (nga sa kaniadto pa nga panahon), ug ang usa mao siya karon (kadtong usa nga miabot niadtong panahona, si Caesar), ug ang usa wala pa mahiabot (nga mao si Herodes, nga dautan); . . .

⁶² Karon matikdi. Matikdi n’yo kung unsa ka hingpit kini.

. . . ug sa mahiabot na siya, kinahanglan magapabilin lamang siya sa makadiyut.

⁶³ Aduna ba dinhi ang nasayod kung unsa ka dugay nga naghari si Herodes? Unom ka bulan. Gipaguyod niya ang iyang inahan diha sa dalan, nga nakahigot sa gansong sa kabayo. Ug gisunog niya ang siyudad; ug gipasangil kadto sa mga Cristohanon. Ug nag-bayolin-bayolin ra samtang sila’y . . . samtang nagakasunog na ang siyudad. Unom—unom ka bulan. Ug kita n’yo, “Ug ang mapintas nga mananap . . .” Karon matikdi n’yo, tan-awa kung unsa siya ka salbahis. Kita n’yo? Karon matikdi.

Ug ang mapintas nga mananap nga mao ang sa kaniadto, ug dili ang sa karon, kini . . . siya mao ang ikawalo, ug mao ang ikapito (ang kinaiyahan sa ikapito), ug mopadulong ngadto sa pagkalaglag.

64 Nasayod ang si kinsa man kung unsay buut ipasabot sa *pagkalaglag*, mao ang “impiyerno.” Ug matikdi n’yo kon diin siya milugwa gikan sa, “impiyerno.” Unsa man kana? Mga bungaw sa kahiladman nga walay kinutoban. Wala gyu’y basihanan ang doktrina sa Katoliko. Walay Biblia nga magpamatuod sa doktrina sa Katoliko. Wala gayu’y unsa man nga Biblia nga magpamatuod sa bisan unsa man nga doktrina sa Katoliko, wala gayud. Wala pud sila nagaangkon og ingon niana. Ngani dunay pari nga atua didto, kining pari dinhi sa iglesiang Sacred Heart nga miadto didto. Ingon siya, “Oh, siya . . .” Gisultihan ko man gud siya mahitungod sa pagbautismo ko kang Mary Elizabeth Frazier. Ingon siya, “Oh, imo diay siyang gibautismohan sumala sa paagi sa pagbautismo sa nahaunang iglesiang Katoliko.”

Ingon ko, “Kanus-a man kana nahitabo?”

Ingon siya, “Kaniadto sa Biblia, sa inyong Biblia.”

65 Ingon ko, “Nagpangbautismo diay og ingon niana ang Katoliko? Ingon niana ba ang pagtudlo sa iglesiang Katoliko?”

“Oo.”

66 Ingon ko, “Kon sumala sa pagkadili-masayup sa iglesiang Katoliko, nan nganong hilabihan na man ang kausaban niini?” Kita n’yo?

67 Ingon siya, “Bueno, kita mo, nagatoo man kamong tanan sa Biblia. Pero ang iglesia ang among ginatooan.” Kita n’yo? “Dili namo igsapayan kung unsa ang ginaingon sa Biblia. Ang importante mao’y sa kung unsa ang ginasulti sa iglesia.” Eksaktong ingon niana. Pag duna mo’y maatubang, nga ingon niana, sulayi n’yo sa makausa, kita n’yo. Dili gyud nila igsapayan kung unsay ginaingon sa Biblia; tungod wala ra kana’y unsa man nga kahilambigitan para kanila. Ang importante kanila mao’y sa kung unsa ang ginaingon sa iglesia. Kita n’yo?

68 Apan kita dili nato igsapayan kung unsa man ang ginasulti sa iglesia. Kondili nagatoo gyud kita sa kung unsay ginaingon sa Dios. Amen. Kay sa Biblia, nahisulat man dinha, “Ang matag pulong sa tawo bakak, ug ang sa Ako mao’y Kamatuoran.” Mao kana’y hinungdan kon nganong dili kita denominasyon.

69 Karon matikdi. Paminawa n’yo kini, sa makadiyut lang. “Lima ka hari nga sa kaniadto pa, nangapukan, lima ka hari.” Kung gusto n’yo nga sumala gayud sa kasaysayan, nan ipakita ko kana kaninyo. “Ug ang usa mao siya karon, ug ang usa wala pa mahiabot.”

Karon matikdi, “ang mapintas nga mananap.” Bueno, ang mapintas nga mananap dili siya usa ka hari. Siya ang “usa nga mao ang sa kaniadto, og dili mao ang sa karon; ug siya mao ang sa umalabot, ug dili na sab mao ang sa karon; siya mao na usab ang sa umalabot, ug dili na sab mao ang sa karon.” Unsa diay kana? Ang pagpuli-puli sa mga papa, usa kini ka

gahum, usa ka mapintas nga mananap nga nagahari. Mao kana ang panahon nga ang paganong Roma nahimong papanhong Roma. Nakabig kaniadto ang paganong Roma, ug pagkahuman nagkaaduna kini og papa, diin, nanagbaton na sila og papa imbis nga usa ka hari, ug ang papa mao kono ang espirituhanon nga hari. Mao kana'y hinungdan nga siya'y gipurong-purongan, ingon nga espirituhanon nga hari, nagaangkon nga siya mao kono ang puli ni Jesus Cristo. Mao kana. Karon matikdi n'yo.

⁷⁰ Ug ibutyag nato gumikan dinha ang doktrina sa Katoliko ug ipakita kaninyo kung giunsa niini nga hinay-hinay nga mikamang paingon sa Protestanteng mga kaiglesiahian, kita n'yo, kung unsa nga hangtud karon anaa gihapon kini diha mismo sa iglesiang Protestante, ang kadaghanan niini. Nga sukwahi, gayud, sa Biblia, bug-os gayud ka sukwahi. Bueno, "Usa ka mapintas nga mananap nga mao ang sa kaniadto, og dili ang sa karon." Karon timan-i n'yo nga, "Silang tanan malimbongan, ang mga anaa sa yuta, kinsang mga ngalan wala mahisulat sukad pa sa pagkatukod sa kalibutan." Atong tan-awon.

Ug ang mapintas nga mananap nga mao ang sa kaniadto, ug dili ang sa karon, (sa ika-11 nga bersekulo) ug mao ang sa umalabot ang ikawalo, ug... mao ang ikapito, ug mopadulong ngadto sa pagkalaglag. (Magapadayon ra siya hangtud nga mahidangat siya sa mga bung-aw sa kahiladman sa kaulahian.)

Ug ang napulo ka sungay nga imong nakita mao ang napulo ka mga hari, . . .

Karon matikdi n'yo dinhi. Kung gusto n'yo nga makakita og usa ka butang nga makapakurat, nan matikdi kini.

. . . mao ang napulo ka mga hari, nga wala pa managpakadawat og gingharian; apan ilang pagadawaton ang pagbulot-an ingon nga mga hari sulod sa usa ka takna kauban sa mapintas nga mananap.

⁷¹ Dili sila mga hari nga napurong-purongan; kondili sila'y mga diktador. Kita n'yo, dili sila hari nga napurong-purongan, apan nanagpakadawat sila og pagbulot-an ingon nga mga hari, sa usa ka takna, sa paghari sa mapintas nga mananap. Ingon na niana mismo kining medyo mangitngit nga panahon sa karon kon diin nanagpanungha na ang mga diktador. Kita n'yo? "Nanagpakadawat og pagbulot-an ingon nga hari, sa usa ka takna kauban sa mapintas nga mananap." Karon, bueno.

Kini sila usa ra'g hunahuna, ug ngadto sa mapintas nga mananap igatugyan nila ang ilang kagahum ug pagbulot-an.

Sila magapakiggubat batok sa Cordero, apan pagadag-on sila sa Cordero: (Himaya!) kay kini siya mao man ang Ginoo sa mga ginoo, ug Hari sa mga hari.

ug sila nga uban kaniya mao'y mga tinawag, ug mga pinili, ug mga kasaligan.

⁷² Gusto ko unta nga magwali og usa ka sermon karon mahitungod niana, “Ang mga pinili, sa wala pa ang pagkatukod sa kalibutan, ug mga nanagpabiling kasaligan sa ilang pagkatinawag.” Alleluyah! Ingon niana. “Sila mao ang mga tinawag, ang mga pinili, ug ang mga kasaligan.” Ang *ug* usa ka pulong nga pang-sumpay, kita n’yo, “Ang mga pinili, ug mga kasaligan.” Ilang pagabuntogon siya. Bisan unsa pa ka bantugan ang mga niini.

⁷³ Ug kining dakung komunismo, komunismong kalihokan nga aduna kita sa karon, ayaw kamo pagkabalaka niana. Tungod nga nagalihok ra kana nga eksakto gayud diha sa mga kamot sa Dios. Mapamatud-an ko kana pinaagi niining Biblia. Iyang pagapaantuson ang maong babaye tungod sa tanang martir nga iyang gipamatay. Oo, sir. Matikdi n’yo kining tanang mga hari sa dihang managkahiusa sila, ug pagadumtan siya. Ug sa tibuok nasud, sa tibuok kalibutan, magakaylap gayud ang komunismo. Aba, siguradong usa kana ka paglihok sa Dios, aron silotan siya. Moingon mo, “Kadali lang, Igsoong Branham. Ang komunismo, usa diay kana ka paglihok sa Dios?” Sa walay pagduhaduha, oo, usa gyud kana ka paglihok sa Dios. Mao kana ang giingon sa Biblia. Apan nagalihok kana aron hukman ang mga dili-diosnon ug ang makauulaw nga ilehitimong mga tawo. Unsa na man lang ang nahibilin niining kalibutana? Unsa na lang ang anaa kanato? Dinhi niadtong miaging adlaw . . .

⁷⁴ Mohunong ùsa ko sa akong hilisgotanan sa makadiyut lang, kung mahimo. Duna man gud ko’y gibasa nga usa ka bahin sa Kasulatan diin ang usa ka ilehitimo nga bata dili puedeng makasulod sa kongregasyon sa Ginoo sulod sa napulo’g-upat ka kaliwatan. Pila man ang nasayod niana? Husto kana, sa Deuteronomio 23; bahin sa usa ka ilehitimo nga bata. Kung makaplagaan diha sa umahan ang usa ka babaye, nga, halayo sa pagpanalipod sa lalaki, ug dunay lalaki nga molugos nianang babaye, nan kinahanglan sa maong lalaki nga minyoan ang babaye. Ug bisan pa kung mamahimong bigaon ang babaye, kinahanglan gyud sa lalaki nga makigpuyo sa maong babaye hangtud nga mamatay ang lalaki. Ug kung makigminyo pud ang babaye sa lalaki, og nagapakaaron-ingnon ra nga siya’y usa ka ulay, apan dili diay, nan puedeng patyon ang babaye tungod niana. Ug kung ang usa ka lalaki ug usa ka babaye usab nga mga minyo na, ug makabaton sila og usa ka anak sa gawas, tungod niana, ang maong bata dili puede nga makasulod sa kongregasyon sa Ginoo, hangtud sa napulo’g-upat ka kaliwatan. Ug kuwarenta ka tuig man ang usa ka kaliwatan. Mao nga upat ka gatus ka tuig pa gyud adisir mawagtang ang maong sala gikan sa Israel.

75 Ginadumtan gayud sa Dios ang sala! Sa unsa mang paagi nga makaubog kamo sa Balaang Dugo ni Ginoong Jesus, tungod ba kay miyembro kamo sa usa ka denominasyon, nagadahum na mo nga makasulod kamo? Kinahanglan n'yo ùna nga moduol sumala sa mga basihanan sa Dios kay kung dili nan dili gayud kamo makasulod. Oo. Diyakono ka man, magwawali, og kon unsa man kita, wala kana'y unsa man nga kahilambigitan. Kinahanglan mo gayud nga moduol sumala sa mga kondisyon sa Dios.

76 Napulo'g-upat ka kaliwatan. Ania man nagalingkod karon ang maong tawo nga nakighisgot kanako bahin niana. Miingon, “Unsaon man nato pagpakahibalo kung kinsa ang mga mamaluwas kon ingon niana?”

77 Ingon ko, “Dinha ka kon diin angay kang mamahimo nga usa ka maayong Calvinista.” Nahisulat na ang imong ngalan diha sa Basahon sa wala pa ang pagkatukod sa kalibutan. Ang Dios usab ang nahibalo sa nianang nagadagayday nga dugo. Anaa ra kana Kaniya. Kita n'yo?

“Apan unsa man kanang . . .”

78 Paminaw mo. Kamong mga kabatan-onan, sa karon, wala ko masayod kon nagatambong ba kamo dinhi niini nga simbahan, o kon asa ba kamo nagatambong, kamong mga batan-ong lalaki ug mga babaye. Pero naamgo ba ninyo, ang mga butang nga inyong ginabuhat, kung duna ma'y usa pa ka henerasyon, pagahukman mismo ang inyong mga anak tungod sa inyong mga ginapangbuhat? Wala na ba mo'y paghunahuna para sa kaligdong? Kamong mga kababayen-an nga nagagawas nga nanagsul-ob nianang mugbong mga purol ug mga ingon-anang butang, abi ninyo, moreplektar baya kana ngadto sa inyong mga anak nga babaye. Nasayod ba mo nga ang inyong lola kaniadto usa—usa ka kiatan, ug ang inyong inahan usab usa ka magsasayaw, ug mao kana'y hinungdan sa karon nga nagahubohubo kamo nga ginapasundayag inyong lawas? Mao gayud. Unsa pud kaha ang mamahitabo sa inyong mga anak? Oo, sir. Miingon ang Dios nga Iyang pagaduawon ang kadautan sa mga ginikanan nganha sa mga anak ug sa mga anak sa ilang anak, hangtud sa tulo o upat ka kaliwatan.

79 Ug imo bang naamgo, igsoon ko, nga sa matag higayon nga nagabuhat ka sa kung unsay husto, makaplagan usab kana nganha sa imong mga anak?

80 Tan-awa n'yo dinhi, atong basahon ang Mga Hebreohanon, sa ika-7 nga kapitulo. Miingon ang Biblia, sa dihang—sa dihang natagbo ni Melquisedec si Abraham nga nagapauli kaniadto gikan sa pagpatay sa hari, ug gipanalanginan Niya si Abraham, ug miingon Kini, ania, “Si Levi . . .” Nagahisgot Siya mahitungod sa pagbayad og ikapulo. Miingon, “Si Levi adunay sugo gikan sa Ginoo nga magadawat og mga ikapulo gikan sa iyang kaigsoonan. Ug si Levi nga nagadawat og mga ikapulo,

nagbayad og ikapulo, tungod kay atua man siya sa mga bat-ang ni Abraham sa dihang natagbo ni Abraham si Melquisedec.” Ug si Abraham mao ang iyang apohan sa tuhod. Kang Abraham natawo si Isaac, kang Isaac natawo si Jacob, og kang Jacob natawo si Levi; si Levi, gikan sa amahan, apohan, og apohan sa tuhod. “Ug si Levi samtang atua pa sa mga bat-ang ni Abraham,” ang Biblia miingon nga, “nagbayad na siya og ikapulo ngadto kang Melquisedec.” Alleluyah!

⁸¹ Ayaw n’yo tugoting may si bisan kinsa nga mosulti kaninyo nga dunay unsa mang matang sa kalihokan nga iya sa kalibutan ang makababag sa dakung engranahe sa Dios. Padayon ra kini mismong nagatuyok! Nakaplano na kini sukad pa sa sinugdanan. Wala gayu’y mga yawa o igong mga yawa ang makabalda sa Iyang programa.

⁸² Karon, wala miingon ang Biblia nga “potensiyal” siyang nagbayad og ikapulo. Ang giingon sa Biblia, “Nagbayad siya og ikapulo,” sa dihang atua pa siya sa bat-ang sa iyang apohan sa tuhod. Himaya! Ingon-ana gayud ang akong Ginoo. Oh, nasayod na Siya, bisan, sa wala pa maporma ang kalibutan kaniadto. Hingsayran na Niya ang tanan-tanan. Ug diha kang Abraham, nagbayad si Levi og ikapulo.

⁸³ Ug igsoong babaye, igsoong lalaki, giunsa man ninyo sa pagpadayon sa karon, ug ingon nga ang mga tawo nagkinabuhi na nga nagapakigrelasyon sa asawa sa ubang lalaki, ug ang mga asawa usab nga nagapangbungkag og mga panimalay, ug ingon niana na ang inyong pagkinabuhi, unsa pa ma’y inyong lauman nga mahitabo sa mosunod nga henerasyon? Ania kung usa na kini. Kini sa karon wala gyu’y lain kondili usa na lamang ka pundok sa mga ilehitimo, mga natawo sa kahugawan, og usa ka pundok sa kadautan. Ug adunay usa na lang ka butang ang nahibilin niini, ug kana’y ang panahon sa atomika nga atong gikinabuhian. Husto gayud. Ania na kita sa katapusang panahon.

⁸⁴ Atua ako kaganinang buntag, sa kabakiliran sa Kentucky, og may usa ka batang lalaki didto, nga dili ka halos makaduol kaniya bisan og napulo ka piye ang gilay-on, tungod nga nagahimo siya og sorghum nga molasses. Tingali’g wala pa siya halos mahibalo kung asa ang wala ug tuo nga kamot. Sa pagkadungog niya . . . Nakasulod diay ako sa luna nga ginadili ang pagpasulod. Wala man gud ko kabalo kung asa na ako dapit. Basta atua na ako sa medyo mga walog nga dapit. Ug miadto ko didto para mangayam og squirrel. Ug sa paglingkod ko didto, nakig-istorya ko kaniya. Ug miingon ang batang lalaki nga moapil kono siya sa pagkasundalo. Ug sa kadugayan, naghigot na kami mahitungod sa Ginoo, ug ingon siya, “Magwawali, dili ba nagatoo man ka nga ania na kita sa katapusang panahon?” Didto kami niadto nga bukid.

⁸⁵ Ingon ko, “Oo, ania na kita. Oo, anak, ania na gyud kita sa katapusang panahon.”

⁸⁶ Ania na kita. Mao na kini mismo kining takna nga atong gikinabuhian, igsoon. Ania na kita sa maong kahimtang. Dili ba ninyo mahanduraw kung unsa kaniadto ang atong mga inahan, ug mga amahan, ug sila lolo ug lola, kung unsa ang ilang pagkinabuhi kaniadto? Dili ba ninyo mahanduraw kung unsa ang pagkinabuhi nila papa ug mama kaniadto? Dili ikatingala nga ania na kita sa ingon-ini nga kadautan sa karon. Dili na ikatingala, nga bisan unsaon pa nimo sa pagwali; managsul-ob lang gihapon sila ug mga purol, ug mangluwa ra sa imong atubangan. Manigarilyo sila ug magpabuhot pa mismo diha kanimo, ug moingon, “Ayaw pagpanghilabot sa uban.” Ngano man? Tungod kay ingon niana man gud ang kaliwatan nga ilang gigikanan. Maghigot man ko bahin niana, mismong, *Ang Binhi Sa Serpente*. Mahibaloan nato dinha kon asa ba siya nakasulod, og masayran pud nato kon nganong nagalihok sila nga sama niana. Mga anak man gud sila sa yawa sukad pa sa pagkatukod sa kalibutan. Husto kana. Ug wala na gyu’y unsa man, nga nahibilin, ang paghukom na lang ang bugtong butang nga nahibilin. Wala na gayu’y uban pa kondili ang paghukom na lang. Pagahampakon gayud sa Dios ang tibuok niining butang. Ug ang tawo mismo ang nagpahinungdan niana. Wala man gituyo sa Dios nga mamaingon niana, apan nasayod na Siya nga mamaingon niana gayud. Mao kana’y hinungdan nga miingon Siya, “Pagalimbongan sa mapintas nga mananap ang tanan nga nagpuyo ibabaw sa yuta, gawas lamang niadtong ang mga ngalan nahisulat na sa Basahon sa Kinabuhi nga iya sa Cordero sa wala pa ang pagkatukod sa kalibutan.”

⁸⁷ Atong tan-awon kini. Mobasa pa kita ug dugang pa. Bueno, karon nagatoo ko nga anaa na kita sa ika-12.

Ug ang napulo ka sungay nga imong nakita mao ang napulo ka mga hari, nga wala pa managpakadawat og mga gingharian; apan ilang pagadawaton ang pagbulotan ingon nga mga hari sulod sa usa ka takna kauban sa mapintas nga mananap.

Kini sila magkaaduna og usa ra ka hunahuna, ug ngadto sa mapintas nga mananap igatugyan nila ang ilang kagahum ug pagbulotan.

Ug sila magapakiggubat batok sa Cordero, apan pagadag-on sila sa Cordero: kay kini siya mao man ang Ginoo sa mga ginoo, ug Hari sa mga hari: ug sila nga uban kaniya mao’y—mao’y mga tinawag, mga pinili, ug mga kasaligan.

Ug siya miingon kanako, Ang mga tubig nga imong nakita, diin nagalingkod ang dautang babaye, mao ang

mga tawo, . . . mga panon, . . . mga kanasuran, ug mga pinulongan.

. . . ang napulo ka sungay nga imong nakita sa mapintas nga mananap, kini sila managdumot sa dautang babaye, . . .

⁸⁸ Matikdi n'yo karon, kining “napulo ka sungay,” kining napulo ka mga gingharian. Kita n'yo, kining tanan nagakatakdo gayud, sa kung unsa kining mga diktador. Matikdi n'yo kung unsa ang ginadapigan sa mga diktador. Asa ba sila nagadapig? Sultihi gani—gani ko ninyo kung duna ba'y usa ka diktador nga wala nagadapig sa komunismo. Kita n'yo? Ug ilang (unsa man?) pagadumtan “ang dautan,” nga babaye, ang iglesia. Ug unsa man? Matikdi n'yo kung unsay pagabuhaton niini.

. . . kini sila managdumot sa dautang babaye, ug siya ilang pagalaglagon ug pagahuboan, ug ang iyang unod ilang pagakan-on, ug siya ilang pagasunogon pinaagi'g kalayo.

⁸⁹ Pagapapason nila kini sa mapa, sa ingon ka sigurado nga nagatindog ako dinhi. Kon aduna lang unta kita'y igong oras para hisgotan ang maong hilisgotanan mahitungod niini nga iglesia, ug subayon kini dinha sa Kasulatan, diin gikaingon Niini, og mabasa nga, “Ang tanang mga hari niining kalibutana, ug ang tanang mga kapitan sa barko, ug ang tanan, managbakho, kay natagbo man sa bantugang Babilonia ang kalaglagan niini sulod sa usa ra ka oras.” Sa usa ra ka oras, moabot ang iyang panahon! Ug, oh, daw sa unsa nga gikaingon sab Niini, “Managkalipay, kamong mga balaan, ug kamong tanan nga balaang mga propeta, kay alang sa dugo sa mga balaan ug sa inyong mga kaigsoonan gipakanaug sa Dios ang hukom batok kaniya.” Kita n'yo, husto kana. Oo, nagapanglihok ang komunismo sumala sa mga kamot sa Dios. Sama lang ni Haring Nabucodonosor nga namuhat sab mismo sa iyang mga kamot, para bihagon ang mga Judio, sa dihang gitalikdan nila! . . . ? . . .

⁹⁰ Ug ang sala magapadayon ra sa pagkadautan, samtang ang matarung nga binhi magapabilin lang dinha ug ang binhi padayon nga matun-as, ug matun-as ug matun-as hangtud nga dili magdugay wala na'y mahibilin niini. Modangat kini sa ingon-ana nga kahimtang, tungod kay ang ilang mga inahan ug mga amahan ug uban pa nagkinabuhi man nga ingon niana kaniadto sa wala pa kita, ug tungod nianang sala, mao nga wala na gayu'y unsa man nga nahibilin para kanato. Ug kabalo ba mo kung unsay giingon ni Jesus? Nga kung wala Niya kono pagkubsi ang buluhaton, wala gyud unta'y si kinsa man nga tawo ang maluwas.

⁹¹ Nakita n'yo? Nakita n'yo na kon nganong aduna kita'y mga ingon niini (dili ingon nga nagahimo ako og komentaryo.) Kining

mga Arthur Godfrey, ug tanan na, kabalo na mo, kita n'yo, ug mga Elvis Presley, ug—ug karsones nga halos kutob na lang sa bat-angan, ang mga overall, ug ang ilang mga buhok usab nga kutob na sa liog ang katas-on, ug tanan na niining, pagpanglihok sa mga kabatan-onan? Unsa ba'y nagpahinungdan niini? Unsa man gyud? Tungod kay naggikan man kini sa usa ka pundok sa ilehitimong mga tawo, nga nagkinabuhi kaniadto. Wala na gyu'y nahibilin! Oh, manindog sila ug moawit og, "Nearer, my God, to Thee," nga sama sa kinantahan ni pea-picker Ernie ug tanan nianang uban pa, nga nagaawit og usa ka matang sa alawiton, ug uban pa nga sama niana. Igsoon, kabalo ka ba kung unsa? Kana, kana'y bug-os ra gyud nga pagpakaaron-ingnon. Oo, sir.

⁹² Walay katungod nga motindog dinhi niining pulpito ang usa ka lalaki nga nagaadto sa mga rock-and-roll ug boogie-woogie nga sayawan ug tanan na nga ingon nianang mga butang. Wala gyud siya'y bisan diyutay'ng katungod nga maania dinhi. Tungod para lang man kini sa mga ministro, sa mga tinawag sa Dios. Ang mga tinawag lang sa Dios nga mga ministro ang dunay katungod dinhi sa pulpito. Ug wala gayu'y luna dinhi para sa mga ingon niana. Mao kana'y nagakahitabo karong panahona, gihimo na nila ang iglesia nga sama sa usa ka kapunongan. Okey ra man ang kapunongan, kon gusto n'yong magtukod niana, anaa ra kana kaninyo. Apan sultihan ko kamo, adunay dakung kalahian ang . . . tali sa usa ka kapunongan ug usa ka iglesia. Oo, sir. Kon gusto n'yong buhaton ang mga ingon-anang butang diha sa usa ka kapunongan, nga magpahigayon og tanan nang matang sa mga pagparty-party ug uban pa, nan anaa ra kana kaninyo. Apan, igsoon, kinahanglan mahinloan ang iglesia gikan sa pulpito hangtud sa basement niini. Husto kana. Wala ko ginapasabot nga mahinloan nga duna na'y mga bag-ong bintana ug uban pa. Kondili ang buut kong ipasabot nga mahinloan kini pinaagi sa usa ka kinaraang, rebaybal nga pinadala-sa-Dios nga mao'y manghabwa sa ingon nianang butang gikan sa usa ka bahin ngadto sa pikas bahin. Oo, sir. Sama ra pag magpasiga ka og suga, og de-kuryente nga suga diha sa mga uk-ok nga nanagtapok sa subok sa mansanas. Oo, sir, magtibuagsa gyud sila pag modan-ag na ang suga.

⁹³ Karon matikdi, "Usa ra sila'g hunahuna, og itugyan nila ang ilang kagahum." Ania na ko karon sa may ubos niini. "Ang napulo ka sungay." Oo, ania.

Kay diha sa ilang mga kasingkasing gibutang sa Dios ang pagbuhat sa iyang kabubut-on, (mao kana), ug ang pag-usa sa usa ka tuyo, ug ang paghatag sa ilang mga gingharian ngadto sa mapintas nga mananap, hangtud nga matuman ang mga pulong sa Dios.

Ania, ug ang babaye nga imong nakita mao ang bantugang siyudad, nga nagahari sa tanang mga hari sa yuta.

⁹⁴ Karon, dili na ta kinahanglang maglangay-langay pa, tungod nasayod man ta nga mao kana ang herarkiya sa Katoliko. Dili na kinahanglan og si bisan kinsa man. . . ako—nagatoo ko niana maingon nga hugot akong nagatoo nga nadawat ko ang Balaang Espiritu. Nagatoo ko niana ingon nga nagatoo akong usa ako ka Cristohanon nga nagatindog dinhi karon, nga ang herarkiya sa Katoliko mao ang—ang. . . Ang Siyudad sa Vatican mao ang—ang siyudad nga napahimutang ibabaw sa pito ka bungtod. Ang herarkiya sa iglesia mao mismo ang mapintas nga mananap nga mao ang sa kaniadto, og dili na usab ang mao sa karon. Siya mao ang Babilonia. Tukma gayud ang pagkahulagway niini, nga ingon gayud ka hingpit diha sa tibuok Kasulatan. Mao kana ang iglesiang Katoliko.

⁹⁵ Bueno, karon ania na ang makapakurat nga punto. Moingon mo, “Bueno, dili man na para kanako, Igsoong Branham.” Apan aduna ko’y ipangutana kaninyo. Balikan sa nato karon ang ika-5 nga bersekulo.

Ug diha sa iyang ulo may. . . nahisulat, TINAGO, BABILONIA, NGA BANTUGAN, ANG INAHAN SA MGA KANGIL-ARAN. . . ANG INAHAN SA MGA BIGAON UG MGA KANGIL-ARAN SA YUTA.

⁹⁶ Unsa man siya? B-i-g-a-o-n. Ug usa siya ka i-n-a-h-a-n. Unsa? I-n-a-h-a-n. Aduna siya’y gipanganak. Inahan ba siya sa mga anak nga lalaki? Sa mga bigaon! Unsa man diay ang bigaon? Sama ra sa usa—sa usa ka dautang babaye, imoral nga babaye. Unsa ma’y nagpahinungdan kaniya nga mahimong imoral? Ang iyang doktrina. Nagapakaaron-ingnon siya nga usa ka Cristohanong iglesia, apan diay nagatanyag og mga dogmang hinimo-sa-tawo. Ug dinhi ginaingon niya nga duna siya’y. . . Kung siya man mao ang pinakaunang organisasyon, nan aduna diay og mga organisasyon nga naggikan kaniya. Siya mao ang inahan sa mga bigaon. Husto ba kana? Inahan sa mga bigaon. Mao nga dili mahimong siya’y inahan, sa, mga anak nga lalaki. Dili mahimong inahan sa. . . Siguradong inahan gayud siya sa mga babaye. Ug, kung mga babaye man sila, nan sila’y mga kaiglesiahan. Karon hibaloon nato. Kung unsa ang naggikan sa. . .

⁹⁷ Unsa gani ang unang organisasyon? Ang iglesiang Katoliko. Unsa man ang ikaduhang organisasyon? Ang kang Luther. Unsa man ang ikatulong organisasyon? Ang kang Zwingli. Unsa man usab ang nagsunod niana? Ang kang Calvin. Ug pagkahuman mitungha ang Anglican, ug human sa Anglican mitungha na ang Methodist. Ang Methodist, unsa ma’y gipamunga sa Methodist? Gikan dinha mitungha ang kang Alexander Campbell. Gikan sa kang Alexander Campbell mitungha ang kang John Smith. Gikan sa. . . kang Alexander Campbell mao na ang Christian church; pagkahuman, nagkaaduna pa sila og upat o lima, ang church of Christ ug kanang tanang uban pa nga gagmay’ng

mga ismo nga nanungha. Pagkahuman mitungha na ang iglesiang Baptist, daghan sab kana og gagmay'ng mga sanga. Ug mitungha gikan sa iglesiang Methodist. . . gikan sa iglesiang Methodist, mitungha, unang mitungha ang Wesleyan Methodist, ug pagkahuman nagkabalugbulag sila sa makaupat o makalima ka higayon. Dayon mitungha ang usa na usab ka matang sa Methodist, ug pagkahuman nagkabalugbulag na usab sila, og mitungha na dayon ang Free Methodist. Ug—ug human nanggawas sila gikan dinha paingon sa pagka-Nazarene. Ug gikan sa pagka-Nazarene paingon na pud sa pagka-Pilgrim Holiness, ug gikan sa Pilgrim Holiness aduna na usab og misunod. Mga gagmay'ng ismo nga nanagpanungha nga sama niana, nga padayon'g nanungha, ang matag usa kanila mga gagmay'ng—gagmay'ng mga sanga nga padayon'g nanungha. Ug unsa ma'y gibuhat sa matag usa kanila? Sa katapusan miabot kini bisan ngadto sa mga Pentecostal.

⁹⁸ Ug unsa man pud ang gibuhat sa Pentecostal? Mao gihapon sa gibuhat sa ilang inahan, namalik sila mismo ug nanag-organisa. Ug unsa ma'y nahitabo kanila? Nahimong usa—usa ka denominasyon. Pagmay matagbo ka nga usa kanila, ang unang ipangutana kanimo, “Unsay imong doktrina?” Aba, mangsusi-susi gayud sila kanimo, kita n'yo, aron ilang mahibaloan kung unsa ka, og kung unsay imong ginatooan. Ug kung dili ka nagatoo pareho kanila, nan igsoon, ipalagpot ka nila sa gilayon. Ug tinuod kana.

⁹⁹ Ug ayaw n'yo hunahunaa nga tungod kay nagapamahayag mo nga Pentecostal kamo og nakasigurado na kamo. Igsoon, halos pareho ra baya ang gidaghanon sa mga Pentecostal nga nagakahisalaag ug sa mga anaa sa dalanon, sigurado ako. Kita n'yo?

¹⁰⁰ Bueno, ang tanan nianang mga organisasyon, kung gitugotan lang unta nila nga nagpadayon ang Pentecostal nga mga panalangin, og wala unta nila giorganisa, kondili gipapabilin lang ang pagkamanagsoon ug gitugotan ang Balaang Espiritu nga mao'y mohimo sa pagpanglain. Ang Balaang Espiritu mismo ang nagapanglain. Misulod si Ananias ug Safira kaniadto, nga gisulti ang *ingon niini-ug-ingon niana*; ug ang Balaang Espiritu miingon, “Nganong namakak man kamo?”

¹⁰¹ Apan kita nagaingon, “Bueno, si Igsoong Jones kana, ayaw kamo pagsulti og bisan unsa mang dautan mahitungod kaniya ha, siya baya ang may pinakadakung ginahatag sa atong simbahan. Kabalo ko nga nadawat na niya ang Espiritu Santo; nadungog ko na man gud siyang nagsulti og laing mga dila, ug nakita ko na sab siyang nagsinggit diha sa Espiritu.” Sama ra kana nga nagabubo ka og gisantes sa uga nga panit sa baka. Kita n'yo? Wala gyud kana'y kahilambigitan. Ang Dios man ang puedeng mosulti niana. Siya ra ang makasulti kon ang maong tawo ba'y ingon niana gyud o dili. Eksakto gayud. Pero dala-dala

nato kini sa atong denominasyon. “Bueno, amo siyang ipalagpot pagawas sa—pagawas sa Assemblies, dawaton bitaw siya sa Oneness. Pag dawaton siya sa mga Oneness dili magdugay, ug ipalagpot ra sab nila siya. Tingali’g, dalhon nila siya didto, ug ang Jesus Only na sab ang modawat kaniya. Dawaton siya sa Jesus Only sa makadiyut, ug pagkasunod dawaton na usab siya sa church of God, mao na usab kini ang modawat kaniya. Dayon dawaton na sab siya sa Church of God of Prophecy, ug pagkahuman didto na pud siya sa kalihokang Tomlinson.” Oh, my! Igsoon, ambot kung wala pa ba kaha kita nangaugas! Anaa na kini sa mga Pentecostal, sa kaulahiing rebaybal. Ug karon aduna na pud sila’y Blue Flame, ug aduna sila nianang mga magsisimba sa lana, ug sa—ug sa nianang may dugo diha sa nawong. Ug, oh, kaloy-an unta, wala ko kabalo kung asa na kaha sila nahidangat karon.

¹⁰² Basta may usa ka butang nga hingsayran ko, nahimo nang daut ang maong tibuok butang. Nasayod ba mo nga ang Biblia miingon nga modangat gyud kana sa pagkadunot? Nasayod ba mo nga ang Biblia nagahisgot mahitungod niining panahona, nga maania kini, sa diha nga bisan ang mga lamesa sa Ginoo mangapuno na sa sinuka? Ug miingon, “Kinsa man ang mahimo Kong tudloan sa balita? Kinsa man ang mahimo Kong pasabton Kanako? Kay kini mao ang sugo ibabaw sa sugo, sugo ibabaw sa sugo, lagda ibabaw sa lagda.” Si kinsa ba ang mahimo Niyang tudloan sa balita? Sila nga mga nalutas na sa gatas gikan sa dughan, sa inahan. Kita n’yo?

¹⁰³ Karon, walay—walay babaye, usa ka dautang babaye sa niining siyudad nga dili makapahimugso og usa ka ulay nga anak nga babaye. Ang maong bata ulay gayud sa dihang ihimugso siya, karon, ug mahimo siyang modaku nga buutan. Apan kung dili n’yo mamatikdan, tungod sa iyang inahan nga may ingon nianang dautan nga kinaiyahan, kanang batang babaye, nuebe sa diyes ka mga higayon, siya’y manglihok nga eksaktong sama gayud sa iyang inahan. Bueno, nasayod kamo nga husto kana. Ang usa ka hamtong nga babaye nga nagadumala og usa ka balay sa prostitusyon, makapahimugso man usab og usa ka batang babaye. Tingali’g modangat kini sa edad nga dise-sais anyos, nga ingon ka putli ug matarung sama sa lirio, ug, kung magpabilin lagi siya nga ingon niana. Apan, ang problema man gud niini, mosumbalik gyud siya ug manglihok nga sama sa iyang inahan.

¹⁰⁴ Bueno, ang iglesiang Katoliko mao ang unang tigulang nga bigaon nga mitungha nga may dalang mga doktrina nga hinimo-himo lang niya, mga tuo-tuo, nga, ang ingon sa Biblia, “Milugwa siya gikan sa mga bung-aw sa kahiladman ug mopadulong ngadto sa pagkalaglag.” Mao kana ang gisulti sa Biblia. Karon, kung ginatudlo nila ang ingon niana, sayup gyud kana. Sayup kana, sumala sa Pulong sa Dios. Ug ania

mitungha ang iglesiang Methodist, usa ka matahum nga batan-ong babaye, nga nahimugso gikan kaniya, apan unsa ma'y iyang gibuhat? Misumbalik siya mismo ug gibuhat ang mao rang mga butang nga ginabuhat sa iyang inahan. Ginatugotan ra ang iyang kongregasyon nga mangsul-ob og mga purol. Ginatugotan ra sila nga manigarilyo. Ginatugotan sila nga bisan unsa na lang ang pangbuhaton ug nagapanglihok nga sama gayud sa ilang naandan. Pero wala man la'y pagbadlong bahin niana. Tungod sa maong hilaw nga pastor nga anaa ra dinha, luyo sa pulpito, nahadlok nga basin wala na siya'y suweldo sa umaabot nga adlaw, o kaha mawad-an og bandehado sa biskwit.

¹⁰⁵ Sultihan ta ka, igsoon, mas gustohon ko pang iwali ang Ebanghelyo, ug mokaon lang og biskwit ug moinom og tubig nga gikan sa sapa, apan ginasulti ang Kamatuoran mahitungod niana. Kung manindog man ang matag usa sa akong kongregasyon ug mangbiya, sultihan ko gihapon sila sa Kamatuoran mahitungod niana. Oo, tinuod gayud.

¹⁰⁶ Unsa ma'y problema? Oh, nahimo na kining usa ka panginabuhian. "Bueno, abi ninyo, ako ang pastor sa pinakadakung iglesia sa siyudad." Kamong mga Baptist ug mga Methodist nagapaminaw kamo sa usa ka mini nga propeta. Karon, mabagison kana, apan ang bisan unsa mang nagatudlo nga sukwahi niining Biblia usa gyud ka mini nga propeta. Dili ko igsapayan kung unsa man siya ka hinashasan, kana'y mini gihapon nga propesiya. Husto.

¹⁰⁷ "Oh, okey ra basta nakalista na ang imong ngalan diha sa libro." Mahimong napalista mo na ang imong ngalan diha sa usa ka dosena nga mga libro. Pero kung dili kini ang Basahon sa Kinabuhi, malaglag ka gayud! Mamahimo kang buatan kaayo, mamahimo ka man nga matinuuron ug mahinlo ug matarung gayud kutob sa imong mahimo, pero wala kana'y kahilambigitan ni usa ka butang.

¹⁰⁸ Si Esau kaniadto mas doble gani ang iyang pagka-maayo kaysa ni Jacob, paghisgotan ang pagka-lalaki, tungod sa pag-atiman niya sa iyang tigulang og buta nga amahan ug tanan nang uban pa. Ug si Jacob usa siya ka medyo tikasan nga nagasigegunit sa sayal sa iyang inahan, og medyo bayoton nga batang lalaki. Apan ang ingon sa Dios, "Gihigugma Ko si Jacob ug gisalikway si Esau," sa wala pa maipanganak ang usa ni sa maong duha ka batang lalaki. Mao kana'y ginaingon sa Mga Taga-Roma 8. Husto gayud.

¹⁰⁹ Nasayod man ang Dios kung unsa ang anaa sa kinasuloran sa tawo. Ug nasayod Siya kung unsa ang anaa sa kinasuloran sa iglesia, usab. Nagakinabuhi kita pinaagi sa Tinapay sa Kinabuhi, ang Tinapay sa Pulong sa Dios. Bueno, mao kana'y hinungdan kon nganong dili kita usa ka denominasyon.

¹¹⁰ Karon gusto kong mohatag kaninyo og usa pa ka diyutay'ng... gusto kong mohatag kaninyo og usa ka diyutay'ng paghulagway nga naisulat ko na dinhi. "Ang bantugan..." Karon diha sa Pinadayag, sa 19:2. Aduna ko'y gimarkahan dinhi. Buut kong tan-awon ug hibaloon kung unsa kini karon.

Kay matuod ug matarung ang imong paghukom: kay iyang gikahukman ang bantugang dautan nga babaye, nga mao ang nakapadunot sa yuta pinaagi sa iyang mga pakighilawas, ug sa gikapanimaslan niya ang dugo sa iyang mga ulipon diha sa kamot sa bigaon. (Mao na kana ang katapusan sa iglesiang Katoliko.)

¹¹¹ Karon, buut natong himatikdan n'yo, usab dinhi, nga ang denominasyon—nga ang denominasyon mahikaplagan usab dinhi sa Kasulatan, nga ang...Ug ang Biblia wala man gyud ingon nga naghigot mahitungod sa usa ka denominasyon. Tungod naggikan man ang denominasyon sa iglesiang Katoliko. Siya mao ang unang inahan sa denominasyon, ug misunod na lang ang matag denominasyon. Karon, medyo mokusi gyud kini. Medyo mokusi gyud kini sa matag higayon, kita n'yo. Apan ako—buut kong makita ninyo nga ang mga denominasyon wala gyud nahimugso o gisugo man kaniadto sa Dios. Kondili ang yawa ang nagsugo niini.

¹¹² Ang Iglesia sa Dios usa ka...Wala kita nabahinbahin, kitang tanan usa ra ka lawas; may usa ra ka paglaum ug doktrina, og usa ra diha sa gugma. Ingon niana ang Iglesia sa buhi nga Dios. Bisan unsa pa sila, ang maong mga butang, usa ra kitang tanan! Husto kana. Kung siya ma'y Methodist, o kaha Baptist, igsoon, kung siya'y natawo na pag-usab ug napuno sa Espiritu Santo, nan siya'y akong igsoon. Nagakinabuhi kita nga nagkahiusa. Husto. Oo, sir. Walay unsa man nga kalahian.

¹¹³ Si Moises. Usahay motan-aw ako sa palibot ug moingon, "Nakaila ka ba nianang pundok sa mga panatikong Pentecostal, Igsoong Branham, unsa ma'y hinungdan nga nagapakig-uban ka sa ingon niana nga pundok?" Kabalo ba mo kung unsa? Midungaw si Moises sa mga anak sa Israel kaniadto. Midungaw siya sa mao rang bintana nga gidungawan pud ni Faraon. Midungaw si Faraon ngadto kanila ingon nga usa ra ka pundok sa mga nagalahid og lapuk, apan midungaw si Moises ngadto kanila ingon nga mga pinili sa Dios. Nasayod man siya nga sila ang nakabaton sa saad. Ngano man? Hingsayran niya kadto pinaagi sa Pulong. Ug pinaagi sa pagtoo...Halos nakatungtong na ang iyang tiil kaniadto ibabaw sa trono, aron nga mamahimong Faraon, og mapahimutang ang tibuok kalibutan diha sa iyang tiilan, molingkod siya didto ug dunay magpainom kaniya og bino, ug dunay maanyag nga mga kababayen-an nga magapaypay kaniya, ingon nga emperador, o diktador, o hari sa kalibutan, ang batan-ong si Moises, sa edad nga kuwarenta anyos, ingon na niana ang iyang naangkon.

Midungaw siya niadtong pundok sa mga nagalahid og lapuk, apan hingsayran na niya nga siya'y usa kanila. Alleluyah! Mao kana. Hingsayran niya nga siya'y usa ra kanila. Ug pinaagi sa pagtoo, lamang, nga gipili niya kadto!

¹¹⁴ Ang matag usa kinahanglan usab nga mopili. Kinahanglan ninyong mopili. Magapili kamo karon. Magapili kamo inig ka buntag. Magapili pud kamo ugma sa gabii, kung buhi pa kamo. Aduna gyu'y panahon nga mopili ka. Igsoon, dugay na nga panahon ang milabay mipili usab ako. Kining Biblia mao'y akong diksiyunaryo. Kining Biblia mao'y akong Basahon sa Kinabuhi. Kining Biblia mao gayud ang Pulong sa Dios. Nagakinabuhi ako nga sumala sa Biblia. Kining Biblia mao'y akong ginabarugan.

¹¹⁵ Busa, midungaw si Moises ngadto sa mga anak sa Israel kaniadto. Ug dili lang nga gisulti niya, "Oh, sila'y maanindot nga mga tawo. Wala ko'y unsa man nga batok kanila. Oh, wala, wala gyu'y ni usa ka pulong nga akong masulti batok kanila." Ingon niana mismo ang ginabuhat sa kadaghanan sa mga tawo karong panahona. "Oh, kana silang mga Pentecostal ug mga tawo nga nanagpakadawat sa Espiritu Santo, ug kana silang mga tawo nga nanagtoo sa Balaanong pagpang-ayo, oh, ako—ako—wala gyud ko'y unsa man nga batok niana." Apan dili ingon niana si Moises. Gitalikdan niya mismo ang Egipto ug nahimong usa kanila. Miadto siya mismo sa taliwala sa iyang mga kaigsoonan. Siya'y usa na kanila.

¹¹⁶ Igsoon, mao kana ang pagapilion kong dalanon. Pagapilion ko ang dalanon kauban sa pipila ka mga tinamay nga iya sa Ginoo, bisan diyutay ra sila, o kung unsa man. Pero sila man ang mga nakabaton sa saad, ug nakita ko ang ilang mga ngalan diha sa Basahon sa Kinabuhi nga iya sa Cordero. Sila'y akong mga igsoon. Husto kana. Magpili ka ug magbarug uban kanila. Husto man o sayup, pagbarug dinha bisan pa man. Kung sayup man sila, nan tabangi sila nga mamahimong husto. Oo. Dili gyud sila mamahimong mas maayo kung imo hinoon silang sipa-sipaon. Kita n'yo, kondili paninguhaa nga maagak mo sila.

¹¹⁷ Charlie, sama sa ginaingon nila mahitungod kang Igsoong Allen, mahitungod sa kalayo nga ilang . . . sa dugo kono diha sa mga kamot. Ingon ko, "Wala, wala ko gayud sukad gibalewala si A. A. Allen." Ingon ko, "Kung makawali lang ako nga sama ni A. A. Allen, tingali'g dili na gani ko magpahigayon pa og buluhaton sa pagpang-ayo." Karon, kung hisgotan ang dili paguyon mahitungod sa dugo nga maanaa diha sa imong mga kamot, ingon nga mao kono ang kapanghimatuoran sa Espiritu Santo, dili gyud ako uyon niana. Apan paghisgotan na ang pagkamanagsoon, nan siya'y akong igsoon. Makigtimbayayong gyud ako kaniya diha sa gubat. Tinuod kana. Kung sayup man siya, nan paningkamotan kong tabangan siya. Ug kung dili pud siya ang saypan, kung ako man ang sayup, gusto ko nga tabangan

niya ako. Ug sa ingon-anang paagi kami nga—nga magkauyon. Karon matikdi n'yo dinhi.

...siya'y *TINAGO*, *BABILONIA*...*ANG INAHAN*
SA MGA BIGAON...

¹¹⁸ Bueno nakita n'yo ba kung unsa na ang iglesia karong panahona, mga higala, nakita n'yo ba kon daw sa unsa kining mga kaiglesiahan karong panahona nga nagakinabuhi sa bisan unsa na lang nga paagi nga gusto nila? “Okey ra na, padayona ra,” baboy nga nagakaon og baboy, nga walay pagpanumbaling. “Aba, wala ma’y dautan kon buhaton ko kana. Aba, kinaraan man gud ka.” Karon tan-awa ang ilang doktrina. Karon buut kong...Karon matikdi. Ingon na niini ang ilang naandan. Nasayod ba mo, pipila na ka tuig ang milabay, nga ang iglesiang Katoliko lang ang bugtong may pahanugot nga motan-aw og salida sa sinehan? Dili gani mahunahuna sa iglesiang Methodist ang ingon-anang butang. Silang tanan nga mga denominasyon kaniadto, “Dili! Mga buhat kana nga iya sa yawa.” Pero ambot kung unsa na ang nahitabo. Oo, sir.

¹¹⁹ Ug kabalo mo, ang mga batan-ong babaye nga Katoliko, manggawas sila kaniadto nga nanagsul-ob niining mugbong... (Karon, ania man ang pipila kaninyo nga mga edaran nang kalalaken-an nga kaedad ko)... pag manggawas sila ug inyong mamatikdan kining ilang ginasul-ob nga mugbo'ng stocking nga kutob ra sa tuhod ang katas-on. Kadtong maong lalaki, siguro, atua na siya sa impiyerno, karong gabhiona. Wala lang ko kabalo. Dili man ako ang iyang maghuhukom. Apan sa dihang gisulat niya kadtong pinakaunang malaw-ay nga kanta nga gipasibya sa radyo, nga wala man lang gisusi, kadtong, “Roll 'em, girlies, roll 'em; roll 'em down and show your pretty knees.” Pila man kaninyo ang nakahinumtum kaniadtong unang napasibya kana, pila na ka tuig ang milabay? Mao kadto ang unang nakalusot. Husto kana. Ug gidani sila niadtong lalaki nga taga Texas, ug giaghat niya ang mga kababayan-an nga mangsul-ob kono sila og pang-ilalum nga mga sapot aron ang ilang mga hitsura kono mamahimong daw sa kung unsa nga dili na man bagay kanila, ug mga ingon nianang butang, ug gipasagdan ra sila nga mamaingon niana. Ug karon unsa na ma’y nahitabo? Hinay-hinay kadtong nauso. Usa man gud kana ka espiritu.

¹²⁰ Dunay usa ka lalaki nga nakig-istorya kanako, niadtong miaging adlaw. Ingon niya, “Wala na ko kabalo kung unsay akong buhaton. Aduna ko’y buutan, matinuuron nga batang lalaki, apan kining akong anak karon basta na lang kuhaon ang unsa man nga iyang magunitan.”

Ingon ko, “Ngano man?”

“Nakig-uban-uban man gud siya sa usa ka kawatan.”

¹²¹ Basta makig-uban-uban ka gani sa usa ka tawo nga kawatan, nan mamahimo ka usab nga kawatan. Ginasulti kaniadto sa akong inahan nga taga-Kentucky, “Pag modulog-dulog ka sa usa ka iro nga dunay mga pulgas, inig bangon mo magkaaduna ka na og mga pulgas, usab.” Ipananglitan mo ang usa ka—ipananglitan mo ang usa ka babaye nga dili maayo, ug tugotan. . . ang maong babaye, ug ipakig-uban siya sa usa—usa ka buutang desente nga batan-ong lalaki, ug mahibaloan mo na lang nga ang maong lalaki ingon na ka dautan sama sa usa ka itoy. Mao ra gihapon pag balihon mo. Maila ka gayud pinaagi sa imong mga kaubanan. Ipahilain n’yo ang inyong kaugalingon! “Panggula kamo gikan kanila,” ang ingon sa Biblia, “managpahilain kamo!” Husto kana.

¹²² Kung ang ilang mga denominasyon nanagpamalik na sa ingon nianang pagkadautan nga ginatugotan nila ang ilang mga miyembro. . . Bueno, niadtong miaging adlaw, dinhi sa usa ka daku og maanindot nga iglesiang Baptist, ilang gipagawas usá ang mga tawo. Baynte minutos lang nga miwali, ang maong magwawali, tungod kinahanglan na man sa pastor nga manigarilyo. Nanggawas usab ang tibuok kongregasyon. Nanggawas silang tanan didto nga naglinya nga nagapanigarilyo, ug pagkahuman misulod na usab, ang maong pastor ug silang tanan. Nakaadto pud ko sa usa ka iglesiang Congregationalist, dunay usa ka lalaki, nga nakasul-ob og hataas nga kupo, nagatindog didto, ingnon ta, nga misandig sa pulpito nga nakaingon *niini*, og naghisgot mahitungod sa usa ka matang sa bulak nga iyang nakaplagan ibabaw sa bungtod. Mao lang kadto ang iyang gihisgotan, ug migawas na. Ug ang iyang mga tudlo dalag na gud gumikan sa aso sa sigarilyo. Oo. Ug naghisgot usab siya nga ang mga kababayen-an, ang mga kalalaken-an magdula sila kono. . . Unsa gani kining German nga dula nga ilang ginadula, nga daghan kaayong mga baraha ang—ang bahin-bahinon, kabalo ba mo niana? Dunay. . . Oh, nahidumduman ko na. Pinochle, magdula kono sila og pinochle nga dula. Nagatoo ko nga husto kana. Oo, ingon niana. Kana’y ordinaryo ra gihapon nga pagdula og mga baraha. Pinochle nga dula, didto mismo sa basement! My, grabe! Ingon na niana ang ilang pundasyon. Dili na ikatingala! Nga ginabuhat nila kana? Ug unya sawayon ang iglesiang Katoliko nga nagapangadto kono sa mga Piryahan aron magdula og loteriya. Aba, kamong mga Protestant maingon man usab ka hugaw sama kanila, busa unsa ma’y inyong masulti bahin niana? Mao nga dili mahimong tawgon sa kaldero nga ang takuri “mahugaw.” Dili gayud. Pero ingon niana ang ginabuhat n’yo, dayon moingon mo, “Bueno, Presbyterian ako. Methodist ako.” Wala gyud ka gawas lang kung natawo ka na pag-usab. Husto kana. Ug pagmahitabo na kana kanimo, mahibal-an mo, nga aduna gyu’y butang sa kinasuloran mo nga nagasulti kanimo nga sayup kana nga mga butang, ug manggula kamo mismo gikan niana sa ingon ka

sigurado nga hangtud tuhod mo lang ang pato. Nasayod ka nga mao kana ang Kamatuoran. Mao gayud. Oo, sir. Magkauban kana nga butang. Ngano man?

...ANG INAHAN SA MGA BIGAON...

¹²³ Usa sa niining mga adlaw, magaingon ang maong inahan, “Kabalo ka ba kung unsa? Bisan pa niining tanan, palangga, pareho ra kitang duha.” Ug kabalo ba mo kung unsa na’y mahitabo nianang tungora? Bug-os nang magkahiusa ang Konpederasyon sa mga Kaiglesiahan sama sa kung unsa sila karon. Ug kabalo ba mo kung unsay mahitabo sa gamay’ng pundok nga sama niini? Pagabayaran n’yo gayud kini, mga igsoon. Eksakto gayud kana.

¹²⁴ Apan ayaw kamo’g kabalaka, pagadaugon man siya sa Cordero. Kay ang Cordero mao man ang Ginoo sa mga ginoo, ug Hari sa mga hari, ug pagapangunahan sa Dios ang Iyang Iglesia, og dili ang denominasyon. Igabubo Niya ang bulawanong Lana sa Espiritu Santo diha nianang Iglesia. Igsoon, mahulog ang Kalayo gikan sa Langit, ug mahitabo ang mga ilhanan ug mga katingalahan, nga wala pa ninyo sukad nakita kaniadto. Oo, sir. “Ayaw’g kahadlok, diyutay’ng panon, sa maayong kabubut-on kini sa inyong Amahan nga igahatag kaninyo ang Gingharian.” Oo, sir. “Siya nga molahutay hangtud sa katapusan!” Mao kana. Padayon lang mo sa dalanon. Isentro n’yo lang ang inyong ulo ngadto sa Kalbaryo. Tinuod gyud kining Biblia. Ayaw kamo’g kabalaka.

¹²⁵ Karon matikdi. Ingon niana ang pipila sa ilang mga gawi. Ang pipila sa ilang moralidad. Mahimo pa gani natong ipadayon. Mahibaloan mo na lang, hinay-hinay na kining misulod sa mga iglesiang Protestante. Dayon ang Katolikong mga kababayan-an hinay-hinay usab. . . .Aba, wala ma’y dautan kono kon mangsul-ob sila og mga purol, basta nagasimba lang sila ug nagapandong og panyo diha sa ilang ulo. May usa pud ka matang sa tradisyon nga, “Dili kono puedeng mokaon og karne inig ka Biyernes.” Ug, oh, asa ba ninyo nahikaplagan kanang magpandong og panyo diha sa inyong ulo para makasulod sa simbahan? Gusto kong ipakita n’yo kanako ang Kasulatan bahin niana. Mini kana nga pagpangwali. Asa ba makita nga kinahanglan n’yong magsul-ob og kalo sulod sa simbahan? Ngani pag magsul-ob kamo og kalo sulod sa simbahan, inyong ginapakaulawan si Cristo, oo; ang mga kalalaken-an, ang akong ginahisgotan. Mga babaye, aduna usab kamo’y igpapandong, apan ginahagit ko ang si kinsa man nga ipakita kanako kon kini ba’y usa ka kalo o usa ka panyo. Ang inyong buhok kana! Apan inyo na man kanang gipangputlan. Karon unsa na man? Oh, moingon sila, “Kinaraan na kana.” Bisan unsa pa ka kinaraan, pero kini’y sumala gayud sa Biblia! Ug ang Pulong sa Dios man mao’y husto.

¹²⁶ Naghisgot ako dinhi, dili pa lang dugay, mahitungod niadtong babaye nga naghugas sa mga tiil ni Jesus kaniadto, ug gigamit niya ang iyang buhok mismo, kabalo mo, ug—ug mao’y gigamit niya nga pangtrapo niadto. Ingon ko, “Ang bugtong paagi nga mabuhat kana sa usa ka babaye sa karon, mao ang motindog siya gamit ang iyang ulo aron magkaaduna siya og igong buhok nga pangtrapo, sa paghugas sa mga tiil ni Jesus.” Husto kana. Oh, kini’y, makauulaw gayud nga makita kung unsa na ang. . . . Bisan gani dinhi, nga mangurog ka na tungod sa katugnaw sa klima, pero sila maglakaw-lakaw pa nga nakasul-ob ra og mubong baga nga pangsapaw nga sama niana, ug ginapakita ang hubo nilang lawas.

¹²⁷ Karon moingon mo, “Nganong ginasaway mo man ang mga kababayan-an?” Tungod gikinahanglan man kamong sawayon.

¹²⁸ Ug kamong mga kalalaken-an nga ginapasagdan ra ang inyong mga kababayan-an nga buhaton ang ingon-ana, igsoon, ako—ambot kung unsa kaha ang mahimo kong ihunahuna kaninyo. Bueno, tinuod kana.

¹²⁹ Ug kamong mga pastor, wala man siguro’y ingon niana dinhi. Apan kung duna kamo’y makita nga ingon niana nga lalaki, nan sultihi n’yo siya nga moanhi, sultihi siya, nga makigkita kanako. Kita n’yo? Kung wala na siya’y pagtahud kang Cristo tungod ginapasagdan ra niya ang iyang kongregasyon nga mamaingon niana nga dili man lang. . . . Karon siya. . . . Tingali’g ginabuhat nila kana dinha sa luyo niya, apan kung dili niya sila sultihan mahitungod niana, nan dili siya angayan nga mahimong alagad ni Jesus Cristo. Husto gayud. Dili siya angayan nga mamahimong alagad ni Cristo. Ang alagad ni Cristo kinahanglan gyud nga walay-kahadlok paghisgotan na ang Biblia. Mao gayud. Apan ingon na niana sila, nagapanggawas sila ug ginabuhat gihapon nila kana bisan pa man.

¹³⁰ Ug dayon, mahibaloan mo na lang, nga ginabuhat na kana sa mga Protestante. Kamong maayo nga mga Methodist, ug kamong mga Baptist, ug kamong mga Presbyterian, o Nazarene, Pilgrim Holiness, ug kamong tanan, pareho ra man, nahimo nang, unom sa usa ka dosena, ug tunga sa dosena. Tan-awa, “Inahan sa mga bigaon.” Moingon ang inyong denominasyon, “Basta nagsugod kini didto sa punoang-buhatan, unsa ma’y kalahian niana?” Kita n’yo? Daku gyud og kalahian. Tungod dili man kana nagsugod, diha *niana* nga Punoang-buhatan. Tingali’g nagsugod kana sa inyong punoang-buhatan dinhi, apan dili nianang Usa nga Didto sa itaas. Nagadepende ra kon asa kaha ang inyong gigikanan. Tinuod kana.

¹³¹ Karon, sa hunahuna ko wala na man kita’y igong oras para hisgotan kining usa pa, siguro laktawan ko na lang kini para ugma sa buntag. Okey, hisgotan na lang nato kining usa nga medyo mubo-mubo. Aduna kita dinhi, og, “bautismo sa tubig.”

Aduna sab kita'y "predestinasyon," ug, oh, daghan pang mga hilisgotanan. Busa hisgotan na lang nato kining, kining hamubo, nga hilisgotanan mahitungod sa "mga babayeng magwawali," ug ato kining hisgotan.

¹³² Bueno, karon, babayeng magwawali, dili ko gusto nga makapasakit sa inyong pagbati, apan aduna ko'y gustong isulti kaninyo. Wala gyud mo'y ni usa ka bahin sa Kasulatan, wala gyud ni usa diha sa Biblia. Oo, nasayod na ko kon asa kamo mopaingon, ug nasayod na ko sa tanan ninyo, nga, "Ug magahimo'g propesiya ang inyong mga anak nga lalaki ug mga anak nga babaye." Karon, kung ang inyong pastor wala mahibalo sa kung unsay buut ipasabot sa pulong nga "propesiya", nan siya—wala diay siya'y unsa man nga nahibaloan. Wala gayud siya'y katungod nga motindog sa pulpito, sa pagsulti kaninyo nga puede kamong mamahimo nga magwawali. Kita n'yo? Tungod kay bug-os gyud, kining, ginakondena gikan mismo sa Genesis hangtud sa Pinadayag. Karon ipakita ko kini kaninyo, kita n'yo.

¹³³ Karon gusto kong mopakli kamo uban kanako sa Unang Timoteo 2:11. Ablihi n'yo dinhi ug ato kining masayran karon, ug moabli usab kita, dinhi sa, Mga Buhat 2. Oo. Ug basta—basta paminawa lang ninyo dinhi kung unsay igasulti sa Kasulatan mahitungod niini nga hilisgotanan.

¹³⁴ Bueno, adunay sige'g ingon, "Bueno, Igsoong Branham, usa gayud ikaw ka madulomtanon sa mga babaye." Dili ako madulomtanon sa mga babaye. Ako'y...dili ko lang gyud gustong makita ang mga babaye nga gapaninguhang angkonon ang usa ka katungdanan nga dili para nila.

Nahinumduman n'yo ba kadtong Howard Shipyard dinhi, nga mao'y usa sa pinakamalampuson nga mga baraderoan sa Ohio River? Gipahimutang man nila ang usa ka babaye aron magdumala niana. Tan-awa n'yo kung unsay nahitabo.

Gihatagan usab nila ang babaye og katungod sa pagbotar. Tan-awa n'yo kung unsay nahitabo.

¹³⁵ Sultihan ko kamo karon mismo. Dili ingon nga mora'g ginapanitan ko ang mga kababayen-an. Kondili gusto kong ipasabot sa mga kalalaken-an nga apil usab kamo niini. Apan sultihan ko kamo og usa ka butang, igsoon. Kining nasura usa ka nasud nga iya sa babaye. Pamatud-an ko kini kaninyo, pinaagi sa Kasulatan, o unsa pa man nga gusto n'yong mapamatud-an. Kini'y...Unsa man kanang makita diha sa atong salapi? Usa ka babaye. Asa man siya mahikaplagan? Diha sa Pinadayag, dinha, ninyo siya makaplagan. Siya mao'y numero trese, usab, ang tanan-tanan mahitungod sa iyang pagsugod; trese ka mga bitoon, trese ka mga raya, trese ka mga kolonya. Trese, ang tanan trese gayud, sa sugod pa lang. Makita sab siya mismo diha sa ika-13 nga kapitulo sa Pinadayag. Usa ka babaye, og trese!

¹³⁶ Ug niadtong 1933, sa diha ang Ginoo...Sa dihang nagpahigayon kami og mga panagtigum kaniadto dinhi dapit kon diin napahimutang ang simbahan sa church of Christ karon, nga kaniadto mao ang Masonic home, miabot kanako ang panan-awon sa Ginoo ug gitagna nga “Mobangon ang Germany ug pagatukoron usab ang Maginot Line.” Daghan kaninyo ang nakahinumdom pa niana. Ug kung unsa nga mapanalipdan silang tanan didto, ug daghang mangamatay nga mga Amerikano didto mismo sa maong linya. Ug gisulti usab kung unsay mahitabo, mahitungod kang Roosevelt ug sa ingon niadtong mga butang, kung unsa nga mokandidato siya ug modaug hangtud sa ikaupat niya nga termino. Ingon ka hingpit, og eksakto gayud sa kung unsa mismo ang nahitabo. Ug gisulti usab nga ang mga sakyanan padayon nga mamahimong susama na sa usa ka itlog kon tan-awon, hangtud sa kaulahiang nga adlaw mamahimo na gayud nga usa ka itlog ang porma niini. Ug miingon ko, “Mamahitabo nga ang mga sakyanan dili na padaganon pinaagi og manobela. Kondili lahi na nga butang ang magpadagan niini.” Mga ingon niana na nga mga sakyanan ang ilang ginapanghimo sa karon, nga kontrolado na og remote, para kono walay-peligro. Tinuod. Dili ka puedeng mosulod sa usa ka siyudad nga...Dayon, pagmosulod ka sa usa ka lugar nga puede ka lang baynte ka milya kada oras, baynte ka milya lang pud ang iyahang kakusgon. Dili sab ka makabangga og ubang sakyanan, tungod kay kontrolado man kana og remote. Kita n’yo, mamahimong ingon na niana, bisan sa karon. Ug miingon ko, “Timan-i n’yo, nga nianang adlawa, sa dili pa moabot ang katapusang panahon, sa dili pa moabot ang katapusang panahon, dihay usa ka babaye...Karon, isulat n’yo kini. Dihay motungha nga usa ka bantugan, gamhanang babaye, nga mamahimong Presidente, o kaha diktador, o usa ka bantugan nga gamhanang babaye dinhi sa Estados Unidos. Ug kining nasura, mapailalum sa impluwensiya sa kababayen-an. Karon, hinumdumi n’yo, kana’y MAO KINI ANG GINAINGON SA GINOO.” Kita n’yo?

¹³⁷ Ug saypan usab ang babaye. Ug sa unsa man kini napaingon? Sultihan ko kamo. Magmahimo lamang nga espirituhanon. Tugoting...Magmadinawaton lang. Matikdi. Nganong ginabuhat man niini kana? Aron hatagan ang iglesiang Katoliko og higayon para makasulod. Kita n’yo? Ginasimba n’yo na kining mga artista ug tanan na niining nagkalinlaing mga butang. Mahinumduman pa ba ninyo ang sermon nga akong giwali? Margie, mahinumduman mo pa ba, pila na ka tuig ang milabay, ang mahitungod sa—sa pagsakup sa Estados Unidos, aron lupigon ang gobyerno sa Amerika. Ug gisulti ko usab nga misugod kini didto sa Paris human natong gisalbar sila didto gikan sa mga kababayen-an, bino ug mga pagsadya-sadya. Ug miabot kini dinhi sa Hollywood. Karon, imbis nga kita ang nagaadto sa Paris aron mokuha og mga modelo, sila na ang

nagaanhi aron mokuha og mga modelo. Unsa ma'y resulta niini? Midangat kini. . . Dili lagi nato ginatugotan ang atong mga anak nga motan-aw og salida sa sinehan, apan anaa gihapon kini diha sa telebisyon, mibalhin lang ug gihugawan ang maong tibuok butang, og dili na mapugngan. Ug ania na kita karon sa kahintang, diin ang tanang mga batang babaye ug mga batang lalaki, susama na niining mga artista sa telebisyon. Unsa man kini? Nakasulod na. Aba, usa ra ka mahugaw'g-dungog nga babaye mas daghan siyang maihatud nga mga tawo ngadto sa impiyerno kaysa sa tanang balay-imnanan nga mahimong ipahimutang diha sa usa ka siyudad. Husto kana. Tan-awa mismo siya pagnagalakaw dinha sa dalan nga halos hubo na, bisan kinsa pa siya nga lalaki, usa man siya ka mahimsog og normal nga lalaki, pagmotan-aw siya nianang maong babaye nan aduna gayud siya'y mabati. Karon magmatinuuron lang. Bisan pa. . .

¹³⁸ Dugay nang mga tuig nga naangkon ko ang Espiritu Santo. Dili mo mahimong motan-aw sa usa ka babaye nga halos hubo na. . . ako—aduna man ko'y dala-dala nga usa ka gamay'ng krus diha sa akong sakyanan, daghan kaninyo ang nakakita na niana. Mao nga adunay miingon kanako, “Usa diay ikaw ka Katoliko?” Asa ba nakuha sa mga Katoliko nga sila lang ang adunay katungod sa krus? Ang krus nagakahulogan man og “pagka-Cristohanon.”

¹³⁹ Kanang mga gagmay'ng Santa Cecilia ug mga ingon nianang butang mao kana'y mga ilhanan sa Katolisismo. Wala kita nagatoo sa ingon nianang mga butang. Kondili nagatoo kita kang Cristo. Pero sila aduna hinoon og tanang matang sa patay na nga mga tawo nga ilang ginasiimba. Usa kana ka hataas nga porma sa espiritismo. Ingon niana kini mismo, pagsimba og mga patay. Wala ma'y ingon-anang butang, wala gayud.

¹⁴⁰ Akong gipangutana ang maong pari. Ingon ko, “Ngano man, kung ingon-niana, kung. . . si Pedro man ang unang papa?”

Ingon niya, “Husto kana.”

¹⁴¹ Ingon ko, “Kung ingon-ana nganong miingon man si Pedro, ‘Wala na'y uban pang tigpataliwala tali sa Dios ug sa tawo kondili ang Tawong si Cristo Jesus?’ Ug aduna man lagi kamo og lima ka libo ka patay na nga mga kababayan-an, ug tanang uban pa, nga ginahimo ninyo nga mga tigpataliwala. Karon unsa ma'y nahitabo?” Tan-awa. Wala gyud sila'y ikatubag bahin niana. Tinuod kana.

¹⁴² Karon ang pipila sa ilang doktrina, pipila sa ilang mini nga doktrina, ginatudlo na sa niining usa ka pundok sa mini nga mga propetang Protestante, ug kamong mga Protestante nanagdawat sab niana. Eksakto gayud. Nagkadaiyang mga denominasyon ug mga matang sa bautismo, ug nagkalainlaing mga kalagdaan ug mga ingon-anang butang nga inyong ginabuhat, nga bug-

os gayu'ng dili uyon sa Kasulatan. Bisan supak mismo, sa Kasulatan, apan nagapailalum gihapon kamo niana. Mao kana ang kamatuoran.

¹⁴³ Karon paminawa n'yo kining mahitungod sa mga babayeng magwawali. Sige. Unang Timoteo, gusto kong basahon ang Unang Timoteo 2:11. Karon paminawa n'yo kung unsay ginaingon Niini dinhi.

Ang mga babaye kinahanglan magatuon sa hilum uban sa bug-os nga pagpasakop.

Kay dili ako motugot nga ang babaye magpanudlo, o magbuot sa mga lalaki, kondili magpakahilum lamang.

¹⁴⁴ Dili ako responsable sa pagsulat niini dinha. Responsibilidad ko lang nga isulti kaninyo nga nahisulat kini dinha. Kita n'yo? Kita n'yo?

Ang mga babaye kinahanglan magatuon sa hilum ug maanaa sa bug-os nga pagpasakop. (Ambot kung nakatambong na ba kamo sa iglesiang Orthodox ug namatikdan n'yo sila, kita n'yo. Kita n'yo?)

Kay dili ako motugot nga ang babaye magpanudlo, o magbuot (ingon nga usa ka pastor, diyakono, o unsa man nga sama niana) sa mga lalaki, kita n'yo, magbuot sa mga lalaki, kondili magpakahilum lamang.

Kay si Adan mao ang una nga gibuhad, ug unya si Eva.

¹⁴⁵ Nasayod ba mo? Karon paminaw mong, mga babaye. Kamo baya nga mga maayo, og matarung nga Cristohanong kababayan-an ang pinakamaayong butang nga mahatag sa Dios ngadto sa usa ka lalaki, o kung dili man nan tingali'g naghatag na Siya og butang nga lahi para sa lalaki. Oo, sir. Kita n'yo? Gani ang babaye wala man kaniadto sa orihinal nga paglalang. Ang babaye dili siya orihinal nga binuhad sa Dios. Kondili siya'y binuhad lang gikan sa lalaki. Gibuhad sa Dios ang lalaki kaniadto, ingon nga parehong lalaki ug babaye. Ug gibulag ra Niya sila. Ug human nga nagkinabuhi na ang lalaki ibabaw sa yuta ug nahinganlan na ang mga mananap, ug dugay-dugay nang nagkinabuhi dinhi, nan mikuha ang Dios og usa ka gusok gikan sa kilid ni Adan, ingon nga usa ka binuhad gikan sa orihinal, ug gihimo kadtong usa ka babaye. "Si Adan mao ang una nga gibuhad, ug dayon si Eva." Karon matikdi.

Ug dili si Adan ang nalimbongan, kondili ang babaye mao ang nalimbongan ug nahimong malinapason.

¹⁴⁶ Gikuha sa Dios ang lalaki. Gikuha sa yawa ang babaye. Tan-awa n'yo kini, sa inyong atubangan mismo, kung unsay ginabuhad niini sa karong panahon. Matikdi n'yo ang tinuod nga Iglesia sa Dios, nga moingon, "Jesus!" Ang anticristo moingon pud og, "Maria!" Matikdi n'yo kana nga mga espiritu. Kita n'yo? Tan-awa sila. "Maghimaya ka Maria, inahan sa Dios, bulahan

ikaw sa taliwala sa mga kababayan-an, ug iampo kami nga mga makasasala karon, ug sa adlaw sa among pagkamatay. Amen. Maria, mag-ampo ka!” Oh, my, grabe! Kita n’yo, mao kana ang, “babaye,” ang napailalum sa yawa. Si Cristo, ang mao lang nga silimbahon, ug ang Bugtong silimbahon! Mao kana. Mao kana.

¹⁴⁷ “Si Adan mao ang una nga gibuhay, ug dayon si Eva.” Dili sab si Adan ang nalimbongan. Ug unsa ma’y hinungdan nga nanagbaton kamo og babaye nga pastor, og diyakono? Dili baya si Adan ang nalimbongan, kondili ang babaye mao ang nalimbongan. Siya sa tinuod lang. . . Wala siya naghunahuna nga saypan siya, apan saypan gayud siya. “Ang babaye mao ang nalimbongan ug nahimong malinapason.” Tungod, kaniya, sa matag higayon nga dunay—dunay paglubong nga nagaagi diha sa dalan, ang babaye ang naghinungdan niana. Sa matag higayon nga dunay usa ka bata nga nagahilak, ang babaye ang naghinungdan niana. Sa matag higayon nga adunay mamatay, ang babaye gihapon ang naghinungdan niana. Sa matag ubanon nga buhok, ang babaye gihapon ang naghinungdan niana. Sa tanan, ug sa kamatayon, ang babaye ang naghinungdan niana. Sa tanan-tanan nga sayup, ang babaye gyud ang naghinungdan niana. Ug dayon ipahimutang n’yo siya ingon nga lider sa iglesia, ingon nga pastor, oh, obispo pa gani usahay. Makauulaw siya.

¹⁴⁸ Karon dalhon ko kamo sa niining, usa pa, sa makadiyut lang. Kita n’yo? Karon moabli kita dinha sa Unang Mga Taga-Corinto 14:32, ug atong tan-awon kung unsay gisulti ni Pablo dinhi, ug pagkahuman moadto kita sa uban pa, sa dili madugay. Ug usab dili namo gusto nga langanon kamo pag-ayo, kay basin kapoyon na kaayo mo ug dili na makabalik ugma sa buntag. Bueno. Buut ko nang mobasa. Pila man ang nagatoo nga si Pablo usa ka dinihogan nga magtutudlo? Karon, timan-i n’yo, nga gisulat usab kini ni Pablo ngadto kang Timoteo. Kita n’yo? Bueno, kining, Unang Mga Taga-Corinto 14:32. Karon magsugod ta dinhi mismo, ug sugdan nato sa pagbasa dinhi sa, 14:34, diay.

Ang mga babaye kinahanglan magpakahilum sulod sa mga iglesia: . . .

¹⁴⁹ Inyo bang nadungog ang gisulti niya?

Ang mga babaye kinahanglan magpakahilum sulod sa mga iglesia: kay wala itugot kanila ang pagsulti; hinonoa kinahanglan managpasakup sila, . . .

¹⁵⁰ Aduna ba’y sinulat diha sa daplin sa inyong Biblia bahin niana? Kung aduna man, nan baliki n’yo kana ug tan-awa kung dili ba kamo ginatudlo niana ngadto sa Genesis 3:16. Kaniadtong gisultihan sa Dios si Eva, nga ang lalaki na ang mangulo kaniya sa tanang mga adlaw sa iyang kinabuhi, tungod kay naminaw man siya sa serpente imbis nga sa iyang bana. Unsaon man pagtungha sa babaye ug mangulo na man siya sa lalaki, ingon nga mamahimong pastor o diyakono, sa dihang miingon man ang

Biblia nga siya lama’y “magpasakup,” sama ra sa sinugdanan kaniadto? Sa dihang ang Dios. . . ang Dios—ang Dios dili gayud mausab. Mao nga dili n’yo mahimong pasultihon ang Pulong og usa ka butang *dinhi* ug lahi na pud ka butang *dinhi*. Dili gyud Niini buhaton ang ingon niana. Kini’y mao ra gayud sa tanang panahon.

¹⁵¹ Busa, sa sugod pa lang, kana unta’y, sa dili pa matapos kini, kung aduna lang unta ko’y kahigayonan, buut ko nga sulbaron kanang problema bahin sa *Kaminyoon Ug Panagbulag* para kaninyo. Wala pa man nako maiwali kana dinhi sa iglesia. Apan matikdi n’yo kining duha ka pakigsaad. May usa nga nagaingon nga puede ra siyang magminyo; may usa usab nga gaingon nga dili sila puedeng magminyo; ug ginaingon usab niining usa ang *ingon-ini*, *ingon-ana*, o *uban pa*. Kadali lang ug atong hibaloong kung unsa ba’y ginaingon sa Biblia, inig modangat na kita diha niana. Kita n’yo? Okey. Karon matikdi n’yo dinhi.

Ang mga babaye kinahanglan magpakahilum sulod sa mga iglesia: . . . wala itugot para kanila ang pagsulti; hinonoa kinahanglan managpasakup sila, sumala usab sa ginaingon sa kasugoan.

¹⁵² Kung ingon-ana, sa Daang Tugon pa kaniadto, wala na diay sila tugoti sa pagsulti, tungod kay gisulti man ni Pablo dinhi nga wala itugot kanila ang pagsulti. Husto ba kana? “Ang mga babaye kinahanglan magpakahilum. Managpasakup sila.” Karon kung inyong subayon ang sinulat diha sa daplin nga bahin, ibalik kamo niini ngadto sa Genesis 3:16. Kita n’yo? Oo. “Ilalum sa, sumala sa kasugoan.”

Ug kung. . . aduna ma’y buut nilang pakisayran, adto na sila sa ilang. . . mangutana—mangutana sa ilang mga bana. . . sa balay: kay makauulaw sa usa ka babaye ang pagsulti sulod sa iglesia.

Unsa? . . .

¹⁵³ Karon tan-awa n’yo kanang marka nga pangutana diha sa tagsa-tagsa ninyong mga Biblia, kanang, “Unsa?” Unsa kaha ang hinungdan nga nakasulti si Pablo niana ug nag-akto nga ingon niana? Karon, kung inyong mabasa ang mga sulat nga gisulat sa mga taga-Corinto ngadto kang Pablo. Bueno, makaplagnan n’yo kana nga mga sulat diha sa unsa mang maayo nga librario, kita n’yo, nga gisulat kaniadto sa mga taga-Corinto ngadto kang Pablo. Misulat sila ug nagsugilon kaniya, nga human nga nangakabig kadtong mga kababayan-an. . . Aduna man sila’y usa—usa ka diosa kaniadto, nga ginganla’g “Diana.” Ug ang maong diosa naggikan sa Efeso, usab. Ug gisimba pud kadto sa mga taga-Corinto, tungod kay pagano man ang ilang pagsimba kaniadto. Ug nakakaplag man gud kono sila og usa ka bato sa umahan usa niadto ka adlaw, ug ang porma niini mora kono og usa ka babaye. Mao nga miingon sila, “Babaye diay

ang Dios, ug gipakanaug niya ang iyang rebulto nganhi kanato.” Ug ang ilang templo labaw pa kono sa templo ni Solomon, sumala sa gikaingon, sa mga magsasaysay. Oh, puro marmol kono kadto, nga dinayan-dayanan og bulawan; samtang, ang templo ni Solomon binuhat ra sa cedro, nga dinayan-dayanan pud og bulawan. Kita n’yo? Ug mas maanindot gayud kono kadto. Ug busa, kung ingon-ana, kung ang Dios usa—usa diay ka babaye, aba, siguradong, aduna gyud siya’y mga babaye nga pari. Mao nga, kung ang Dios usa ka babaye, nan husto diay ang babayeng magwawali. Apan, ang Dios usa gayud ka Lalaki. Ang Biblia miingon nga Siya’y usa ka Lalaki, ug Lalaki Siya. Kita n’yo? Ug kung Lalaki ang Dios, nan kinahanglan gayud nga lalaki usab ang magwawali.

Karon matikdi n’yo dinhi, “Unsa?”

¹⁵⁴ Bueno, ang pipila niadtong mga babaye nga pari, sa dihang nangakabig na sila gikan sa paganismo ngadto sa Cristianismo, naghunahuna sila nga mapapabilin ra nila ang ilang katungdanan isip usa ka magwawali, og mobalhin lang sila. Kung nanagwali sila kaniadto didto mahitungod kang Diana, nan karon pagnakabalin na sila dinhi si Cristo na ang ilang iwali.

¹⁵⁵ Miingon si Pablo, “Unsa? Migula ba diay ang Pulong sa Dios gikan sa . . .” Paminawa n’yo Kini. Igsoon, nganong ginabuhat man kana sa mga ministro? Ika-36 nga bersekulo.

Unsa? diha ba kaninyo migula ang pulong sa Dios? o kamo ra ba gayud ang mga naabot niini?

Kon adunay maghunahuna nga siya propeta, kun espirituhanon (dili gani kinahanglan nga mamahimong usa ka propeta; kondili usa lang ka lalaki nga dunay espirituhanong-panghunahuna), pailha siya nga ang mga butang nga akong gisulat kaninyo mao’y mga sugo sa Ginoo. (Nagatoo ba kamo niini?)

Apan kung siya, kung aduna ma’y wala masayod niini, pasagdi siya nga magawalay kasayoran.

¹⁵⁶ Karon, ingon niana siya ka diretsahan sa pagkahibalo ko niini. Kita n’yo? Ingon niya, “Kung ang lalaki usa ka espirituhanon nga lalaki, o usa ka propeta, pagailhon niya nga ang akong gisulat dinhi mao ang mga Sugo sa Ginoo.” Apan miingon, “Kung siya—kung siya wala ma’y kasayoran, pasagdi siya nga mamahimong walay kasayoran.” Kita n’yo? Mao lang kana ang inyong buhaton. Kung gusto nilang magpadayon nga ingon niana, nan pasagdi n’yo sila, tungod kay nakita na man ni Pablo kaniadto nga misugod na kana didto.

¹⁵⁷ Ug may usa ka babaye nga miingon kanako, miingon, “Oh, si Pablo usa man gud siya ka madulomtanon sa mga babaye.”

¹⁵⁸ Dili siya madulomtanon sa mga babaye. Kabalo mo, si Pablo mao ang apostoles, ngadto sa Iglesiang Gentil. Tan-awa n'yo dinhi. Kabalo ba mo nga si Pablo . . . Pila man ang nagatoo nga mao kana ang giwali ni Pablo? Mao ba kana mismo ang iyang—iyang gisulti dinhi? Ug miingon si Pablo . . .

¹⁵⁹ Moingon mo, “Bueno, kadali lang ha, Igsoong Branham. Kadali lang! Bueno, ang among obispo miingon man nga okey lang kono kana. Ang pangkadaghanang tigdumala, sa Assemblies, miingon pud nga okey lang kono kana. Ang obispo sa Oneness miingon sab nga okey lang kono.”

¹⁶⁰ Wala ko'y labot kung unsa ma'y ginaingon nila. Basta mini kana! Ug gisultihan ko na man kamo nga ipatuhop nato kini og ayo. Ug ingon niana man gyud ang isulti sa mini nga mga propeta. Kay ang ingon sa Biblia, “Kung adunay maghunahuna nga siya'y espirituhanon, o usa ka propeta, pailha siya nga ang akong ginasulti mao ang mga Sugo sa Ginoo.” Ug kung ang iyang espiritu wala nagapamatuod nga uyon sa Pulong, nan usa siya ka mini nga propeta, sa sugod pa lang. Ngani mas gustohon ko pa nga mamahimong usa ka madulomtanon sa mga babaye kaysa mahimong usa ka nagahigugma sa mga babaye, nga pasagdan lang ang ingon-anang butang, og tugotan ang ingon-anang butang sulod sa Iglesia sa Dios, pero sukwahi gayud sa mga kasugoan sa Dios. Ug miingon pud si Pablo . . . Ablihi n'yo ang Mga Taga-Galacia 1:8. Ang ingon ni Pablo, “Kung ang usa ka Manulonda nga gikan sa Langit magawali og lain nga ebanghelyo gawas sa ako nang giwali kaninyo, ipatunglo siya.” Bueno unsa ma'y inyong buhaton Niana?

¹⁶¹ Karon moingon mo, “Unsa man diay ang mahitungod sa giingon Niini nga, ‘Magahimo'g propesiya ang inyong mga anak nga lalaki ug mga anak nga babaye,’ diha sa Joel, ug—ug nga gisulti usab ni Pedro sa Adlaw sa Pentecostes?” Eksakto gayud kana.

¹⁶² Nasayod ba mo, diha sa Daang Tugon, nga ang bugtong paagi, ug ang bugtong paagi kaniadto, para makasulod ang si bisan kinsa sa pakigsaad, mao'y pinaagi, sa . . . si Abraham man mao ang gihatagan sa saad, ug ang—ang selyo sa saad mao'y pinaagi sa sirkunsisyon. Pila man ang nasayod niana? Mao kadto ang pagpanghimatuod sa Dios.

¹⁶³ Sama sa usa ka igsoong Baptist, ingon siya, “Igsoong Branham, aba, kaming mga Baptist nadawat na namo ang Espiritu Santo.”

Ingon ko, “Kanus-a man ninyo nadawat Kini?”

Miingon, “Niadtong takna mismo nga mitoo kami.”

¹⁶⁴ Ingon ko, “Pero ang ingon ni Pablo, ‘Nadawat na ba ninyo ang Espiritu Santo sukad nga mitoo kamo?’” Kita n'yo? Ingon pa ko, “Karon, kamong mga Baptist nga nakadawat na Niini, nan hisgotan ta ang mahitungod sa Eternal nga kasiguradohan.”

Ingon ko, “Pero, bueno, asa ba ninyo Kini madawat nga ingon niana lang?” Kita n’yo?

¹⁶⁵ Ang ingon baya ni Pablo, “Nadawat na ba ninyo Kini *sukad* nga mitoo kamo?” Sila’y mga magtotoo man usab kaniadto, ug nanagsinggit ug nanagkalipay ug tanan nang uban pa. Pero wala pa man nila kaniadto nadawat ang Espiritu Santo. Miingon si Pablo nga wala pa nila nadawat Kadto. Kita n’yo? “Nadawat na ba ninyo ang Espiritu Santo sukad nga mitoo kamo?”

Miingon sila, “Wala man gani kami mahibalo nga aduna diay Espiritu Santo.”

Miingon, “Kung ingon niana giunsa diay kamo pagbautismo?”

¹⁶⁶ Miingon sila, “Nabautismohan na kami.” Apan, sa sayup diay nga paagi, kita n’yo. Busa kinahanglan niya silang bautismohan, pag-usab. Oo.

¹⁶⁷ Bueno matikdi n’yo kini karon, kining mga babayeng magwawali, sa dihang nakabig sila, nagdahum sila nga madala nila ang ilang pagbulot-an. Apan bug-os gayud nga wala gitugot sa Dios nga buhaton ang ingon niana. Ug tugotang. . . samtang ania pa kita dinhi niini nga hilisgotanan, bahin sa mga kababayen-an, kita n’yo. Ug ania, karon, miingon si Pablo, “Kung aduna man sa taliwala ninyo, nga espirituhanon, o usa ka propeta, pailha siya nga ang akong gisulat mao ang mga Sugo sa Ginoo. Apan kung siya walay kasayoran, pasagdi siya nga mamahimong walay kasayoran.” Ug mao kana’y hinungdan nga. . .kini nga tabernakulo wala nagatugot ug nagaordena og mga babayeng magwawali, mga babayeng diyakono, o bisan unsa nga katungdanan para buhaton sa usa ka babaye dinhi niini nga iglesia, tungod kay napahimutang man dinhi ang Kasulatan ug tataw gayud.

¹⁶⁸ Bueno, miingon man sab ang Biblia, “Magahimo’g propesiya ang inyong mga anak nga lalaki ug mga anak nga babaye.” Karon, unsa ba’y buut ipasabot sa pulong nga *propesiya*? Susiha n’yo ang maong kahulogan. Kini mao ang “pagsulti og usa ka butang, ilalum sa pagdihog,” o “pagpanagna og usa ka butang.” Usa kini ka pulong nga may duha ka kahulogan.

¹⁶⁹ Sama lang sa pulong nga *pagbalaan* nga nagakahulogan og “gilimpyohan, ug gigahin alang sa pag-alagad.” Kita n’yo? O, usa kini ka pulong, nga duna’y labaw pa sa usa nga kahulogan, sama ra sa daghan natong mga pulong dinhi sa Ingles.

¹⁷⁰ Pananglitan, ingnon ta ang pulong nga “board.” Bueno, unsa ba’y buut ipasabot sa *board*? Moingon mo, “Bueno, ang buut niyang ipasabot nga nagbayad siya sa iyang *pagkaon*.” “Dili, dili ingon niana ang iyang pasabot. Ang buut niyang ipasabot nga *nagbangag* siya.” “Dili, dili sab ingon niana. Ang buut niyang ipasabot nga *gilaayan* na siya.” O, nakita n’yo na, usa ra ka

pulong, pero kinahanglan kabalo ka sa kung unsa ba gyud ang imong ginasulti. Kita n'yo?

171 Ug ingon niana usab sa niining pulong nga may duha ka kahulogan, kon diin, “Magahimo’g propesiya ang inyong mga anak nga lalaki ug mga anak nga babaye.” Karon, ang bugtong paagi nga ang Dios . . .

172 Miingon kining maong Baptist, “Bueno, nadawat na namo ang Espiritu Santo.” Ingon ko . . . “Niadtong tungora mismo nga mitoo kami niini.” Ingon ko . . . Bueno, kita n’yo, ingon siya, “Gihatag sa Dios kang Abraham ang . . .” Miingon, “Gitoohan ni Abraham ang Dios.” Ingon niana ang pagpasabot niya niini. Ingon siya, “Gitoohan ni Abraham ang Dios ug kadto’y giisip kaniya nga pagkamatarung.” Pila man ang nasayod nga tinuod kana? Karon matikdi n’yo kung unsa—kung unsa ka sayon nga mapalusot kana ni Satanas sa usa ka igsoong lalaki. Kita n’yo, ingon ra gyud ka sayon. Bueno, Kasulatan man usab kana.

173 Igsoon, sultihan ko kamo, dinhi sa pulpito, kinahanglan ùna nga nadihogan ka na sa dili ka pa mosaka dinhi. Kinahanglan mo ùna nga mosulod sa usa ka sekreto nga dapit ug mag-ampo. Moingon ang mga tawo, “Nganong dili man ka mogawas ug makighimamat sa mga tawo?” Igsoon, kung mamulong ka man sa mga tawo o kaha magtudlo ka kanila, mas maayo nga mag-inusara ka ùsa, uban sa Dios, sa makadiyut, sa dili ka pa mosaka diha sa pulpito. Tinuod gayud, kita n’yo, tungod kay maliputon baya si Satanas, maliputon kaayo.

174 Bueno miingon ang igsoong lalaki, matikdi, ingon siya, “Gitoohan ni Abraham ang Dios, ug kadto’y giisip kaniya nga pagkamatarung.” Husto kana. Ingon pa siya, “Bueno, unsa pa diay himoon ni Abraham kaniadto kondili ang motoo?”

Ingon ko, “Mao lang gyud kadto ang puede niyang buhaton.”

175 Ingon siya, “Ikaw unsa pa ma’y imong mahimo o ni kinsa pa man kondili ang motoo?”

176 Ingon ko, “Mao lang sab kana ang mahimo nato. Apan ania, igsoon, human niadto gipasig-uli, o gidawat sa Dios ang pagtoo ni Abraham. Dayon Iyang gihatagan siya og selyo, usa ka ilhanan nga sirkunsisyon, ingon nga selyo sa maong pakigsaad. Kita mo? Gihatagan Niya siya. Ingon Niya, ‘Karon, Abraham, ilhon Ko ang imong pagtoo, busa hatagan Ko ikaw og usa ka ilhanan karon ingon nga gidawat Ko na ikaw.’”

177 Busa gisirkunsidahan sa Dios si Abraham, ug mao kadto ang selyo sa pakigsaad. Ug karon sa niining panahon . . . Bueno, ang babaye dili man puedeng mahiapil niana nga pakigsaad; gawas kon siya’y usa ka minyo na nga babaye. Bisan susihon pa ninyo, dili man puedeng sirkunsidahan ang usa ka babaye; busa, kinahanglan pa silang ipaapil, mao nga ang babaye ug ang iyang bana usa na sila. Dili na sila duha; kondili usa na sila. Pila man ang nasayod niana? Mao kana ang ginaingon sa Kasulatan. Busa,

kon minyo na ang babaye, nan siya—siya’y mamahimo nang usa sa iyang bana. Ug kon inyong padayonon ug tan-awon dinhi sa Timoteo, mao man sab gihapon ang giingon, nag-ingon, “Ngani ang babaye mamaluwas pinaagi sa iyang pagpanganak, kon siya magapadayon sa pagtoo ug pagkabalaan nga inubanan sa bug-os nga kaligdong.”

¹⁷⁸ Bueno, apan, kaniadto, ang sirkunsisyon sa Daang Tugon mao’y diha sa unod, apan dinhi sa Bag-ong Tugon, ang ingon ni Joel, “Igabubo Ko ang Akong Espiritu sa tanang unod, ug magahimo’g propesiya ang inyong mga anak nga lalaki ug mga anak nga babaye.” Karon, ang pulong nga *propesiya* wala kana nagakahulongan og pagtudlo. Ang buut ipasabot sa *propesiya* mao ang “pagsugid og kasinatian, ilalum sa pagdihog,” o kaha “pagpanagna og usa ka butang nga andam nang mahitabo.” Ug nasayod sab kita nga aduna kaniadto og mga babayeng propeta sa Daang Tugon. Pero wala sila nagapamulong sulod sa bilding, nagapamulong sulod sa iglesia, o sulod sa kongregasyon, ingon nga usa ka magtutudlo. Apan ang babaye, nga si Anna, ug daghan pa kanila nga atua sulod sa templo, sila’y mga babaye nga propeta, ug sila’y mga . . . Si Miriam usa man sab ka babayeng propeta, o mora’g ingon niana. Aduna siya og Espiritu, tinuod kana, apan aduna pud og mga limitasyon ang iyang katungdanan. Ang mga babaye sa karong panahon puede man sab nga mamahimong babayeng propeta, mao gayud; pero dili ingon nga mga magtutudlo, ug uban pa, nga mowali dinhi sa entablado. Pag buhaton n’yo kana, nan ginahimo n’yo—ginahimo n’yo lang nga sumpakion sa Biblia ang Kaugalingon Niini. Ang Biblia dili man mahimong mosulti og usa ka butang *dinhi*, ug lahi na pud nga butang *dinhi*. Siguradong igasulti gihapon Niini ang mao rang butang sa tanang panahon kay kon dili nan dili Kini ang Pulong sa Dios. Kita n’yo? Busa, “Magahimo’g propesiya ang inyong mga anak nga lalaki ug mga anak nga babaye,” ang buut ipasabot niana nga sila’y “magapanagna” o kaha “magapamatuod.” Bueno, susiha n’yo kini, ug pagbasa mo’g diksiyunaryo nga mahitungod sa Biblia ug tan-awa n’yo kung dili ba kini tinuod. “Magahimo’g propesiya ang inyong mga anak nga lalaki ug mga anak nga babaye.”

¹⁷⁹ Karon, nagahisgot usab ang Biblia mahitungod sa usa ka babaye nga nagapakaaron-ingnon, mora’g ingon-niana, o nagaangkon nga siya’y . . . Nagapahinungod kini sa iglesiang Katoliko, ug nagapahinungod usab sa . . . kining hilisgotanan nga pagahisgotan na nato karon. Moabli kita sa Basahon sa—sa Pinadayag, ug ablihan nato sa—sa ika-2 nga kapitulo ug sa ika-20 nga bersekulo, samtang haduol na kita niini, aron inyong makita dinhi ug masayran kung unsa ka yawan-on kanang butanga, nga ginahisgotan nga mamahitabo sa niining kaulahiing mga adlaw, kung unsa nga kining . . . kung unsa gayud kining maong babaye. Timan-i n’yo, nga ang iglesiang

Katoliko usa ka babaye. Bag-ohay lang nato kining gibasa, dili ba? Paminawa n'yo kini karon, kung unsa ang pagkasulti Niini. Pinadayag 2:20, “Ngani adunay . . .” Nagapakigsulti Siya niining iglesia sa Tiatira, kita n'yo, “Ngani adunay . . .” Nga mao ang iglesia sa tunga-tunga nga kapanahonan, og miagi sa Mangitngit nga Kapanahonan kaniadto.

Ngani aduna *ako'y batok kanimo, nga imo lamang gipasagdan ang babaye nga si Jezabel, nga nagaingon nga siya propeta, nga nagapanudlo ug . . . nagapahisalaag sa akong mga ulipon ug sa paghimo'g pakighilawas, ug sa pagkaon sa mga butang nga hinalad ngadto sa mga dios-dios.* (Kita n'yo?)

¹⁸⁰ Karon, kung inyong matikdan, tan-awa n'yo kining mga kapanahonan sa iglesia, dayon mahuman na kita. Ug ugma sa buntag hisgotan nato kining uban pa nga mga butang. Matikdi. Diha sa . . . Ilalum sa—sa tangkawan nga bulawan sa tabernakulo sa mga Judio, diha sa sulod, kon diin ang tinapay'ng-halad, atua ang pito ka tangkawan nga bulawan. Nasayod man mong tanan niana. Kita n'yo? Adunay pito ka kapanahonan sa iglesia. Nagahisgot sab mahitungod sa pito ka kapanahonan sa iglesia, ang kahayag. Karon kung inyong matikdan sa Pinadayag 1, makita nato nga anaa si Jesus diha sa pito ka kapanahonan sa iglesia, sa pito ka tangkawan nga bulawan, sa dihang milingi si Juan ug nakita ang Usa nga sama sa Anak sa tawo, nga nagatindog, og nasul-oban uyon sa kung unsa kana. Ang Pangasaw-onon kana nga nagatindog diha sa tangkawan, nga ginahulagway.

¹⁸¹ Bueno, sa Daang Tugon, mokuha sila kaniadto og . . . usa ka kandila, ug pasigaon kana, gamiton kanang maong kandila para pasigaon ang sunod nga kandila, pasigaon na sab ang sunod nga kandila, gikan sa usa ka kandila ngadto sa usa pa, ingon niana, hangtud nga ilang makumpleto og pasiga ang pito ka tangkawan.

¹⁸² Kung inyong mamatikdan, sa sinugdanan, kaniadtong misugod ang Dios sa pagpakighilambigit sa mga Judio, ug miagi sila sa bulawanong panahon. Ug dayon ang pinakamangitngit nga panahon sa pagpakighilambigit sa mga Judio, nga nahimo sa Dios uban sa mga Judio, mao kadtong sa paghari ni Ahab. Ug kung mamatikdan pud ninyo, sa pagbasa n'yo nianang pito ka kapanahonan sa iglesia, mobalik Siya niana pag-usab. Ingon Siya, bueno, “Ang pipila ka butang kaniadto,” ug miingon . . . Bueno, didto mismo sa Mangitngit nga Kapanahonan, kinse ka gatus ka tuig kaniadto, o niadtong panahon ni Ahab, mao kadto ang una, ug sa mga Judio. Ang pinakamangitngit nga panahon nga nasinati nila, kaniadtong giminyoan ni Ahab si Jezabel nga mao'y nagdala sa pagsimba og mga dios-dios ngadto sa Israel, ug gipapasimba ang tanang mga tawo kang Ahab . . . o sa dios-dios ni Jezabel. Kon inyong mahinumduman, nanagdala sila,

nanaghimo og mga dios-dios nga gigama gikan sa kahoy, ug gipangguba ang mga halaran sa Dios. Ug misinggit si Eliseo, nga kono siya na “lamang usa,” apan aduna pa diay ang Dios og pito ka gatus kinsang mga wala gayud nangluhod ngadto kang Baalim. Mahinumduman n’yo pa ba kana? Ingon niana ang tipo sa pinili nga Iglesia nga manggawas. Nakita n’yo na? Kita n’yo na kung unsa kana?

¹⁸³ Bueno, sa niini nga iglesia, kung inyong mamatikdan sa unang iglesia, sa pinakauna nga iglesia, ang iglesia sa Efeso, nga usa ka bantugan nga iglesia. Ingon Siya, “Aduna ka pa og kahayag, karon.” Ug kung inyong namatikdan, ang matag iglesia, hinay-hinay kining nagakangitngit, nagakangitngit, og nagakangitngit, hangtud nga midangat sa Tiatira. Dayon, midangat kini sa kinse ka gatus ka tuig. Pagkahuman migawas Siya paingon sa pikas nga bahin, “Ug aduna ka’y diyutay na lang nga kahayag. Ipadilaab kanang nahibilin kanimo, kay basin pagatangtangan ang imong tangkawan.” Ug hangtud sa kapanahonan sa iglesiang Filadelfia, ug dayon hangtud na sa kapanahonan sa iglesiang Laodicea.

¹⁸⁴ Karon, ania ang matahum. Oh, my! Gusto ko gayud kini, Igsoong Smith. Kita n’yo, tan-awa n’yo kini. Karon, *kini* nga kapanahonan sa iglesia, samtang magapadayon kita . . . Karon matikdi n’yo kini. Ang unang kapanahonan sa iglesia mao man ang Efeso, ang kapanahonan sa iglesiang Efeso. Bueno, ang matag usa niana nga mga kapanahonan sa iglesia, hangtud nga midangat sa nianang kinse ka gatus ka tuig, kung inyong mamatikdan . . . Basaha n’yo kini pag makauli na kamo karong gabhiona, kung aduna pa kamo’y oras, o kaha ugmang sayo sa buntag, sa dili pa kamo moanhi sa simbahan, basaha n’yo ang ika-1, ika-2, ug ika-3 nga kapitulo sa Pinadayag. Inyong masayran, nga sa matag usa sa mga kapanahonan sa iglesia, miingon Siya, “Aduna ka’y diyutay’ng kusog, ug wala nimo gisalikway ang Akong Ngalan,” hangtud nga midangat Siya ngadto sa kinse ka gatus ka tuig sa Tiatira, ang Mangitngit nga Kapanahonan. Dayon migawas na pud Siya paingon sa pikas nga bahin, ug miingon:

. . . aduna ikaw og ngalan nga imong gikinabuhi, *apan*
patay *ikaw*.

¹⁸⁵ Ug ania, wala ni usa sa niining ubang mga kapanahonan, kana man o ang kapanahonan sa iglesiang Filadelfia, ang nakabaton niana nga Ngalan pag-usab. Wala na nakabaton niana nga Ngalan, tungod kay migawas na man kana niadtong higayona. Karon, oh, mahimo mismo natong ipahayag karon ang mahitungod sa ilang mini nga mga pagpanudlo, dinha mismo, og ipakita kaninyo nga ang inahan kana, ang iglesiang Katoliko, ang inahan sa tanan niana, kung unsa nga siya’y “inahan, tinago, og Babilonia.” Ug ania, tan-awa n’yo, kini nga kapanahonan sa iglesia sa diha nga mitungha kini,

aduna pa kini'y diyutay'ng kahayag, dayon hinay-hinay kining nagakangitngit, og nagakangitngit pa, ug pagkahuman nahimo kining usa ka organisasyon kaniadtong, kinse ka gatus ka tuig. Ug nahimo na kini, dili ingon nga Iglesia ni Ginoong Jesus Cristo, kondili ingon nga iglesiang Katoliko mismo. Nahimong unsa man si Luther kaniadto? Ingon nga usa na ka iglesiang Lutheran. Nahimong unsa man ang Baptist? Ingon nga usa na ka iglesiang Baptist. Dili na sumala sa Iyang Ngalan, dili sa Iyang Ngalan; kondili lahi na nga ngalan, "aduna ikaw og ngalan." "Kay wala na'y laing ngalan sa silong sa Langit nga pinaagi niini kamo mamaluwas, sa Ngalan lamang ni Jesus Cristo." "Aduna ikaw og ngalan nga imong gikinabuhi, apan patay ikaw," mao kana ang denominasyon.

¹⁸⁶ "Oh, Presbyterian ako," apan patay ikaw! "Oh, Baptist ako," apan patay ka gihapon! Buhi ka lang kung buhi ka diha kang Cristo Jesus. Husto kana. Ang inyong mini nga mga pagbautismo, sa tubig, mini nga pagbautismo; sama sa pagwisik-wisik, pagbubo, imbis nga pagtuslob; gamit ang "Amahan, Anak, ug Espiritu Santo," imbis nga Ngalan ni Ginoong Jesus Cristo. Ang tanan na nianang mini nga mga butang nga nagapadayon sa gihapon, nga ginaingon sa Biblia, sama sa pagbubo kutob sa ilang mahimo. Ug ania kita nga ginapasagdan lang sila nianang, "Bueno, *ingon-niini* man gud ang pagtoo sa akong iglesia bahin Niini." Apan ingon *Niini* man ang ginasulti sa Biblia. Kita n'yo? Wala ma'y mga ingon-ana. Wala gyu'y ingon-anang butang.

¹⁸⁷ Ug wala usab sa kon asa man diha sa Biblia nga ginapagawas nila ang ilang dila aron sa pagdawat sa balaang Eukarista, ug nagainom ang pari og vino ug ginatawag kana nga Espiritu Santo. Wala gyud sukad-sukad diha sa Biblia nga nakiglamano sila ug ginatunol ang tuong kamot sa pagpakig-fellowship, ug tawgon kana nga Espiritu Santo. Wala usab sukad-sukad nga dunay si bisan kinsa nga mitungha ug miingon, "Karon usa na ako ka magtotoo," ug dayon nadawat ang Espiritu Santo. Kung mao man gani, nan ang Mga Buhat 2 mabasa unta nga ingon niini, "Ug sa pag-abot na sa Adlaw sa Pentecostes, diha sa dalan may miabot nga usa ka Romanong pari, ug nakapilo ang iyang kuwelyo. Miduol siya, og miingon, 'Kamong tanan karon ipagawas n'yo ang inyong dila ug dawata n'yo ang balaang Eukarista, ang unang komunyong.'" Ingon ba niana ang pagkabasa sa Mga Buhat 2?

¹⁸⁸ Bueno, kamong mga Protestante ingon niana usab ka sayup. Moanha sila ug moingon, "Bueno moduol kami kaninyo nga mga Methodist; dayon pandongan nila sila og tuong kamot, o, itunol ang ilang tuong kamot sa pagpakig-fellowship, ug unom ka bulan nila sila obserbahan kung puede na silang dawaton." Asa man ninyo mabasa kana diha sa Mga Buhat 2? Kita n'yo? Asa man ninyo makaplagan kana? Kita n'yo?

¹⁸⁹ Ang gikaingon Niini, “Sa dihang atua na silang tanan sa usa ka dapit, nga nagakahiusa!” Wala gyu’y mitungha nga obispo ug gibuhat ang *ingon-ini*, ug wala pu’y mitungha nga pari ug gibuhat ang *ingon-ini*. “Kondili may miabot nga dahunog gikan sa Langit sama sa usa ka nagahaguros nga makusog nga hangin, ug gipuno Niini ang tibuok balay diin didto sila nanaglingkod.” Sa ingon nianang paagi nga nadawat nila Kini kaniadto, oo, sir, ingon nga usa ka nagahaguros nga makusog nga hangin nga nagagikan sa Himaya. Dili nga gikan sa dalan o sa kung unsa man nga denominasyon.

. . . aduna ikaw og *ngalan nga imong gikinabuhi, apan patay ikaw.*

¹⁹⁰ Kita n’yo na, ang inyo mang mga kredo ug mga denominasyon ang nagbabag og nag-abog sa Dios, hangtud nga, “Nagatoo kami og *ingon-ini*, ug nagatoo kami nga milabay na ang mga adlaw sa mga milagro.” Usa gyud ka mini nga propeta ang mosulti og ingon-ana. Usa ka mini nga propeta ang mosulti kaninyo, nga, “Makiglamano lang kamo ug madawat n’yo na ang Espiritu Santo.” Usa ka mini nga propeta ang moingon kaninyo, “Madawat na ninyo ang Espiritu Santo sa dihang motoo kamo.” Usa ka mini nga propeta ang moingon kaninyo, “Kinahanglan n’yong mabuboan o mawisik-wisikan og dili nga pagabautismohan.” Mini sab nga propeta ang moingon kaninyo nga “magpabautismo kamo sa ngalan sa Amahan, Anak, ug Espiritu Santo,” tungod wala ma’y Kasulatan bahin niana diha sa Biblia. Husto kana. Wala ni usa ka Kasulatan sa Biblia nga nagaingon nga magpabautismo kamo sa ingon-anang paagi, o dunay si kinsa man nga nabautismohan sa ingon-anang paagi, kondili sa Ngalan lamang ni Jesus Cristo. Gawas, sa mga tinunan ni Juan; og gikinahanglan nila nga moduol kaniadto, para mabautismohan pag-usab, sa Ngalan ni Ginoong Jesus Cristo, aron madawat ang Espiritu Santo. Husto kana. Bueno, dili kana doktrina sa Jesus Only. Nasayod ako sa doktrina sa Jesus Only. Dili man pud ingon niana. Kini mismo ang Doktrina sa Biblia. Tinuod kana.

¹⁹¹ Ug mao na kana. Pero unsa ma’y inyong ginabuhat niana? Tungod man gud kana sa inyong inahan. Ang inahan sa mga kredo.

¹⁹² Karon, baliki n’yo ang Biblia ug isulti kanako kon aduna ba’y si bisan kinsa nga giwisik-wisikan kaniadto. Methodist, Presbyterian, Katoliko, isulti n’yo kanako kon diin adunay usa ka tawo nga giwisik-wisikan, diha sa Biblia. Isulti n’yo kanako kon diin dunay usa ka tawo nga gibuboan sukad-sukad, diha sa Biblia, alang sa kapasayloan sa sala. Isulti n’yo kana. Duna ba kamo’y makaplagnan nga ingon-niana? Kung aduna man, nan anhi mo kanako, ug molakaw-lakaw ako dinha sa kalsada nga dunay karatula sa akong likod, nga nagaingon, “Usa ako ka mini nga propeta! Sayup ako.” O kaha, pangita

mo og usa ka bahin diha sa tibuok Biblia kon diin adunay gikabautismohan sa ngalan sa Amahan, Anak, ug Espiritu Santo, nga otsenta porsyento kaninyo ang gikabautismohan sa ingon-anang pamaagi. Pangitai ko ninyo og usa ka Kasulatan kon diin dunay si kinsa man nga gikabautismohan sa ingon niana nga pamaagi, ug magbutang ako og karatula sa akong likod, “mini nga propeta,” ug maglakaw-lakaw ko sa dalan nga dala-dala kana nga nakaingon *niini*. Ug ipakita n’yo kanako kon diin may si bisan kinsa nga gikabautismohan na, diha sa bag-ong Iglesia, nga dili na kinahanglan magpabautismo pag-usab, sa . . . dili nga sa ngalan ni “Jesus” lamang, kondili sa Ngalan gayud sa atong Ginoong Jesus Cristo. Tinuod kana. Hibaloa n’yo kung dili ba kana mao’y husto.

¹⁹³ Ug, ania, unsa man kini? Siya mao ang inahan sa mga bigaon. Unsa ma’y nagpahimo kaniyang usa ka bigaon? Unsa man ang nagpahimo kaniya nga mamahimong dautan nga babaye? Ang iyang doktrina! Unsa man usab ang nagpahimo kanila nga mamahimong bigaon? Ang doktrina gihapon sa inahan!

¹⁹⁴ Ug mao kana’y hinungdan kon nganong wala kita nagauyon sa ilang mga denominasyon ug sa ilang dogma. Kondili nagapabilin kita nga putli sa niining Biblia. Wala ko masayod kung unsa ka maayo ang inyong pagkinabuhi Niini, apan gikatudlo na Kini kaninyo, bisan pa man. Oo. Anaa na kana kaninyo. Dili ko mahimong ipakinabuhi Kini kaninyo. Mahimo ko lang kamong sultihan sa kung unsay Kamatuoran. Mao kana’y hinungdan kon nganong dili kita usa ka denominasyon. Mao nga dili ko—dili ko gayud gusto nga mahugawan ang atong mga kaugalingon tungod sa pagpakighilambigit sa ingon-anang butang, og pagpailalum sa kung unsa nga matang sa kredo. Mas pilion ko pa gihapon ang dalanon kauban sa pipila ka mga tinamay nga iya sa Ginoo. Mas gustohon ko pa nga magpabiling limpyo ug putli sa atubangan sa Pulong ug sa Dios, ug mobarug dinha ug moingon, “Walay dugo sa tawo nganhi sa akong bisti.” Mao kana kon nganong nagapabilin kita sa Branham Tabernacle. Mao kana kon nganong dili kita Assemblies. Mao kana kon nganong dili kita Oneness. Mao kana kon nganong dili kita Jesus Only. Mao kana kon nganong dili kita Methodist. Mao kana kon nganong dili kita Baptist. Kondili gamay—gamay ra kita nga tabernakulo dinhi. Wala gayud kita’y unsa man nga denominasyon. Gawasnon kita, diha kang Cristo. Mao kana kon nganong nagapabilin gyud kita sa kung unsa kita. Ug gipanalanginan kita sa Dios, ginatabangan usab kita sa Dios.

¹⁹⁵ Karon, sultihan namo kamo kon nganong nagapahigayon kami og komunyong, sultihan namo kamo kon nganong nagapahigayon kami og paghugas-sa-mga-tiil, kon nganong dili namo ginatugotan ang mga miyembro nga mosalmot niini kung hingsayran namo nga sila’y anaa pa sa kasal-anan. Mao kana’y hinungdan kon nganong, sa niadtong ulahing duha o

tulo ka semana, nagaduaw ako sa usa ka miyembro ngadto sa usa pa, tungod sa inyong mga ginagmay'ng panagbingkil, usab. Sa akong paglibot, dunay usa nga dili makig-istorya ngadto sa usa pa, ug pag magtagbo sila diha sa dalan ginalingiw ra nila ang ilang ulo. Makauulaw kamo, nga nagaambit sa mapanalanginong kopa sa Dios dinhi, niining altar, ug nagapatawag kamo nga mga igsoong lalaki ug mga igsoong babaye, ug pagkahuman diay magtawganay sa telepono ug manglibak sa usa'g usa. Dili kamo angaya'ng tawgon nga mga Cristohanon kon ingon niana pa kamo. Tinuod. Ayaw na kamo pagtawganay sa telepono; kung wala man kamo'y maikasulti nga maayo mahitungod sa usa ka tawo, nan ayaw na lang kamo pag-inistoryahanay. Hinumdumi, nga papanubagon gyud kamo sa Dios. Basta anaa pa gani kanimo ang ingon-ana nga matang sa espiritu, nan nasayod ka na nga dili ka pa husto diha sa Dios. Kung wala pa nimo batia . . .

¹⁹⁶ Kung saypan ang maong tawo, adtoi siya ug magpasig-uli kamo. Kung dili gihapon kamo mahipasig-uli, nan pag-uban og usa pa ka tawo. Dili ikatingala kon nganong dili mapanton sa Dios ang Iyang Iglesia, tungod kay wala man ninyo kini ginabuhat sa husto. Nagtawganay man hinoon mo sa telepono ug naghigotananay bahin sa usa ka tawo, sa kung unsay nahitabo, ug nagpundok-pundok pa ug unsa na lang, nga sama niana. Imbis nga buhaton n'yo ang ingon-niana, nganong dili n'yo man buhaton ang ginaingon sa Biblia? Kung may usa ka igsoon nga mahiligas ngadto sa kalapasan, adtoi n'yo siya ug tan-awa kung mahipasig-uli ba ninyo siya. "Bueno, aba, ingon-ani man gud ang gibuhat niya kanako!" Dili ko igsapayan kung unsa ma'y iyang nabuhat, basta adtoi n'yo gihapon siya! Wala baya gikaingon nga siya ang moadto kaninyo. Kondili kamo ang moadto kaniya kung siya ang saypan. Moingon mo, "Bueno, siya man ang saypan. Siya unta ang angay'ng moanhi kanako." Dili ingon niana ang gisulti sa Biblia. Ang gisulti sa Biblia nga kamo ang moadto kaniya. Kung siya man ang saypan, adtoi n'yo gihapon siya.

¹⁹⁷ Ug dayon kung dili siya maminaw kanimo, nan pag-uban og usa pa ka tawo, ingon nga saksi.

¹⁹⁸ Ug kung ayaw sab niyang magpakigkita nianang saksi, nan ingna, "Bueno ubanon ko na lang ang imong pastor." Dayon sultih siya, sa pag-ingon, "Itug-an ko kini sa iglesia, ug sulod sa traynta ka adlaw gikan karon, kung kamo igsoon wala pa gihapon nahipasig-uli. . . Nga unta ania na man kining maong igsoon nga andam nang mopasig-uli. Pero nagadumili ka man. Ug kung dili ka gani magpasig-uli sulod sa traynta ka adlaw, nan unsa ma'y mahitabo? Dili ka na usa kanamo."

¹⁹⁹ Ang Biblia miingon, "Kung dili siya magpatalinghug sa iglesia, nan isipa siya nga usa ka pagano ug maniningil sa buhis." Nakita n'yo, hangtud nga napailalum kanang maong igsoon

sa proteksyon sa iglesia, ang Dugo ni Cristo nagapanalipod usab kaniya. Mao kana’y hinungdan kon nganong dili nato mapalambo ang iglesia sa kung unsa unta kini. Karon, ania, *Kini* mao ang Doktrina sa Bap- . . . sa iglesiang Baptist, o dinhi sa Branham Tabernacle, kung tumanon lang unta ninyo kini. Kita n’yo, nganong dili . . .

²⁰⁰ Dinhi usab, ingnon ta, pananglitan, may duha ka lalaki, ingnon ta nga si Leo ug ako. Kinahanglan ba nga ako . . . Ug moingon ko, “Bueno, siya—siya man ang nakabuhat og sayup kanako.” Wala kana’y diperensiya. Kinahanglan ko gihapon siyang adtoan. Bueno, tungod miyembro man siya niini nga iglesia. Siya’y—nahimo siya nga Cristohanon. Nagaambit siya og komunyon dinhi uban kanako. Ug nabautismohan pud kami sa Ngalan ni Ginoong Jesus. Nagkinabuhi kami nga matarung, ingon nga managsoon, sa usa’g usa, dayon aduna lang og nahitabo.

²⁰¹ Dili man gud kini tungod sa maong tawo. Nubenta porsyento ka higayon nga ang yawa kana nga anaa na sa tunga sa mga tawo. Dili kini tungod sa mga tawo. Ang yawa kini mismo. Ug samtang ginatugotan mo ang yawa nga buhaton kana, ginasakit mo usab ang imong igsoon. Husto kana.

²⁰² Bueno, kon aduna ma’y problema tali namo ni Leo; nan amo kanang sulbaron. Ug kung makita pud ninyo nga aduna diay problema, nan katungdanan n’yo nga duolon kami, ug moingon, “Kamong duha duol mo ngari ug maghiusa. Sulbaron nato kining maong problema.” Bueno, dayon, kung moduol man siya, ug dinha mahibaloan, dayon, nga ingon-ana kami. Moingon ko, “Bueno, ang unang butang, kung dili man kami—kami magkauyonay, nan dalhon kini atubangan sa iglesia nga ingon niana.”

²⁰³ Ug bueno hangtud nga—hangtud nga wala kamo’y unsa man nga ginabuhat bahin niana, og bisan pa, nga ang Dugo ni Jesus Cristo ang nagapanalipod kanamong duha. Kita n’yo? Apan kanang—kanang daan nga kanser maghinungdan na man sab kana og usa pa ka kanser, ug kana usab nga kanser maghinungdan na pud og usa pa ka kanser, ug hangtud nga magmasakiton na ang tibuok lawas, ang tibuok, tibuok iglesia. Dayon moabot kamo sa punto nga pag mosimba kamo, ug ingon na gyud kamo ka bugnaw, nga kinahanglanon n’yo pa ang dyanitor para mao’y modugmok sa mga nanggahi na kaayo nga yelo, adisir makasulod ang kongregasyon. Karon, nasayod kamo nga tinuod kana. Ug grabe na ang pagkabugnaw! Ngani pag adunay molingkod dinha, kabalo mo, ug wala lang gani kamo’y unsa man nga isulti. “Bueno, kita’y mga espirituhanon man unta kaniadto.” Apan, unsa ma’y nahitabo? Maayo pa man unta kaniadto, pero unsa na ma’y nahitabo? Kita n’yo, ang inyong sala man gud ang nagapabulag-bulag kaninyo. Ug mao nga

papanubagon gyud kamo sa Dios tungod niana, mga igsoon. Karon ihusto ko kining butanga.

²⁰⁴ Wala kanako ang problema, wala sab kang Leo ang problema; kondili ang yawa kini nga nagpataliwala kanamo. Husto kana. Mao nga ihusto n'yo kana. Adtoi ang maong igsoong lalaki. Dayon kung dili man siya maminaw, o ako ba kaha ang dili maminaw, o kung si kinsa man, nan isulti n'yo kana ngadto sa iglesia. Kung dili man siya moadto aron magpasig-uli sa iglesia sulod sa traynta ka adlaw, nan dili na siya mapailalum sa proteksyon ni Jesus. Ipahigawas na nato siya. Eksakto gayud. Dayon matikdi n'yo kung unsay mahitabo. Pasagdi n'yo nga ang Dios na ang maoy magpanton pagkahuman niana. Ayaw na mo pagpanginlabot. Gibuhat na man ninyo ang labing maayo nga mahimo n'yo. Ug itugyan ninyo siya sa Dios sa makadiyut; itugyan usab siya sa Dios ngadto sa yawa. Makaamgo na dayon siya. Kay kung dili, hamubo ra man ang iyang kinabuhi.

²⁰⁵ Mahinumduman n'yo ba diha sa Biblia, kaniadtong dunay usa ka igsoon nga dili gustong maihusto sa Dios? Pila man kaninyo ang nakahinumdum? Gipuyo-puyo niya ang babayeng nagsagup kaniya, ug dili gyud nila maihusto siya. Ang ingon ni Pablo, "Itugyan siya ngadto sa yawa, para sa paglaglag." Pero mahibaloan ninyo, diha sa Ikaduhang Mga Taga-Corinto, nga naihusto ra siya.

²⁰⁶ Aduna sab ko'y igsoon, nga usa ka buutang higala, og gusto kong isulti ang iyang ngalan dinhi, usa siya ka igsoong magwawali. Ug kini nga igsoong magwawali, ang iyang ngalan mao si Igsoong Rasmussen. Daghan kaninyo nga mga ministro nga ania dinhi, karong gabhiona, ang iyang ngalan namantala man diha sa inyong mga mantalaan. Sa inter-denominational sa Chicago. Ug tan-awa n'yo. Aduna siya'y anak nga lalaki nga ministro pud, ug mibiya kini ug nakaminyo og usa ka babayeng Katoliko, ug hinay-hinay nang nahisalaag nga sama niana. Ug ginabuhat na nila ang *ingon-ini*, *ingon-ana*, ug ang *uban pa*, ug—ug kung unsa na lang; og nagka-problema. Ug giadtoan siya sa iyang amahan, giingnan, "Karon tan-awa, anak, magapasig-uli ka ba?"

Miingon, "Papa . . ."

Gitawag pa niya ang ilang simbahan nga usa kono ka pundok sa mga holy-roller, gilakip ang iyang amahan. Miingon ang amahan, "Karon, tan-awa, imo na bang ihusto kini nga problema dinhi sa iglesia?"

²⁰⁷ Miingon siya, "Bueno, papa, amahan ta ka, ug dili ko gusto nga magkaproblema kanimo." Bueno.

²⁰⁸ Miadto ang amahan ug gidala ang usa sa mga diyakono ug miadto sa balay sa iyang anak. Miingon—mingon, "Wesley, gusto kong makig-istorya kanimo." Miingon, "Thusto mo ba sa iglesia kini nga problema?" Ug hamubo ra nga tubag ang

ginatubag sa maong anak ngadto sa iyang amahan. Miingon, “Hinumdumi, Wesley, ako baya ang pastor nianang iglesia. Amahan ko nimo, pero buhaton ko gayud kung unsay ginaingon sa Dios nga pagabuhaton. Hatagan ko ikaw og traynta ka adlaw para maihusto mo kini sa iglesia, kay kung dili isalikway ka na namo gikan sa Presensiya sa Dios. Kaugalingong anak ko ikaw; pero Siya man ang akong Manluluwas.” Miingon, “Gihigugma ta ka. Ug nasayod ka nga gihigugma ta ka, Wesley. Ngani andam ko nga mamatay alang kanimo karon mismo. Apan gikinahanglan nimo nga maitul-id sa Pulong sa Dios. Kita mo?” Miingon pa, “Ako mao ang pastor. Ako ang magbalantay sa panon. Bisan pa kung anak ta ka, o si kinsa man, kinahanglan mo gyud nga mosubay sa Pulong sa Dios. Kung dili mo kini buhaton, nan dili ako angayan nga mamahimong Iyang magbalantay.”

²⁰⁹ Grabe, ingon niana ang tinuod nga pastor. Ingon niana ang tinuod nga lalaki. Dili ba? Ingon niana ang tinuod nga lalaki. Gisulti niya mismo kadto sa iyang anak. “Ug bisan pa kono kung masakitan man ang iyang anak,” ingon niya. Apan miingon, “Unsa? Si kinsa ba diay ang mas masakitan niini, ang tawo, o ang imong Manluluwas? Busa,” ingon niya, “milakaw na kami.” Ug miingon, “Nagdumili gyud siya. Ug mao nga among... gisultihan ko na ang iglesia.”

²¹⁰ Miingon ang magwawali, “Ang kaugalingon kong anak, nga si Wesley, nagdumili siya nga maminaw kanako, bahin niini nga butang. Nagdumili pud siya nga maminaw sa diyakono. Ug saksi ka niini, Igsoong *Ingon niini-ug-Ingon niana?*”

“Oo, saksi ako.”

“Sige. Sa alas otso, sa sunod Dominggo, upat ka semana gikan karon, kung dili gyud niya kana ihusto dinhi sa iglesia, nan ato nang itugyan si Wesley, ang akong anak, ngadto sa yawa, para sa paglaglag sa unod. Ang Iyang Dugo, ang Dugo ni... ni Jesus Cristo, ug kini nga iglesia, dili na magapanalipod kaniya.”

²¹¹ Ug miabot kadtong gabhiona. Mitindog sa pulpito ang magwawali, og miingon, “Duna na lang siya’y duha pa ka minuto.” Sa pag-abot na gyud sa maong takna. Miingon siya, “Karon, tungod nga ang akong anak, nga si Wesley Rasmussen... gisulti ko na dinhi niini nga kongregasyon, Kanimo usab, Dios nga Makagagahum-sa-tanan: Gibuhat na namo ang tanan nga mahimo namo, sumala sa Imong mga Pulong ug mga sugo nga gikabilin kanamo, sa Imong—Imong Anak, nga among Manluluwas. Amo na karon, ug uban kanako kining iglesia, igatugyan ko na ang akong anak, para sa pag-... ngadto sa yawa, para sa paglaglag sa iyang unod, aron ang iyang kalag mamaluwas.” Mao lang kana ang gisulti. Wala pa’y unsa man nga nahitabo, sulod sa usa o duha ka semana, o tingali’g usa o duha ka bulan.

212 Usa niana ka gabii, nagsakit na ang luoy'ng si Wesley. Ug sa dihang nagsakit na siya, padayon nga naggrabe ang iyang gibati. Mitawag na siya og doktor. Miabot ang doktor ug gi-eksamin siya. Ang iyang hilanat usa na ka gatus ug lima ang katas-on. Wala gani siya kahibalo kung unsa gyu'y hinungdan niadto. Basta padayon ra nga naggrabe ang iyang gibati. Ang ingon sa doktor, "Dong, wala gyud ko kabalo kung unsay nahitabo kanimo." Wala pud siya kabalo kung unsay buhaton. Miingon, "Magtawag ta og espesyalista." Nagtawag sila og espesyalista, ug miadto didto ang espesyalista. Gidala na nila siya sa ospital, gipa-eksamin siya, og tanan nang uban pa. Ug miingon, "Dili ko gayud masulti kaninyo. Ang maong lalaki mora—mora na gyud siya og himalatyon." Atua didto ang iyang asawa, nga nagahilak na, o mora'g ingon niana. Ug atua sab ang iyang mga anak nga nanag-alirong sa higdaanan ug sa tibuok palibot nga nakaingon niana. Miingon ang doktor, "Motaliwan na siya. Kana lang." Ingon pa, "Ang iyang pulso ug pagginghawa, padayon ra man gud nga nagakunhod."

213 Miingon siya, "Tawagi n'yo si papa." Oh, oo. Mao kana ang angay'ng buhaton. Mao gyud. "Tawagi n'yo si papa." Ug dali-dali pud nga miadto ang iyang amahan didto sa ospital, sa ingon ka paspas gayud, aron lang makita pa siya. Ingon siya, "Papa, dili na nako makaya, apan patalinghugan man siguro sa Dios ang akong isulti. Ako nang ihusto ang tanan. Ihusto ko na kini. Oo, ihusto ko na." Oo, sir, igsoon. Dihadiha mismo ang iyang pagginghawa hinay-hinay gyud nga mibalik sa normal.

214 Ug pagkasunod Dominggo, mitindog na siya atubangan sa iglesia. Ingon siya, "Nakasala ako atubangan sa Dios, og sa atubangan niini nga iglesia. Nagdumili ako sa pagpaminaw sa mga gisulti sa pastor. Ako—nagdumili pud ako sa pagpaminaw sa diyakono dinhi." Ug miingon, "Mao nga nagahangyo ako niining iglesia nga pasayloon n'yo ako sa kasal-anan nga akong nabuhat nga sama niadto." Ingon pa, "Gilugwayan pa sa Dios ang akong kinabuhi." Sultihan ko kamo, misubay gayud siya. Oo. Mao sab kana ang angay n'yong buhaton, kita n'yo. Kita n'yo? Kamo, kung buhaton lang ninyo unta kini sumala sa paagi sa Dios! Kita n'yo?

215 Karon, kita n'yo na, pero ang atong ginabuhay, nagapahigayon hinoon kita og pakigpulong sa hunta, ug moingon kita, "Bueno, karon, ipapabilin pa ba nato si..." wala ko ginaingon nga ingon niana dinhi sa tabernakulo, apan ang buut kong ipasabot nga kita nga mga Protestante. Nagapahigayon kita og pakigpulong sa hunta, ug, "Unsa ma'y tan-aw n'yo kang Jones? Unsa ma'y hunahuna n'yo nga angay natong buhaton kaniya? Sa hunahuna ko mamahimo man siyang mas maayo nga miyembro sa Methodist kaysa dinhi sa ato." Ingon niana. Pero, sayup kana. Mao kana'y hinungdan kon nganong wala kita nagasunod sa ilang mga tradisyon. Ug may

si kinsa nga obispo, nga kinahanglan pa natong ipatawag (o ingon niana...unsa gani, tawag n'yo kaniya? sa lalaki nga lider sa distrito sa iglesiang Pentecostal? “pang-distrito nga presbiterio”)—ug ipatawag pa siya aron ikonsulta kaniya ang gawi sa maong tawo.

²¹⁶ Ginaingon na man sa Biblia kung unsay angay natong buhaton. Mao kana’y hinungdan kon nganong wala kita nagaawat-awat niining mga denominasyon. Nagapabilin gihapon kita nga gawasnon gikan niana nga butang. Amen. Wala man kaha mo nangasuko kanako, di ba? Ayaw baya kamo og kasuko. Bueno. Makadawat gyud tingali ako og ubay-ubay nga mga pangutana ugma sa gabii. Apan, okey ra man, hinoon. Kita n'yo? Timan-i n'yo. Hibaloa. . .

²¹⁷ Isulti ko kini karon. Kamong mga ania dinhi nga gikan pa sa nagkalainlaing mga iglesiang denominasyon, sa inyong denominasyon, ug, igsoon, wala ako nagaingon nga dili kamo Cristohanon. Wala ko nagaingon nga sa inyong denominasyon walay liboan ka hiligugmaon nga mga Cristohanon dinha. Kondili ang ginapaningkamotan kong isulti ang hinungdan kon nganong dili kami usa ka denominasyon. Tungod kay, dili ko gayud mapahanugotan kana. Dili, sir. Dili gayud. Ginapaninguhaan man gud nilang sultihan ka sa kung unsay angay mong buhaton. Kung tinawag man ko sa Dios para iwali ang Maayong Balita, nan igawali ko Kini sumala gayud sa gisulti sa Dios kanako sa pagbuhat niini. Sa ingon ka eksakto gayud, kung unsa ang pagkasulat niini dinhi sa Biblia. Kon wala pud kini nahisubay Dinhi, kung ingon niana. . . pagahukman ako sa Dios tungod niana. Apan kung ako—kung ako—kung makita ko ang lobo nga nagaabot, o ang kaaway nga nagaabot, ug napakyas akong pasidan-an sila, nan tulubagon ko usab kana sa Dios. Apan kung gipasidan-an ko na kamo, nan inyo na kanang tulubagon. Kita n'yo?

²¹⁸ Timan-i n'yo, “Dinha sa kaulahiing mga adlaw, sa malisud nga mga panahon nga moabot, ang mga tawo unya magahigugmaon sa ilang kaugalingon, mga tigpagawal, hambogiro, tampalasan.” Kita n'yo, mga tampalasan, “Oh, pundok ra man kana sila sa mga bugok. Milabay na man ang mga adlaw sa mga milagro. Wala na’y ingon-anang butang.” Siya’y usa ka mini nga propeta. “Karon, nasayod kami nga ang among mga kababayan-an aduna pud og igong kahibalo sama ra sa among mga kalalaken-an.” Bisan gamay wala gyud ko nagapakiqlantugi niana, apan giingon mismo sa Biblia sa Dios nga ipahilayo ang babaye diha sa pulpito. Kana’y—kana’y igo na para kanako, kita n'yo. Husto kana. Bueno. Kita n'yo?

Ug miingon pa, “Bueno, karon, sa among mga denominasyon, aduna man kami’y ingon ka daghan nga buutang nga miyembro sama ra dinha sa inyong tabernakulo.” Bisan gamay wala gyud ko’y masulti niana, apan ginakondena man

sa Biblia ang mga denominasyon. Husto kana. Ug, busa, wala ko nagaingon nga wala kamo'y buutan nga mga miyembro diha sa inyong simbahan. Maanindot kana. Sila'y buutan baya nga mga tawo. Ngani ang pipila sa pinakabuutan nga mga tawo, nahimamat ko sila diha nianang tanan, sa mga Katoliko ug sa tanan na. Diha sa tanan kanila, nakahimamat ako og buutan nga mga miyembro.

²¹⁹ Bueno, igapahayag nato kini karon sa usa ka paagi, mga higala, kon itugot sa Ginoo, sa mosunod nga mga pagtuon, tingali. . . ipahibalo ko ra kaninyo ugma sa buntag kon kinahanglan ba natong ipadayon ugma sa hapon o dili na lang, kita n'yo, aron maipahayag kini. Ang hinungdan kon nganong ginapaningkamotan natong buhaton kini, gusto ko man gud karon nga modangat sa usa ka punto. Bueno, kung aduna kamo'y gustong ubanon, bug-os gyud kamong ginaabi-abi nga buhaton kana. Apan hinumdumi sab ninyo ha, ayaw—ayaw basta na lang mohawa ug maninguha nga makakita og sayup. Panambong kamo. . . Ginasulti ko lang kini sa akong—akong kongregasyon mismo, nakita n'yo. Wala man ko nagatudlo niini nga gawas sa akong kongregasyon dinhi, tungod kay buluhaton na man kana sa ubang ministro. Ingon nga, siya mao man ang magbalantay sa iyang panon. Ug—ug igo lang ko nga. . . [Blangko nga bahin sa teyp—Ed.]

²²⁰ Balik mismo sa Genesis, kon inyong subayon dinha, ug makita ninyo kon diin kana. Karon mobalik kita sa Genesis, aron hibaloon kon nganong ang usa ka ilehitimo nga bata dili puedeng makasulod sa kongregasyon sa Ginoo sulod sa napulo'g-upat ka kaliwatan. Kung unsa ang kinahanglan. . . Modangat pa og upat ka gatus ka tuig aron nga mawagtang ang maong sala. Atong hibaloon kon daw sa unsa nga ang—ang dili—pagkamatarung sa mga ginikanan pagaduawon pa nganha sa mga anak ug sa mga anak niini, kung unsay hinungdan usab nga nagsugod kana sa Genesis, ug uban pa.

²²¹ Ug kamo. . . dayon inyong masayran nga, gikan pa sa sinugdanan, ang Dios, sa wala pa ang pagkatukod sa kalibutan, sa wala pa'y mitungha nga usa ka atom, kaniadtong wala pa'y mitungha nga usa ka bulalakaw nga kahayag, hingsayran na sa Dios ang matag linalang ug ang tanan-tanan nga maanaa ibabaw sa yuta. Aduna ba dinhi. . . Dili n'yo gani mahimong isaysay ang maong pulong, ug mahataga'g katinawan, ug masulti kung unsay buut ipasabot sa pulong nga “walay-kinutoban”. Sama ra kana nga itutok n'yo ang inyong kamera ngadto—ngadto sa pagkawalay-kinutoban. Ingon lang gyud niana, kaniadto pa, ingon-ana lang. Kita n'yo? Walay-kinutoban! Ug dili gyud nato mahimo, pinaagi sa atong limitadong hunahuna, nga masabtan kung unsa ang mahunahuna sa walay-kinutoban nga Hunahuna. Kita n'yo, dili gyud nato kana mahimo. Kamo, dili pud ninyo kana mahimo.

Kita n'yo? Apan kung inyo lamang matikdan, og magpabilin lang diha sa Espiritu, inyo kanang mabati bisan didto sa halayo. Ug—ug baliki n'yo dinhi sa Kasulatan ug makita ninyo mismo, kita n'yo, bisan sa wala pa kaniadto napahimutang ang pundasyon sa kalibutan.

²²² Bueno, ang Biblia miingon nga si Jesus Cristo mao ang Cordero sa Dios. Karon paminaw mo og ayo, aron, kung duna ma'y pipila kaninyo nga dili na makaanhi ugma, para makapatalinghug mo sa pagtapos niini. Miingon ang Biblia nga si Jesus Cristo ang Cordero sa Dios, nga gipatay sukad pa sa pagkatukod sa kalibutan. Husto ba kana? Kanus-a ba Siya gipatay? Sukad pa sa pagkatukod. Ang kalibutan, naglangkob og pundok sa mga nabulag-bulag na nga atom, nga gikan sa adlaw, pero kaniadto pa kining wala pa kana. Kaniadtong, wala pa'y usa ka atom nga unang mitungha gikan sa adlaw, kung usa man kini ka meteor nga gikan sa adlaw, nga usa ka gatus ka bilyon og trilyon trilyon pa ka mga tuig kaniadtong wala pa'y ni usa ka bulalakaw nga kahayag, gipatay na si Cristo. Mao nga pag ang gamhanang hunahuna sa Dios maghunahuna og usa ka butang, nan usa kana ka tapos na nga buhat. Kaniadtong miingon ang Dios, “Magkaaduna,” tapos na kadto. Bisan modangat pa kini og usa ka gatus ka bilyon ka tuig adisir ang pagtungha, nan tapos na kana sa kaniadto pa mismong pagsulti Niya niana. “Ug sa dihang gipatay na ang Cordero sa wala pa ang pagkatukod sa kalibutan,” ang mao ra nga Biblia, ang mao ra mismo nga Espiritu ang nagsulat ug nagsulti nga, “Ang atong mga ngalan nahisulat na diha sa Basahon sa Kinabuhi nga iya sa Cordero sa wala pa ang pagkatukod sa kalibutan.”

²²³ Busa ang maong tawo nga misulat sa awit nga, “There’s A New Name Written Down In Glory,” maayo man ang iyang katuyoan, apan wala gyud siya sa Kasulatan. Kita n'yo? Tungod nahisulat na man kana nga ngalan diha sa Himaya kaniadtong ang kalibutan...kaniadtong wala pa gani magsugod ang kalibutan. Sa dihang gipatay ang Cordero, ang atong mga ngalan nahisulat na sa Basahon sa Kinabuhi nga iya sa Cordero.

²²⁴ Tugoti—tugoti lang ko ninyong hatagan kamo og usa pa ka hamubo nga Kasulatan. Mahimo bang magpabilin sa kamo sa makadiyut lang? Misantop man gud kini sa akong hunahuna karon. Nagtoo ko nga makapakli dayon ko niini. Dili lang ko sigurado. Ug bueno pasayloa ko ninyo nga napalangan ko kamo og ayo, apan gisulti ko na man kaninyo nga mahimong modangat kini hangtud sa tungang-gabii; pero dili man gyud ingon niana ka langan. Ug ako—gusto ko lang nga—nga basahon kining, usa ka Kasulatan bahin niana.

Pagpakli kamo uban kanako sa Basahon sa Mga Taga-Roma, ug gusto kong basahon n'yo kini uban kanako. Karon, atong tanawon, ang Mga Taga-Roma, kung makita ko kini, dinhi mismo. Karon atong ablihan sa Mga Taga-Roma 8, ug—ug sugdan nato sa

ika-28 nga bersekulo sa ika-8 nga kapitulo sa Mga Taga-Roma. Ug gusto ko nga basahon n'yo kini nga may pag-ampo uban kanako karon. Paminawa n'yo dinhi karon kung unsa ang gisulti mismo sa Dios.

Ug hingbaloan nato nga ang tanan nga mga butang masigtabang alang sa ikaayo niadtong mga nahigugma sa Dios, bisan niadtong mga . . . tinawag sumala sa iyang katuyoan.

Kay kadtong mga giila niyang daan, . . .

²²⁵ Nagahatag kana kaninyo . . . Mahimo bang basahon n'yo kini uban kanako? “Kay kadtong . . .”

Kay kadtong mga giila niyang daan, gipili usab niyang daan (bueno) aron mahisama sa dagway sa iyang Anak, aron siya mahimong panganay sa daghan nga mga igsoon.

Ug ang iyang mga gipili nang daan, kini sila gitawag usab niya: ug ang mga gitawag niya, kini sila gimatarung usab niya: ug sila nga iyang gimatarung, kini sila gihimaya usab niya.

²²⁶ Sukad pa sa pagkatukod sa kalibutan! Sa dihang midungaw ang Dios . . . Bueno, wala man ginadumala sa Dios ang Iyang opisina, og moingon, “Bueno, karon, Akong paga . . . Oh, unsa kaha'y atong buhaton karon?” Kita n'yo? Walay bisan unsa . . .

²²⁷ Hinumdumi n'yo, nga ang pagkadili-matarung, ang sala, mao'y pagkamatarung nga gituis lang. Ang yawa dili man makalalang. Ang matag usa, ang tanan, nakasabot ba niana? Usa kana ka Doktrina dinhi niini nga iglesia. Ang yawa dili gyud makalalang. Mahimo ra niyang tuison kung unsay gilalang sa Dios. Karon, unsa ba ang pagpangtuis? Ania, kamong tanan siguro mga hamtong na man, halos. Paminawa n'yo kini. Mga minyo na man 'ta. Ug kamong mga minyo na nga mga kababayen-an ug kamong mga minyo na nga mga kababayen-an magkauban na kamong nagapuyo ingon nga bana ug asawa, ug ang mga kababayen-an mao sa gihapon nga daw sa wala sila sukad . . . Sila'y mga putli, basta nagapabilin lang kamo sa inyong bana. Husto kana. Bueno, legal kana ug uyon sa balaod, ug mao kana ang husto. Kana'y gikatagana-nang-daan sa Dios nga mamaingon niana. Pero mahimo usab sa ubang babaye ang sama sa ginabuhat sa imong asawa; kon buhaton mo kini sa imo rang asawa, nan matarung ikaw sa atubangan sa Dios; ug kung buhaton mo ang mao ra nga buhat pero ngadto sa ubang babaye, nan pagahukman ka sa silot sa kamatayon, sa atubangan sa Dios. Unsa man kana? Pagkamatarung nga gituis lang, kita n'yo, pagkamatarung nga gituis. Karon, tungod ang yawa dili man makalalang, mao nga ginatuis lang niya ang kung unsay gilalang na sa Dios.

228 Unsa man ang bakak? Mao ang kamatuoran nga gituis lang. Adunay moingon, “Oh, niadtong, Sabado sa gabii, sa alas nuebe, oo, atua baya sa Jeffersonville si Bill Branham,” tinuod. “Atua siya sa Antz’s saloon, nga hubog,” kana’y bakak. Unsa man gyud diay? Atua ako sa Jeffersonville. Tinuod kana. Pagkamatarung kadto nga gituis lang aron mahimong bakak. Nasabtan n’yo ba ang buut kong ipasabot? Kita n’yo, ginatuis sa bakak kung unsa ang tinuod. Butang kini mahitungod sa kung asa gyud ako. Karon, kung ang giingon, “Atua siya sa simbahan, nga nagawali,” tinuod. Mao kana ang pagkamatarung. Kamatuoran ang iyang gisulti. “Pero ang atua sa balay-immnanan, nagahuboghugog,” bakak kana. Tinuis; kita n’yo, kamatuoran nga gituis lang. Nasabtan n’yo ba ang buut kong ipasabot? Ang tanang pagkadili-matarung mao’y pagkamatarung nga gituis lang.

229 Ang kamatayon, unsa man kana? Ang kinabuhi, nga gituis. Ang balatian? Mao’y maayong panglawas, nga gituis. Himsog man gyud unta ka, og malig-on. Oo. Kay kung masakiton ka, unsa man kana? Ang imong maayong panglawas kana nga gituis. Kita n’yo? Mao lang kana. Unsa man usab kana? Kaniadto kamo’y mga batan-on pa, maanyag nga mga kababayan-an; ug mahimsog, ambongan nga mga kalalaken-an. Karon kamo’y nagapangunot na, og nagakatigulang na. Unsa man kana? Ang kinabuhi, nga gituis, kita n’yo, pero mahibalik ra pag-usab. Kita n’yo? Ug siguradong mahibalik ra gayud kana. Bulahan ang Ngalan sa Ginoo! Nagsaad man ang Dios nga ipahibalik kana. Ug sa ingon ka sigurado kini—kini (nasayod kita nga ania kini), busa ingon ka sigurado usab, nga ipahibalik kini mismo sa Dios. Nagsaad man Siya ug nanumpa nga pagabuhaton Niya kana. Mao kana ang mamahitabo.

230 Karon, unsaon, kinahanglan kita mamahimong unsa man nga matang sa mga tawo? Karon matikdi n’yo kung sa unsang paagi mamahitabo kining mga butanga. Bueno, kadtong Iyang mga giila nang daan, Iyang gitawag; kadtong Iyang mga gitawag, Iyang gimatarung sila. Kanus-a man? Sa wala pa ang pagkatukod sa kalibutan, sa wala pa magsugod ang kalibutan. Karon, kung hisgotan nato kini nga Kasulatan ug pamatud-an gayud kini, magkinahanglan kita og daghang mga oras mahitungod niini, pero atong—dili na nato buhaton kana. Apan kining tanan nga pagkadili-matarung dinhi, mao’y pagkamatarung nga gituis lang aron mamahimong pagkadili-matarung. Ingon niana ang ginabuhat sa yawa.

Karon, pagmoabot ka na sa edad sa pagkaadunay-tulubagon, ug nasayod ka na kung unsa ang dautan ug matarung, nan kinahanglan nga talikdan mo na ang imong kasaypanan. Tungod kay, natawo man ka sa sala, giuamol diha sa kadautan, mianhi sa kalibutan nga nagapanulti’g bakak. Ug kamo’y—kamo’y natawo tungod sa pangibog sa pakighilawas, ug mao nga

gikinahanglan n'yo nga matawo pag-usab, aron nga madawat ang usa ka bag-ong Pagkahimugso, para makasulod sa Langit. Tungod kay, kini nga matang sa pagkahimugso ninyo dinhi . . .

²³¹ Kita n'yo na kon unsa ang pagkasayup kaayo sa Jehovah Witness, tungod sa ilang pagdahum nga ang bag-ong Pagkahimugso mao kono ang pagkabanhaw sa lawas? Nakita n'yo, dili kana ingon niana. Kita n'yo? Kinahanglan nga aduna gayu'y butang . . .

²³² Kamo, anaa pa kamo sa gidugayon sa panahon. Ug ang bugtong butang nga Eternal mao lamang kanang walay sinugdanan ni walay katapusan. Basta gani Eternal wala gayu'y sinugdanan, ni magkaaduna man og katapusan. Kita n'yo? Busa kung kabahin ka sa Dios, kanang Espiritu nga anaa kanimo wala gayu'y sinugdanan ni magkaaduna man og katapusan, ug nahimo kang Eternal tungod sa Espiritu nga anaa kanimo. Kita n'yo? Sama sa—sa—sa gugmang *Agapao*, nga mikanaug paingon sa gugmang *phileo*, ug dayon mipaingon sa gugmang may kailibgon. Kini'y padayon ra nga nagakanaug ug nagakanaug, samtang padayon nga ginatuis hangtud nga nahimo na mismo nga usa ka katipun-ugan sa kahugawan. Bueno, ang bugtong paagi, mikanaug si Jesus sa mao gihapon nga hagdanan, sa pagkanaug dinhi aron kuhaon ug ibalik kita pag-usab ngadto sa pinakataas nga kahintang, gikan sa pinakaubos nga kahintang; gikan sa kamatayon ngadto sa Kinabuhi, gikan sa balatian ngadto sa maayong panglawas, gikan sa pagkadili-matarung ngadto sa pagkamatarung. Kita n'yo? Siya'y nahimong gikan sa Pinakataas ngadto sa pinakaubos, aron nga Iyang madala ang pinakaubos ngadto sa Pinakataas. Siya'y nahimong ako aron nga ako, pinaagi sa Iyang grasya, mahimong Siya, nga usa ka manunonod sa Trono sa Kahimayaan. Nasabtan n'yo ba ang buut kong ipasabot? Sa maong mga butang.

Karon matikdi. Kaniadtong wala pa magsugod kining kalibutana diha sa mga atom kaniadto, sa dihang nakita sa Dios kung unsa ang mamahitabo, nakita na Niya kamo kaniadto, nakita na Niya ako, nakita na Niya ang matag pulgas, ang matag langaw, ang matag baki, ang matag tagnok. Ang tanan-tanan nga maanaa sa yuta, nakita na Niya kaniadto pa. Oo, nakita na Niya.

²³³ Bueno, wala Siya miingon, “Igapadala Ko ang Akong Anak ug itugot ra nga mamatay Siya, ug basin diay og adunay malooy Kaniya. Ug mamahimo kanang usa ka makaluluoy gayud nga kahintang, nga tingali'g adunay tawo nga mamaluwas tungod niana.”

²³⁴ Hingsayran na man Niyang daan kung kinsa ang maluwas! Oo, sir. Siya miingon, “Gidumtan Ko si Esau, ug gihigugma Ko si Jacob,” sa wala pa man nagkaaduna og higayon bisan ang usa kanila aron pamatud-an kung unsa gayud sila, tungod kay

hingsayran na man Niya kung unsa sila. Hingsayran na Niya. Hingsayran na Niya ang tanan-tanan. Hingsayran na sab Niya kung unsa ang imong pagabuhaton, bisan sa wala ka pa natawo, o sa wala pa magsugod ang kalibutan.

²³⁵ Karon tan-awa. Sumala sa inyong nasayran, ako—ako—ako mahilig og mga pusil. Ako—ganahan man gud ko og mga riple. Ug dunay usa ka babaye nga taga Texas, nagatoo ko nga taga Texas siya, nga mipalit para kanako og usa ka Swift, usa ka dos-baynte nga ripleng Swift. Dugay ko nang gusto nga makaangkon og ingon-niadto. Gusto kong masulayan kadto. Tungod kadto man gud ang pinakakusog nga pusil para sa pagpangayam. Baynte-dos ang kadak-on sa bala niadto, og kuwarenta'y-otso ang kabug-aton sa bala. Ug puede ra kono nimo kadtong ikarga. Pero, ang ingon sa pabrika, “Ayaw kana buhata; tungod delikado kaayo.” Apan puede man konong ikarga kadto nga bala og magkaadunay kakusgon nga lima ka libo ka piye kada segundo, ug magpabilin gihapon sa puwesto niini. Lima ka libo ka piye kada segundo, kana'y usa na ka milya kada segundo. Sa laing pagkasulti, pag dunay usa ka banog nga nagatugdon, nga duha ka gatus ka yarda ang kalay-on. Kon imong pusilon ang maong banog, makita na nimo ang mga balhibo nga manglupad sa dili pa nimo mabati ang pagsikad sa pusil. Kita n'yo? Ingon niana, pero paggamiton mo kanang, lapad nga bahin sa igpangiki, ug imong ituslob sa pulbora, ug magbubo pa og *ingon-ana* ka daghan dinha, nga igo lang pud nga mopilit sa igpangiki; ug kon imong pusilon ang usa ka groundhog nga anaa sa kinatumyan niining bilding dinhi, magpabilin ra kana dinha ug motutok kanimo. Unsa man diay ang nahitabo? Nabungkag man gud ang bala, tungod sa kapasas, ha-. . . Ug bisan pa magbutang ka og panapton tali dinhi ug dinha, ug wala gayud ka'y makita bisan diyutay nga dugmok nga nahulog diha sa panapton. Tungod nagabalik man dayon kana; dili lang ngadto—ngadto sa pagka-abo, abo sa bulkan, kondili mas labaw pa niana. Nagabalik kana ngadto sa gigikanan nga mga acid nga mao'y nagahimo sa tumbaga ug tingga nga anaa dinha nianang bala. Nagabalik kana ngadto sa kung unsa kana kaniadto usa ka gatus ka bilyon ka tuig ang milabay. Karon, pananglitan aniay usa ka gamay'ng bala, kuwarenta'y-otso ang kabug-aton niini nga akong ginagunitan, ug pagkasunod segundo lang nagabalik kini sa kung unsa kini kaniadto usa ka gatus ka milyon ka tuig ang milabay. Ug kung molungtad man ang kalibutan og usa pa ka gatus ka milyon ka tuig, puede kining mobalik na usab sa porma niini nga usa ka bala, puedeng mobalik mismo, tungod kay moporma man kini ngadto sa pagka-tumbaga pag-usab.

²³⁶ Karon tan-awa n'yo ang gibuhad sa Dios, ug tungod niana higugmaon gyud ninyo Siya. Dayon manguli kamo, ug ugma sa buntag bisan medyo ulahi na kamong matulog. Ug—ug inyong—higugmaon gayud ninyo Siya nga labi pa kaysa kaniadto. Bueno,

ang Dios usa pud ka Kontraktor. Pila man ang nasayod niana? Usa Siya ka Magtutukod. Oo. Paminaw mo og ayo. Bueno, ang Dios kaniadto, o sa ginaingon nila. . . Karon hisgotan nato ang ideya sa mga kronolohista mahitungod niini. Ang Dios, usa ka gatus ka bilyon ka tuig na ang milabay, kaniadtong pagalalangon na Niya ang kalibutan, bueno, mao man kana'y Iyang gisugdan. Bueno, aduna na Siya. . . aduna na Siya'y ideya sa Iyang hunahuna.

²³⁷ Karon moingon kamo, “Kung ingon-ana man Siya ka halangdon, Igsoong Branham, unsa ba’y hinungdan nga Iyang gitugotan ang yawa nga mohimo og sala?” Bueno, hingsayran na man Niya, sa wala pa gilalang ang yawa, nga mamahimo gyud kini nga yawa. Himaya! Karon gibati ko ang pagkarelihiyoso. Oh, my! Hingsayran na Niya, sa wala pa gilalang ang yawa, nga mamahimo kini nga yawa. Karon mangutana kamo, “Unsa man kana?” Moingon mo, “Ngano man nga gitugotan Niya kini nga mamahimong yawa?” Aron mapamatud-an nga Siya mao ang Dios. Mao kana’y hinungdan kon nganong gibuhat Niya kadto. “Nganong aduna ma’y dautan? Ngano?”

²³⁸ Unsa ba ang una, ang Manluluwas o ang makasasala? Unsa man ang una? Ang Manluluwas. Unsa ba ang una, ang Mananambal o ang masakiton nga tawo? Nganong gikatugotan man nga magkaaduna og usa ka makasasala? Tungod kay ang kinaiyahan sa Dios usa man ka Manluluwas. Kung wala pud nagkaaduna og makasasala, nan dili unta Siya maila ingon nga usa ka Manluluwas. Alleluyah! Mahimo Niya ang tanang mga butang nga mamahitabo alang sa Iyang kahimayaan. “Mahimo bang ingnon sa magkokolon ang. . . O, mahimo bang ingnon sa kolon ang magkokolon, ‘Nganong gihimo mo man ako nga ingon niini?’” Si kinsa ba diay ang nagapatuyok sa igtutuyok? Si kinsa ba ang nagahawid sa lapok? Kang kinsa mang kamot ang nagahawid niana? Miingon si Pablo, “Oh, buangbuang nga tawo, dili ba miingon Siya nga Iyang gipatindog si Faraon alang niana mismo nga katuoyan?” Mao gayud. Hingsayran na Niya kana. Sa wala pa man magkaaduna og kalibutan, hingsayran na Niya kung unsay mamahitabo. Ug gitugot Niya nga magkaaduna og sala, aron mamahimo Siya nga Manluluwas. Gitugot Niya nga magkaaduna og balatian, aron mamahimo Siya nga Mananambal. Gitugot sab Niya nga magkaaduna og pagdumot, aron mamahimo Siya nga Gugma. Oo, gikatugot gyud Niya. Dios Siya, ug mao kana ang Iyang mga kinaiyahan. Ug kinahanglan pud nga aduna Siya’y ingon-anang butang aron mapasundayag ang Iyang mga kinaiyahan.

²³⁹ Unsaon man ninyo pagkahibalo nga adunay gabii, unsaon man ninyo pagkahibalo nga dunay ingon niana? Kung puro lang kasanag sa adlaw, nan unsaon man ninyo pagkahibalo nga aduna diay gabii? Adunay gabii, aron nga mapamatud-an ang kasanag

sa adlaw. Oo, mao kana. Amen. Nakita n'yo na kung unsay Iyang ginabuhat?

²⁴⁰ Pero atua na man Siya kaniadto, sa wala pa ang pagkatukod sa kalibutan, sa wala pa Niya gikuha kining adlaw ug Iyang gipahimutang kini dinhi dapit sa bitoon nga atong ginapuy-ang karon, kining kalibutan, ug Iya kining giporma dapit sa may adlaw, ug gipatuyok Niya kini palibot sa adlaw. Ingnon ta, *ania* ang adlaw. Iya kining giporma dinhi *niining* dapita, ug gipahimutang kini dinha sulod sa usa ka gatus ka bilyon ka tuig. Unsa ma'y Iyang ginabuhat? Mga gas. Misibog na sab Siya dinhi *niini* nga bahin, ug aduna Siya'y usa na usab ka gibuhat. Unsa ma'y Iyang gibuhat dinha? Mga potash. Misibog na sab Siya dinhi *niini* nga direksyon, ug unsa na man pud ang Iyang gibuhat dinha? Nagbuhat og mga calcium. Unsa kaha ang Iyang gibuhat? Gibuhat Niya kamo ug ako. Unsa ma'y Iyang gibuhat kaniadto? Sama ra sa kontraktor nga ginahan-ay ang tanan niining mga dos-por-kuwatro ug mga dos-por-otso nga tabla, ang pang-pligo, ang pang-dingding, og nasayod mismo ang kontraktor kung pila ba ka bilding ang iyang pagatukoron. Ug gani gigama kita gikan sa dise-sais ka elemento nga anaa sa yuta, ug gilalang Niya kitang tanan, ug gipahimutang na kita dinha sa wala pa magkaaduna og kalibutan kaniadto. Ug Iyang... Tingali'g oblong pa ang porma niadtong panahona; wala lang ko kabalo kung unsa gyud. Para sa unsa ba nga naglalang Siya og bulawan, ug tumbaga, ug bronse, ug tubig, ug tanan nianang mga butanga? Usa man gud Siya ka Kontraktor. Iya tingaling... Ang Magtutukod, ginahan-ay Niya ang tanan-tanan dinha, ginatabas ang tanan-tanan ug ginaporma na. Sa dihang nahimo na Niya ang tanan, usa pa lamang kadto ka dakung pagbuto sa bulkan. Gipasagdan Niya nga magbukal-bukal ang mga bulkan sulod sa usa ka gatus ka milyon ka tuig, para sa paghimo og mga calcium. Unsa man kana? Parte kana kaninyo.

²⁴¹ Ug kaniadto, sa wala pa nagkaaduna og bisan usa ka tipik sa kinabuhi dinhi ibabaw sa yuta, napahimutang na man ang atong mga lawas dinhi. Alleluyah! Sa wala pa nagkaaduna og usa ka tinulo sa yamog ibabaw sa yuta, napahimutang na kita dinhi. Sa dihang nagalakaw-lakaw na si Adan didto sa tanaman sa Eden, napahimutang na ako dinhi. Amen. Oo, sir. Oh, himaya! Sa dihang nagakadungan pag-awit ang mga Kerubin, og ang mga bitoon sa kabuntagon, ug ang mga anak sa Dios nagkaduyog sa pagsinggit sa kalipay, napahimutang na ako dinhi nga nagahulat na lang nga mahuypan og gininhawa sa kinabuhi. Ania na ako dinhi kaniadto pa. Gilalang na Niya ako dinhi, og gipahimutang na ang akong lawas dinhi. Oo, sir. Kung dili man, nan asa diay kini naggikan? Huh? Giunsa ba pag-abot niini dinhi? Gipahimutang na kini sa Dios dinhi. Ang Dios mismo ang naglalang niini. Ngani gigama kita gikan sa dise-sais

ka elemento: petrolyo, potash, ug cosmic light, ug uban pa. Kita n'yo, napahimutang na kita dinhi kaniadto.

²⁴² Dayon unsa ma'y nahitabo? Ug miingon ang Dios ngadto sa Espiritu Santo, ihulagway lang nato kini sa simbolo nga paagi, "Karon umadto Ka, ug magpakigkarinyo Ka sa kalibutan. Tungod kay, Ako man ang gugma, ug produkto Ka gikan Kanako, busa karon umadto Ka ug magpakigkarinyo sa kalibutan." Ug ang dakung Espiritu Santo, kon atong hunahunaon, miadto didto; usa lamang kini ka paghulagway ha. Dili man gyud ingon niana. Tungod kay, ang Espiritu Santo ug ang Dios mao ra mismo ang katuyoan, mao ra mismo ang katuyoan, Persona diay. Pasayloa ko. Ug ingnon ta nga gibukhad Niya ang Iyang mga pako palibot sa kalibutan, og misugod Siya sa paglumlom. Unsa man ang paglumlom? Sama ra sa himongaan ngadto sa mga piso niini, nga nagatawag, nagapahayag og gugma ngadto niini, "Klak, klak, klak." Oh!

²⁴³ "Oh kinabuhi, gumula ka!" Misinggit Siya. Mitan-aw Siya sa palibot. "Gusto Ko og katahum dinhi ibabaw sa yuta. Gumula ka, kahayag!" Ang Espiritu Santo kana nga nagapamuhat. Ug sa pagpamuhat Niya, nakita ko; nga may nagatungha, dunay sa kung unsa nga nagadagayday dinha sa bungtod, dunay nagadagayday nga calcium, ug nagakasagol kini ngadto sa potash. Unsa ma'y ginapahayag niana? "Kinabuhi, gumula ka!" Ug may migitib nga udlot sa gamay'ng bulak sa Pasko sa Pagkabanhaw gikan sa ilalum sa bato. "Umari Ka, Amahan, tan-awa kini."

²⁴⁴ "Maayo kana. Padayon lang sa paglumlom." Milulum Siya hangtud nga mitubo ang mga bulak. Gipatungha Niya ang tanang mga tanum. Gipatungha sab Niya ang kinabuhi sa mga mananap. Nanglupad ang mga langgam gikan sa abog. Wala magdugay, mitungha ang tawong lalaki ug ang tawong babaye; unang mitungha ang tawong lalaki, ug ang maong tawong lalaki parehong lalaki ug babaye. Dili ingon nga bayot, ha. Basta, diha sa maong tawong lalaki, aduna lang og pangbabaye nga espiritu.

²⁴⁵ Pag may makita kang lalaki nga medyo bayoton, tingali'g okey ra siya, ug normal ra ang pamarug, apan aduna gyu'y butang nga sayup. Ug may makita pud kang babaye, nga gustong magpapatol sa iyang buhok ug gustong magsul-ob og usa ka pares nga overall, ug mogawas dinha, ug moingon, "Bulahan ang Dios, ginasulti ko kaninyo!" Nan aduna gyu'y butang nga sayup. Anaa man gud sa babaye ang pangbabaye nga espiritu, ug sa lalaki sab ang panglalaki. Nasayod kita niana. Ug nasayod man kamo niana. Husto ba sa usa ka babaye, nga maninguhang manglihok nga sama sa lalaki?

²⁴⁶ Aba, misakay ako usa niadto ka higayon, nahimo man ako kaniadto nga tigbantay sa mga pagpangayam dinhi, ug misakay ako og bus ug sa nakasakay na ko ug gitapik ko ang usa ka

babaye, diha sa iyang bitiis, samtang nakig-istorya ko kaniya, ug wala gyud ko kabalo nga babaye diay kadto. Nakasul-ob man gud siya og pang-welder nga kalo, ug dagku nga pares sa antipara nga ingon *niana*, ug atua ako naglingkod sa may luyo, ug aduna siya’y ginasulti mahitungod sa usa ka butang nga nahitabo. Ingon siya, “Abi nimo,” ug ingon siya, “kagabii,” bagison gayud siya kon tan-awon, og nagapanigarilyo pa gyud. Ingon siya, “Kagabii, sultihan ta ka, nadigyas kadtong lalaki, sa ibabaw niadtong maong butang. Miingon gud ang lalaki, ‘Hala!’ Nadigyas gyud siya hangtud didto.” Miingon, “Wala pa gayud ako nakatawa og ayo ug kadto pa lang sa tibuok kong kinabuhi.”

²⁴⁷ Ug mikatawa sab ko, kabalo mo, nga nakaingon *niana*. Ingon ko, “Aba, kuyawa ba, diay?” Naglingkod siya didto samtang nakig-istorya nga nakaingon *niana*. Ug kung wala niya huboa kadtong kalo ug milingo-lingo, ug makita man hinoon tungod sa kabagaon sa iyang buhok, nga usa gyud diay siya ka babaye. Wala pa ko sukad mibati og grabeng pagkaubos ug kadto pa lang gyud sa tibuok kong kinabuhi. Ako—miingon gud ko, “Babaye diay ka?”

Ingon siya, “Aba, oo!”

²⁴⁸ Ingon ko, “Pasayloa ko.” Wala pa man gud ko nakakita sukad og ingon niadto. Bueno, kana, tinuod kana.

²⁴⁹ Niadtong miaging adlaw nakakita ako og usa ka karatula, nga daw sa nalipay ako tungod niadto. Usa kadto ka dakung karatula, ang ingon, “Ang mga babaye andam nang magsul-ob og sinina.” Sa hunahuna ko, “Dalaygon ang Dios tungod *niana*.” Kita n’yo? Apan, hingsayran ko, nga usa diay kadto ka matang sa sinina nga human na nilang gihimo, kabalo mo. Ako—abi gyud nako og managsul-ob na sila og bistida. Nagdahum gyud ko. Ang ingon man gud, “Ang mga babaye andam nang magsul-ob og mga sinina.” Ingon ko, “Dalaygon ang Dios tungod *niana*. Maayo kana. Kana, ginapasalamat ko gayud ang Ginoo tungod *niana*.” Apan, kita n’yo, usa man diay kadto ka matang sa mga hinimo na nga sinina, nga isul-ob na lang. Pero katawanan ra, dili ba, dinhi niini nga nasud? Mao gyud.

²⁵⁰ Dayon mitungha si Adan kaniadto. Ug tungod nga mora’g nagmasulob-on man si Adan, mao nga mikuha ang Dios og usa ka gusok gikan sa kilid ni Adan ug gilalang si Eva, nga usa ka binuhat gikan sa orihinal para kang Adan. Iyang gilalang. . . Gikuha sa Dios ang pangbabaye nga espiritu gikan kang Adan, ug gibutang kadto diha sa babaye, ang espiritu nga mahiligugmaon, pangbabaye, maugdang, og maaghop. Ug gibilin sa Dios ang panglalaki nga espiritu diha kang Adan. Karon, kung adunay unsa mang butang nga lahi, nan aduna gyu’y pagpangtuis sa kon asa man. Bueno, ug usa ra silang duha kaniadto.

251 Ug maghimo lang usa kita og usa ka hamubong drama sa dili pa kita magtapos. Ania nagaabot. . . Ania, si Adan nga ginagunitan si Eva diha sa kamot ug naglakaw-lakaw sila didto. Ganahan gayud ko niini nga sugilanon. Ug naglakaw-lakaw sila didto, kabalo mo. Ug miingon si Eva, “Oh, palangga, ang buut mo bang ipasabot nga naghatag na ka og mga ngalan?”

“Oo, ginganlan ko na kana.”

“Apan unsa ma’y imong gingalan niana?”

“Ginganlan kana og kabayo. Uh-huh.”

“Unsa man sab kana?”

“Mao kana ang baka. Uh-huh.”

“Ikaw gyud ang naghatag og ngalan niana?”

“Oo. Uh-huh.”

252 “Unsa ma’y imong gingalan, nianang duha dinha nga nagatugdon nga managduol ang mga ulo nila?”

“Mao kana ang mga lovebird.”

253 “Oh, mao ba. Diay.” Ug nagpadayon sila. “Ug unsa man sab kining ania dinhi?”

“Ginganlan ko kana og, *ingon-niana*, ug ingon-niini kining ania dinhi.”

254 Ug, “Oh, mao ba. Uh-huh. Pagkatahum niana.” Ug dunay mingulob nga leon. “Unsa man pud ang imong gingalan niana?”

“Mao kana ang leon.”

“Unsa man sab *kini*?”

“Tigre kana.”

255 Ug, oh, mora’g. . . “Oh, mao ba diay.” Sama ra sa mga iring, kabalo na mo, nga nagamiyaw.

256 Ug, pagkataudtaud, mitan-aw si Eva sa palibot. Ingon siya, “Palangga, tan-awa kana, pasalop na ang adlaw. Oras na para mosimba.”

Abi ninyo, aduna gayu’y butang sa dihang nagasalop na ang adlaw, aduna ka’y tinguha nga mosimba. Kung dili man ka makaadto sa simbahan inig ka gabii, gusto gihapon nimo nga mosulod lang sa usa ka lawak, og magbasa sa Biblia. Pila man ang ganahan nga buhaton ang ingon niana, nga makapag-inusara mismo? Kita n’yo? Anaa na gyud sa kinasuloran sa tawo para buhaton kana. Kinahanglan n’yong buhaton kana.

“Oras na para mosimba.”

257 Bueno, wala sila miingon, “Karon, kadali lang ha, ania, miyembro man si Jones sa Assemblies, ug miyembro baya kita sa. . .” Dili, dili ingon niana kaniadto, ug nagpadayon lang sila. Wala sila’y simbahan kaniadto, o maanindot man nga

lingkoranan para malingkoran nga sama niana. Nangadto lang sila ilalum sa dakung kakahoyan nga katedral, ug nanagluhod.

258 Ug atua didto ang lingin nga Kahayag nga nagapaibabaw sa kasagbotan. Kita n'yo? Madungog ko ang usa ka Tingog nga nagasulti ug ang ingon, “Nalipay ba ang Akong mga anak sa ibabaw sa yuta, karong adlaw, nga gikahatag kaninyo sa Ginoo nga inyong Dios?”

259 “Oo, Ginoo, nalipay gayud kami karong adlaw.” “Dili ba, palangga?”

260 “Oo. Oo, palangga, nalipay gyud bitaw 'ta.” “Ginoo, ginapasalamatan Ka gayud namo. Karon mohigda na ako para matulog.” Kita n'yo? Ug gituyhod sa lalaki ang daku niyang bukton, ug miunlan ang babaye, sa bukton sa lalaki, ug gipahigda pud sa lalaki ang tigre ug ang leon, ug ang tanan para mangatulog na; ingon gayud ka malinawon.

261 Dayon minaug na ang Dios ug giuban Niya, oh, ang usa ka panon sa mga Anghel, si Gabriel, og ang Iyang mga linalang sa Langit. Ug nanganaug sila ug nanagkinto sila samtang hinay-hinay nga misulod didto sa lawak-higdaanan, kita n'yo, og nagtan-aw tan-aw sa palibot. Miingon si Gabriel, “Umari Ka, Amahan. Duol ngari. Tan-awa dinhi. Ania siya. Ania, ania dinhi nangatulog ang Imong mga anak.”

262 Pila man kaninyo dinhi ang nagaadto sa kiliran sa higdaanan, kamong mga inahan, ikaw ug uban usab ang amahan, ug ginatan-aw n'yo ang gamay n'yong anak nga lalaki, ang gamay n'yong anak nga babaye, ug mosulti pa gani mo sa usa'g usa, “Dili ba—dili ba kanawong nimo siya, sa *ingon-ini* nga bahin ug sa *ingon-ana* nga bahin?” Nabuhat na ba ninyo kana? Aba, ako sa makadaghan nang higayon nga nagaadto ko ug mosulti kang Meda, mahitungod kang Joseph. Moingon siya, “Bill, ang iyang agtang bitaw laparon sab sama sa imoha.”

263 “Oo. Apan, Meda, ang dakuon niyang mga mata pareho man sa imoha.” Ngano man? Tungod kabahin man siya sa among bung- . . . Bunga siya sa among—sa among pagkahiusa.

264 Karon, ug miingon ang Amahan, makasulti usab Siya og bahin niini. Miingon, “Kabalo Ka. . .” Ug miingon si Gabriel, “Kabalo Ka, mora gyud siya og Ikaw.” Ingon niana ang hitsura sa Dios; tan-awa n'yo ang inyong kaugalingon. Ingon niana ang hitsura sa Dios. Mora sab Siya og kamo. Iya man kamong mga anak. Pila ba ang nasayod niana? Kita n'yo?

265 Karon matikdi. Unsa man ang pinakaubos nga porma sa kinabuhi? Ang baki. Unsa man pud ang pinakataas nga porma sa kinabuhi? Ang tawo. Mao gayud. Ug unsa ang pinakataas nga porma? Diretso kini migikan sa pinakaubos, pataas, gikan sa usa ka baki paingon sa *ingon-ini* ug sa *ingon-ana*, ug paingon sa langgam, hangtud sa, uban pa, nga mga mas hataas nga porma sa kinabuhi, og hangtud nga midangat sa pinakataas nga porma

nga mahimo niini, dayon ang paglalang na diha sa dagway sa Dios. Ingon niana. Ug ang babaye wala gilalang diha sa dagway sa Dios, kondili diha sa dagway sa lalaki. Kita n'yo?

Karon, bueno, atua sila. Ug gitan-aw sila sa Dios, nga miingon, "Oo, matahum gayud silang—silang tan-awon."

²⁶⁶ Unsa man kadto, igsoon? Dili gani nila kinahanglan nga mamatay kaniadto. Mao mismo kadto ang pinakaunang hakop sa calcium, ang pinakaunang potash, ug ang tanan nagsugod nga ingon niadto. Dili ba pagkatahum niadto? Apan miabot man ang sala ug mao nga nadaut ang maong hulagway. Karon, ang Dios ba... Para sa unsa ba nga gitugot kadto sa Dios? Nganong gitugot man Niya nga mamaingon niadto sama sa atong gihisgotan kaganina? Gitugot Niya kadto aron Iyang mapamatud-an nga usa Siya ka Manluluwas. Mao nga gitugot Niya kadto. Gitugot Niya nga moabot ang balatian, aron Iyang mapamatud-an nga usa Siya ka Mananambal. Gitugot sab Niya nga magkaaduna og kamatayon, aron mapamatud-an nga Siya ang Kinabuhi. Kita n'yo? Gikatugot Niya nga mamahitabo kining tanang mga dautang butang, aron mapamatud-an nga Siya'y maayo, kung unsa gayud Siya. Atong...

²⁶⁷ Kon hisgotan ang pag-awit mahitungod sa estorya sa katubsanan! Aba, igsoon, pagmoabot si Jesus, magatindog kining—kining Iglesia dinha sa kadaplina niining kalibutan ug magaawit og mga estorya mahitungod sa katubsanan, samtang managduko ra ang mga Anghel, tungod wala man sila'y kasayoran sa kung unsay atong ginahisgotan. Bueno, wala man gud sila sukad nahisalaag. Wala pud sila'y kasayoran sa kung unsay atong mga naagian. Pero kita'y nasayod gayud kung unsa ang masinati nga mahisalaag ug mahikaplagan. Oh, managsinggit gyud kita og mga pagdayeg Kaniya! Dili Siya usa ka Manluluwas para kanila. Tungod wala man sila sukad-sukad nagkinahanglan og unsa man nga pagluwas. Dili sab Siya usa ka Mananambal para kanila. Dili. Himaya! Dili pud Siya—dili Siya Kinabuhi para kanila. Dili gayud. Wala man sila sukad-sukad nahimong mga patay tungod sa sala ug mga kalapasan. Apan kita'y nahimong mga patay kaniadto, ug gibuhi na kita karon. Ingon niana kita. Unsa kaha ang atong isulti, inig tangtang nato sa atong mga purong-purong, "Oh, ikaw si Rev. *Ingon niini-ug-ingon niana*"? Dili, dili, dili, dili, dili. Tungod ang tanang kahimayaan alang ra man Kaniya! Mao kana. Ingon niana. Dayon igasugid usab nato ang estorya kung giunsa nato sa pagdaug. Mas masabtan ra nato kana sa umalabot.

²⁶⁸ Dayon, pagkahuman niadto, unsa na ma'y nahitabo? Miingon ba ang Dios kaniadto, "Bueno, mas maayo pang puohon Ko na lang ang tanan Kong potash ug calcium. Tungod nadaut na man kini"? Wala, wala. Hingsayran na man gud Niya nga mamaingon gyud niadto.

Karon, bueno, kung gilalang ako sa Balaang Espiritu sa kung unsa ako, ug nagakaon ako og pagkaon ug ginabusog ang akong lawas niini, ug nahimong kung unsa na ako karon. Bueno, apan, gihimo man ako diha sa usa ka porma. Ang matag hulagway ko nga nakita sa Dios, sa wala pa ang pagkatukod sa kalibutan, nagkahamtong, nahimong materyal. Kita n'yo? Nagatungha kini pinaagi sa babaye, sumala sa Iyang gisulti nga mamahitabo; sa sunod, magatungha kini nga gikan sa Dios. Nagatungha kini niining panahona, pinaagi sa babaye; magatungha kini nianang panahona, pinaagi sa Lalaki. Kita n'yo? Nagatungha kini sa karong panahon, pinaagi sa pangibog sa pakighilawas; nianang panahona motungha kini pinaagi sa gilitok nga Pulong sa Dios. Kita n'yo?

²⁶⁹ Busa, karon, aduna ba'y bisan unsang butang nga makapadaut kanako? Wala, sir. Walay bisan unsa man nga makapadaut kanato. Ang ingon ni Pablo, "Bisan ang mga butang sa karon, o mga butang nga umalabot, balatian, kamatayon man; walay bisan unsa nga arang makapahimulag kanato gikan sa gugma sa Dios nga anaa kang Cristo." Wala gyud ni usa ka butang nga arang makapahimulag kanato.

²⁷⁰ Sama sa gikaestorya ko na nga hamubong sugilanon. Halos lima na lang ka lugas ang akong buhok og bug-os na akong maupaw, gayud. Ug ginasudlay ko kadtong mga pipila na lang nga buhok ko usa ka higayon kaniadto, miingon ang akong asawa, "Bill, halos naupaw na man ka."

Ingon ko, "Apan wala gyud ko nawad-an ni usa niini."

Ingon siya, "Nan asa na man ang mga niini?"

²⁷¹ Ingon ko, "Asa diay gikan ang mga niini sa wala pa ako nagkaaduna niini?" Kita n'yo? "Atua sa kon asa ang mga niini sa wala pa ko nagkaaduna niini."

Bueno, may usa ka higayon kaniadto, usa ka gatus ka tuig na ang milabay, kini nga mga buhok wala man kini dinhi kaniadto, kondili anaa pa kini dinha sa abog. Husto ba kana? Dayon niadtong mga singkwenta ka tuig na ang milabay, misugod na kining nanubo dinhi sa akong ulo. Asa man kini gikan? Gikan sa abog. Ug karon nagabalik ra kini sa kon asa kini gikan kaniadto. Husto ba kana? Wala kini kaniadto, dayon mitungha ra kini, ug karon wala na sab kini. Unsa ba kini? Si kinsa man ang naglalang kanila sa kung unsa sila? Ang Dios! Siya mismo. Nagpinta Siya og usa ka hulagway, og miingon, "Ingon niini ang Akong gusto para kaniya."

²⁷² "Oh Kamatayon, hain na ang imong ikot? Lubnganan, hain na ang imong pagdaug?" Mahimo mo akong ilubong usa sa niining mga adlaw dinhi. Wala ko nasayod. Apan, igsoon, dili ako patay. Sultihan ko kamo niana. Dili, sir. Oh!

Manganbanhaw kita, (Alleluyah!)
 Mangabanhaw kita!
 Sa nianang buntag sa pagkabanhaw,
 Sa diha nga ang mga trangka sa kamatayon
 mangabungkag na,
 Mangabanhaw kita, (Alleluyah!)
 mangabanhaw kita!

Walay unsa man ang makababag kanako sa pagkabanhaw. Wala gayu'y igong mga yawa sa tibuok impiyerno ang makababag kanako sa pagkabanhaw. Wala gayud usab og bisan unsang butang sa bisan asa man ang makababag kanako sa pagkabanhaw. Nakabaton man ko og saad sa Dios. Aduna sab ko'y Balaang Espiritu. Aduna ako'y Zoe, ang Eternal nga Kinabuhi sa Dios, nga napahimutang na dinhi. Ngani naggikan dinha kining lawas kaniadto, apan gilumluman ako sa Dios para motungha gikan sa yuta. Ug kung Siya Nga naglumlom kanako kaniadto para motungha gikan sa yuta . . .

²⁷³ Sa diha nga medyo hamtong na ako, kaniadto, sa matag higayon nga duna ko'y madungog nga kampana sa simbahan, Adunay nagapakigsulti kanako, niadtong usa pa ako ka gamay'ng batang lalaki. Dunay Manulonda nga nakigsulti gikan sa kasagbotan, miingon, "Ayaw gayud pag-inom og makahubog o pagpanigarilyo. Aduna Ko'y buluhaton nga ipabuhat kanimo. Ayaw paghugawi ang imong lawas, ni magkari-karinyo man sa mga babaye ug mga ingon nianang butang. Ikaw, aduna Ako'y ipabuhat kanimo pagmodaku ka na."

"Si kinsa Ka man? Si kinsa Ka ba?"

²⁷⁴ "Mahibaloan ra nimo ang mahitungod niana sa dili madugay." Wala magdugay, miabot Siya. Nagapaibabaw Siya niadtong dunay pagbautismo. Ginapakita Niya ang Iyang Kaugalingon. Ginapahayag Niya ang Iyang Kaugalingon. Nagatubag Siya. Nakita ko Siya nga atua didto, sa tanang direksyon, sa bisan asa.

²⁷⁵ Unsaon mo man, kung gibuhat Niya ako sa kung unsa man ako, nga wala man lang ako og unsa nga pagpili . . . ? Wala gani ko didto kaniadto ug moingon, "Karon, Charlie Branham, minyoan mo si Ella Harvey ug ihimugso n'yo ako sa kalibutan." Wala, sir. Wala gyud ako'y pagpili bahin niana. Ang Dios mismo ang nagpahitabo niana.

Ug kung gibuhat Niya ako sa kung unsa ako, nga wala ako'y pagpili; unsa pa kaha, kaniadtong gilumluman ako sa Espiritu Santo, ug moingon na lang ko, "Oo, Ginoo, Ikaw ang akong Magbubuhat. Gihigugma ko Ikaw, ug ginadawat ko Ikaw ingon nga akong Manluluwas!" Unsaon man ninyo pagpabilin kanako diha sa abog? Dili kana mahimo, igsoon. Dili gayud mahimo.

²⁷⁶ Wala nagporma ang Dios ni usa ka tipik sa calcium, o potash, o unsa pa man, aron nga—nga usik-usikan lang. "Ang tanan

nga gikahatag Kanako sa Amahan, sa wala pa ang pagkatukod sa kalibutan, magaari Kanako.” Whew! Gibati ko nga daw sa gusto kong mosinggit; sa tinuod lang. “Ang tanan nga gikahatag Kanako sa Amahan magaari Kanako, ug wala ni usa kanila ang malaglag, tungod pagabangonon Ko sila pag-usab diha sa pagkabanhaw.” Madungog ko Siya pagmotawag na Siya, og moduol ako Kaniya. Unsaon man nila sa pagpabilin kanako diha sa abog sa yuta? Wala gayu’y igong mga tiglubong sa kalibutan ang makalubong kanako gamit ang pala, nga makapugong kanako sa pagbangon gikan sa abog sa yuta. Mabanhaw gyud ako sa umaabot nga adlaw ug magatindog diha sa Iyang dagway, nga hinugasan na sa Iyang Dugo, natawo na sa Iyang Espiritu! Alleluyah! Sa inyo na ang tanang denominasyon nga gusto n’yo; pero si Jesus lang ang pilion ko. Amen!

²⁷⁷ Dunay miadto kanako nga ahente sa insurance. Si Wilmer Snyder, nga usa ka buutan kong higala. Ingon siya, “Billy, gusto ko unta nga maghanyag kaniyo og usa ka insurance policy.”

²⁷⁸ Ingon ko, “Aduna na man ko’y ingon-ana.” (Mitan-aw gud ang akong asawa, nga daw sa gusto niyang mosulti, “Nganong namakak ka man, intawon?”)

Miingon, “Aduna na diay ka’y insurance?”

Ingon ko, “Oo, sir.”

Miingon, “Sa unsa man kana nga kumpanya? Unsa man kana?”

²⁷⁹ Ingon ko, “Ang mapanalanginong assurance, nga si Jesus anaa kanako, oh, pagkaanindot nga pasiuna sa Balaanong himaya! Ingon nga manununod sa kaluwasan, nga gibayran na sa Dios, natawo na sa Iyang Espiritu, og hinugasan na sa Iyang Dugo.”

²⁸⁰ Ingon siya, “Maayo kana, Billy, apan dili ka man mapahimutang niana diha sa lubnganan.”

²⁸¹ Ingon ko, “Pero ipahigawas man ako Niini.” Alleluyah! Wala ko ginakabalak-an ang mapahimutang dinha; kondili ang mapahigawas hinoon dinha.

²⁸² Busa, aduna na ako’y insurance nga nagaingon kanako, “Pagabangonon Ko. Ang tanan nga gikahatag Kanako sa Amahan nga mga Akoa na.” Dili ko igsapayan kung unsa ma’y nabuhat sa akong papa, kung unsa ma’y nabuhat sa akong mama, o ang bisan unsang butang kaniadto. “Ang tanan nga gikahatag Kanako sa Amahan magaari Kanako, ug walay tawong makahimo sa pag-ari gawas kon pagadanihon siya sa Akong Amahan.” Alleluyah! Nganong pagadanihon man Niya sila? “Daan Ko nang naila sila sa wala pa ang pagkatukod sa kalibutan. Sa diha nga Akong gipatay kaniadto ang Cordero, gipatay Ko usab siya uban Kaniya.” Amen. “Daan Ko nang gipili ang Iglesia.” Kinsa ba ang gipili nang daan? Ang Iglesia.

Unsaon mo man sa pagpakasulod sa Iglesia? “Pinaagi sa usa ka Espiritu kitang tanan gibautismohan ngadto sa usa ka Lawas.” Hingsayran na Niya, sa wala pa ang pagkatukod sa kalibutan, nga mamaanaa kita dinha. “Ug kadtong Iyang mga giila nang daan, Iyang gitawag. Kadtong Iyang mga gitawag, Iyang gimatarung. Kadtong Iyang mga gimatarung, Iya nang gihimaya.”

²⁸³ Diha sa mga Basahon sa Dios, gisulti na Niya nga Iya akong pagatagboon. Walay igong mga yawa sa impiyerno ang makababag kanila sa bisan asa pa man ni makababag kanila sa pagsulod dinha mismo, tungod kay mao na ma’y giingon sa Dios, ug mao na kana. Kon niadtong usa ka gatus ka bilyon sa tuig sa wala pa ang pagkaporma sa kalibutan, nagakadungan na pag-awit ang mga bitoon sa kabuntagon ug ang mga anak sa Dios nanagsinggit sa kalipay, sa wala pa ang pagkatukod sa kalibutan, kita n’yo, sa wala pa ang pagka- . . . ug ang mga Anghel ug ang tanan-tanan nanagkalipay, nanagsinggit na tungod niadto, sa wala pa ang pagkatukod sa kalibutan, nan unsaon man sa yawa nga mapapabilin ako diha sa abog sa yuta? Dili gayud kana mahimo. Tinuod.

²⁸⁴ Atong tan-awon, karon. Pang-democrat baya kining akong oras, dinhi. Baynte minutos kono para mag-alas onse. Busa may baynte minutos na lang para mag-alas diyes. Husto ba, Igsoong Wood? Husto kana, baynte minutos na lang para mag-alas diyes. Malipayon ba ang tanan?

Oh, I feel like traveling on,
I feel like traveling on;
My Heavenly Home is bright and fair,
And I feel like traveling on.

Oh, I feel like traveling on,
I feel like traveling on;
My Heavenly Home is bright and fair,
And I feel like traveling on.

²⁸⁵ Ganahan ba mo og ingon nianang karaang mga alawiton? Aduna pa gani og usa ka karaang kanta nga atong ginaawit kaniadto, mora’g ingon niini, “Grasya ug kalooy ang nakakaplag kanako. Didto midan-ag ang Bitoon sa Kabuntagon.” Unsa gani kadto, Igsoong Girtie? Tan-awon ta. Unsaon . . . Unsa gani kadto, Igsoong Neville? Kita mo, basta mora’g ingon-ini, “Grasya ug kalooy ang nakakaplag kanako. Didto ang Masiga nga Bitoon sa Kabuntagon nga gipakita ang Iyang . . . ? . . . sa palibot nako.” Uh-huh. Oo. “Diha sa krus.” Hatagi kami og tono niana, igsoon, nianang, *Near The Cross*. Ari ka na, Igsoong Neville. Oh, ganahan gyud ko niini. Pila man ang ganahan nianang karaang dinihogan nga mga alawiton? Sa inyo na kanang awit nga pinalukso-lukso ug ang tanan n’yong boogie-woogie kon gusto n’yo. Pero kini lang ang ihatag kanako, “Ania ang grasya

ug kalooy nga nakakaplag kanako.” Mao kana. Sige, ingon nga may pagkamalulot karon.

Jesus, keep me near the cross,
There a precious fountain,
Free to all, a healing stream,
Flows from Calvary’s mountain.

In the cross, in the cross,
Be my glory ever;
Till my raptured soul shall find
Rest beyond the river.

²⁸⁶ [Si Igsoong Branham nagsugod na sa paglaylay og *Near The Cross*—Ed.] Oh, pagkaanindot! Palandunga n’yo kini! Unsa kaha kung walay Manluluwas? Unsa kaha kung wala nato nabatonan kining Pulong? Unsa kaha kung wala Niya kamo gitawag? Unsa kaha kung wala Niya kamo giila nang daan kaniadto, ug anaa kamo dinha sa gawas kauban ang tanan nang uban pa sa kalibutan karong gabhiona? Gihigugma n’yo ba Siya? Oh, my! Ayaw n’yo kalimti ang mga buluhaton ugma sa buntag, ha, sa alas nuebe-traynta.

In the cross, in the cross,
Be my glory ever;
Till my raptured soul shall find
Rest beyond . . .

²⁸⁷ Karon hatagi na sab kami og tono sa *Room At The Fountain*. Kining maayo og karaang awit, “There’s room at the Fountain.” Pila man ang nakahibalo niini? “Room, room, yes, there is room, room at the Fountain.” Sa inyong pag-awit niini karon, sa mahilumon lang nga paagi itunol n’yo ang inyong mga kamot, sa inyong tapad, ug makiglamano sa maong igsoon. Kabalo mo, aduna ma’y dapit para sa tanang mga Methodist. Adunay dapit para sa mga Baptist. Aduna sab og dapit para sa mga Pentecostal. Aduna gayu’y dapit para kanatong tanan karon, diha sa Tuboran. Pila man ang nakahibalo nianang karaan nga awit? Oh, kabalo gyud diay mo. Ang uban kaninyo nga mga karaan na dinhi, usa gyud kini ka maanindot, nga karaang pang-Kentucky nga alawiton kaniadto.

Room, room . . .

Maglamano hay kamo.

. . . yes, there is room,
There’s room at the Fountain for thee;
Room, room, yes, there is room,
There’s room at the Fountain for thee.

Oh, room, room, there plenty of room,
There’s room at the Fountain for thee;
Oh, room, room, there plenty of room,
There’s room at the Fountain for thee.

288 Bueno, aduna diay ko'y gamay'ng sorpresa para kaninyo. Ang tanang pinakabag-o nga mga sermon, ug mga basahon, ug tanan na, aduna na'y baligya niana diha sa may tumoy sa simbahan, sa sunod semana, sa mga panagtigum; mga teyp ug tanan, tanan na, nga maanindot nga matang sa literatura. Aduna ma'y ibutang nga lamesa dinha sa luyo, diha sa usa sa mga lawak. Ug ang maong literatura, mga pinakabag-ong sermon, ug pipila ka maanindot nga mga orihinal nga sinulat nga bag-ohay pa lang gipatik, nga mga bag-ong libro, og bag-ong porma, igaplastar ra kanang tanan, diha sa—diha sa tumoy sa bilding, karong sunod nga Miyerkules sa gabii.

Ug nagalaum gyud kita og—og maanindot nga higayon diha sa Ginoo. Panambong kamo, para maiampo, usab. Bueno, tawgi n'yo ang inyong masakiton ug mga nagaantus, padalhi n'yo sila og sulat. Dalha n'yo sila dinhi. Ato lamang . . . mamuhat gayud ang Dios sa gamhanang paagi. Ug nasayod kita nga buhaton Niya kana karon.

289 Ug bueno giduaw baya nako ang tanan nakong kaila, nga dunay ginagmay'ng panagbingkil. Kung adunay unsa mang butang nga wala pa gyud nahan-ay karon, hinumdumi n'yo, gisultihan ko na kamo dugay na nga panahon ang milabay, nga kinahanglan natong ihusto kana. Ug nasayod ko nga kahibalo mo nga aduna gyu'y lahi nga espiritu dinhi kay sa kaniadto. Kita n'yo? Kita n'yo? Kita n'yo? Tinuod kana. Karon, ayaw n'yo kana pasagdi. Ginamandoan ko kamo sa atubangan ni Jesus Cristo, ayaw n'yo kana pasagdi. Pagpabilin usa mo dinhi, kita n'yo, og hapsaya gayud ang tanan-tanan ug magpadayon na. Mga managsoon kamo. Dili baya ang inyong igsoong lalaki ug igsoong babaye ang nakabuhat og unsa man nga sayup; kondili ang espiritu kana sa yawa nga nagasulod dinha. Kita n'yo, nagalibot-libot ra man gud siya. Ug batia lang ninyo ang kalooy para sa igsoong lalaki o sa igsoong babaye, ug hibaloa nga ang Yawa kana nga nagapataliwala. Kung aduna kamo'y unsa man nga mabati, nan tangtanga kana sa gilayon gikan kaninyo, kita n'yo, tungod kay maghatag ra kana og kadunot kaninyo. Oo, mao gayud. Busa, pahilayo kamo sa ingon-niana. Basta hinumdumi n'yo.

There's room, room, plenty of room,

Adunay dapit para sa mga Methodist, dunay dapit para sa mga Baptist, dunay dapit para sa Presbyterian. Aduna gyu'y dapit para sa tanan.

Room, room, yes, there is room,
There's room at the Fountain for thee.

290 Pila man dinhi ang nakahinumdom pa sa atong karaang pangpauli na nga alawiton, kaniadto?

Dalha ang Ngalan ni Jesus uban kanimo,
 Anak nga may kasub-anan ug kalisdanan;
 Kini'y magahatag kanimo'g kalipay ug
 kahupayan,
 Dalha Kini sa bisan asa ka man moadto.

Gusto ko unta nga magpabilin ka pa uban kanamo, Igsoong
 Jeffreys, kamo ni Igsoong babayeng Jeffreys, ug ang mga batang
 lalaki usab, ug silang tanan.

Ug sa Ngalan ni Jesus magaduko,
 Diha sa Iyang tiilan magayukbo; (Oh, my!)
 Hari sa mga hari sa Langit ato Siyang
 pagapurong-purongan,
 Sa diha ang atong panaw bug-os na nga
 mahuman.

Dalha ang Ngalan ni Jesus uban kanimo,
 Dalha Kini ingon nga usa ka Panagang sa niini
 nga adlaw;
 Oh, sa diha nga ang panulay magapahiduol,
 Litoka lang diha sa pag-ampo ang maong
 balaan nga Ngalan.

Oh, gusto ko gayud kana. Dili ba kamo usab? Kanang
 kahibulongang Ngalan ni Jesus! Karon, manindog na kita,
 samtang magaaawit kita karon. Sige.

Take the Name of Jesus with you,
 Child of sorrow and of woe;
 It will . . . (. . . ? . . .)

Oh how sweet!
 Hope of earth and joy of Heaven;
 Precious Name (Oh, precious Name), Oh how
 sweet!
 Hope of earth and joy of Heaven.

²⁹¹ Medyo lahi na karon. Iduko lang nato ang atong mga ulo
 ha, ug, sa mahilumon nga paagi, ipataas nato ang atong usa ka
 kamot. Moingon:

At the Name of Jesus bowing,
 Falling prostrate at His feet,
 King of kings in Heaven we'll crown Him,
 When our journey is complete.

Precious Name, O how sweet!
 Hope of earth and joy of Heaven;
 Yes, precious Name, oh how sweet!
 Hope of earth and joy of Heaven.

²⁹² Samtang padayon nga nakaduko ang atong mga ulo,
 moingon kita . . . [Si Igsoong Branham nagsugod na sa paglaylay
 og *Take The Name Of Jesus With You*—Ed.]



NGANO MAN NGA DILI KITA USA KA DENOMINASYON? CEB58-0927
(Why Are We Not A Denomination?)

Kining Mensahe ni Igsoong William Marrion Branham, una giwala sa Ingles niadtong Sabado sa gabii, Septyembre 27, 1958, sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org